


# پھل سوئے حماں نعتاں دے



حمدیہ تے نعتیہ

سینجابی  
رباعیاں



محمد اقبال نجمی



بِسْمِ اللّٰهِ الرَّحْمٰنِ الرَّحِیْمِ

# پھل سوئے حمرانِ نعتاں دے

حمدیہ تے نعتیہ پنجابی رباعیاں

محمد اقبال نجمی



فروعِ ادب اکادمی

لاہور — گوجرانوالہ — اسلام آباد

### سبھے حق لکھاری دے را کھویں

نام کتاب	:	پہل سوچنے حمد اں نعتاں دے
لکھاری	:	محمد اقبال نجمی
چھاپن ورہا	:	۲۰۰۹ء
گنتری	:	اک ہزار
ہدیہ	:	پے
کمپوزنگ	:	سجاد کمپوزنگ سنٹر، گوجرانوالہ
چھاپن والے	:	فروغ ادب اکادمی، گوجرانوالہ
فون	:	۰۵۵-۳۲۵۱۶۰۳

سوئے رب تے اوہدے پیارے حبیب ﷺ

دے ناں

جہاں مینوں حمد تے نعت دا نور عطا کیتا

پھل سوہنے حماں نعمتاں دے مہکے  
چن تارے نوری راتاں دے مہکے  
دنیا دے رب تے طیبہ ماہی دے  
عابد گلہستے باتاں دے مہکے

ڈاکٹر بشیر عابد

## محبت تے عقیدت دا گلدستہ

### محمد اقبال نجمی

رباعی چار مصرعیاں تے اساری جان والی مخصوص شعری صنف اے جہدے خاص اوزان نیں جہاں وچ ایہ رچائی جاندی اے۔ رباعی فارسی زبان توں اُردو تے پنجابی زبان ول آئی اے۔ اُردو زبان وچ تے بہت سارے شاعران رباعی لکھی اے تے کئیاں شاعران دیاں خالص رباعی دے حوالے نال کتاباں وی شائع ہو چکیاں نیں ایہدے وچ نعتیہ رباعی دے پراگے وی شامل نیں، پر پنجابی زبان نال جڑے ہوئے شاعران رباعی ول اچے گھٹ دھیان کیتا اے، چند کتاباں پنجابی رباعی دے حوالے نال شائع ہو چکیاں نیں جہاں وچوں بابائے پنجابی ڈاکٹر فقیر محمد فقیر تے صدیق تاثیر ہوراں دیاں کتاباں رباعی دے حوالے نال پنجابی ادب داماں ودھانیاں نیں۔

رباعی لکھن لکھیاں شاعر واسطے عرضی جا نکاری بڑی ضروری ہوندی اے ایس لئی وی پنجابی دے بہت سارے شاعر رباعی ول گوہ نہیں کردے۔ میں پنجابی رباعی لکھن بارے جدوں سوچیا تے میرے ذہن دے اُفق تے حمد تے نعت دا چاٹنا کھل گیا تے انج میرے واسطے اک منزل دی نشان دہی کردتی گئی، میں جدوں پنجابی وچ حمدیہ تے نعتیہ رباعیاں لکھن دا ارادہ کیتا تے فیر سوہنے مالک وٹوں تے پیارے مدنی من ٹھار آ قلمیؒ ولوں نورانی کرناں دی بارش ہوندی گئی تے انج ”مُحَلّ سوہنے حمد اں نعتاں دے“ دی شکل وچ پنجابی حمدیہ تے نعتیہ رباعیاں دا ایہ گلدستہ تیار ہو گیا۔

حمدیہ تے نعتیہ رباعیاں دا ایہ پراگ ”مُحَلّ سوہنے حمد اں نعتاں دے“ میری محبت تے عقیدت دا گلدستہ میرے لئی عشق تے عبادت دا درجہ رکھدا اے۔ ایہ سوہنا گلدستہ تیار ہوون نال میرے دل دی وڈی سدھر پوری ہو گئی اے۔ اللہ سوہنے تے پیارے آ قلمیؒ دی بارگاہ وچ ایہ نذرانہ پیش کر کے میں کتنا خوش آں ایہد ایمان لفظاں وچ کرنا میرے لئی بڑا ہی مشکل اے۔ ”مُحَلّ سوہنے حمد اں نعتاں دے“ نوں میں اپنے ادبی سفر دا اک خاص امتیاز سمجھتا واں، بھادویں اشاعتی کتب دے حوالے نال ایہ میری سٹوئیں کتاب اے جہڑی چھپ کے تہاڑے ہتھاں تیک پہنچ رہی اے۔ اللہ کریم دے احساناں تے اوہدیاں دیتاں نعمتاں تے اوہدا شکر ادا کرنا بندے دے دس وچ نہیں کیوں جے بندہ بھادویں کتنا دی دس لا لالوے اوہدیاں دیتاں ساہواں واقعہ ادا نہیں کر سکدا پر جہاں بندے دے دس وچ اے اوہناں تے رب سوہنے دا شکر تے ذکر کرنا ہی

چاہی دے۔ اودھی حمد چٹارن تے اودے پیارے محبوب ﷺ دی نعت آکھن دا سوہنا تے نوہکلا کم جے بندے نوں مل جاوے تے مالک سوہنے دا ایہ اک ہور احسان اے جہدے تے خوشی دے اتھرو دگانے پیندے نیں تے میں، مکمل سوہنے حمد اہل نعتاں دے، پیش کردیاں ہوئیاں خوشی دے اتھرو دگا رہیاواں پئی مالک سوہنے نے ایہ سوہنا کم میرے کولوں لیا اے، میری دعا اے پئی اللہ کریم انج ای مینوں اپنی حمد تے اپنے پیارے محبوب نبی رحمت ﷺ دی نعت لکھن دل لائی رکھے۔ آمین

ایہناں اکھراں راہیں میں اپنے سجن ساتھی ڈاکٹر بشیر عابد ہوراں دا شکریہ ادا کرنا چاہواں گا جہاں کتاب تے بڑا پُر مغز مضمون لکھیا جھو ادیا چے دی صورت کتاب وچ نور و نڈ دا اے۔ رباعی بارے جانکاری حاصل کرن والے ایس مضمون توں چنگی لا بھ چک سکدے نیں۔ ڈاکٹر بشیر عابد ہوراں میرے رباعیاں دے ایس مسودے نوں دی بڑی ڈونگھی نظر نال پڑھیا تے مفید مشوریاں نال نوازیایا ایہدے نال نال کتاب دے پروف پڑھن دی ذمہ داری وی بڑے احسن طریقے نال پوری کیتی۔ میں اپنے سجن غلام مصطفیٰ بسمل ہوراں دا وی ممنون آں جہاں کتاب بارے اپنی رائے توں نوازیاتے میرا مان و دھایا۔ کتاب دی اشاعت بارے جہاں بزرگاں، دوستاں تے پیاریاں اپنی محبت تے خلوص دا ایثار بخشیا اوہناں وچوں پروفیسر محمد اکرم رضا، جناب طاہر عرفانی، جناب سجاد مرزا، ڈاکٹر حفیظ احمد، جناب عاطف کمال رانا، جناب احسان اللہ طاہر، جناب محمد انور رانا، جناب طاہر سلطانی (کراچی)، جناب شاعر علی شاعر (کراچی) جناب اشرف سہیل (لاہور) تے جناب امجد شریف شامل نیں۔ میں سارے بچاں دیاں محبتاں تے اوہناں دا شکریہ ادا کرناواں پئی اوہناں کتاب دی اشاعت بارے اپنے پیارے محبت بھرے جذبیاں دا اظہار کیتا اے۔





## پنجابی حمدیہ نعتیہ رباعیاں دا پہلا سنگھا مجموعہ

ڈاکٹر بشیر عابد

محمد اقبال نجمی ہو رہیں جتھے معروف شاعر، محقق، صحافی، مدیر تے لکھاری نیں او تھے دو جیاں ادبی صفاں اُتے لکھیاں گھیاں ڈھیر کتاباں دے وی مصنف نیں۔ ایہناں اپنی حیاتی اُردو تے پنجابی دوہاں زبانوں دی ترقی تے ترویج لئی وقف کر رکھی اے جس پاروں ایہ کوئی نہ کوئی نویں توں نوواں ادبی کم چھوہی رکھ دے نیں تے ایسے کارن کوئی وی نویں یا پرانی شعری صنف ایہناں دے فکری فنی کلاوے توں اپنا آپ دور نہیں رکھ سکدی۔ ایہناں دے نزدیک ادبی خدمت وچ جتھے انسانی عظمت اپنی پہچان کراندی اے او تھے اوہدے کردار دا پیش حل وی اُساردی اے۔

علامہ نجمی ہو راں دا ادبی سفر مڈھ توں ای اسانی وسعتاں اتے کمنداں پان دا چاہوان سی ایسے لئی ایہناں دی ہر شعری اثران بلندیاں دے پینڈے مار دی نظری آؤندی اے۔ حال وچ ایہناں نعتیہ قصیدے دے نال نال حمدیہ قصیدیاں دا پر اگا پنجابی ادب دے بھنڈا وچ پیش کر کے جتھے اپنی فکری تے فنی وڈائی دا ثبوت مہیا کیتا اے او تھے صنف رباعی جہڑی اک مشکل ترین صنف سخن متھی جاندی اے اوس نوں اپنے قلم دی زینت بنا کے پنجابی شاعری نوں اک ہو رسلا مین جوگ مجموعہ دان کر رہے نیں جہڑا ایہناں دی فکری انفرادیت نوں اجاگر کردا اے تے ایہناں دا ایہو ادبی سکھن جدوں کتابی صورت وچ سامنے آؤندا اے تے اک معتبر حوالے دے نال نال ادبی کارنامہ وی مٹھیا جاند اے۔

ایہناں دی تازہ تے نویں پنجابی حمدیہ تے نعتیہ رباعیاں دی پلیٹھی دی کتاب پھل سوہنے حمد اہل نعتاں دے،، جہدے وچ (لا الہ الا اللہ محمد رسول اللہ) دے عددی ۷۰ فاں دے لحاظ نال جہڑے بمطابق حروف ابجد (۶۱۹) چھ سوانی نکل دے نیں اوہناں دے حساب نال چھ سوانی رباعیاں لکھ کے شامل کیتیاں نیں تے ایہ رباعیاں جتھے فن دی کلا دا جادو جگان دیاں نیں او تھے اپنے خالق دی وسیع نظری تے قادر الکلامی دامونہ بولد اثبوت وی پیش کردیاں نیں۔

محمد اقبال نجمی ہو راں دیاں رباعیاں دے فنی تے فکری محاسن تے خوبیاں بارے چان پان توں پہلاں صنف رباعی بارے گل کرنی ایس لئی ضروری اے کیوں جے ساڈے پنجابی

شاعرانوں رباعی دی تاریخ توں جانکاری وی ہو جائے تے نالے رباعی دے مخصوص وزنن بارے بھرویں واقفی وی۔

پنجابی ادب وچ رباعی دا وجود نہ ہون دے برابر اے کیوں جے ایہ شعری صنف اپنی ترتیب تے ترکیب دی پیچیدگی تے اوکھیاں پادوں ہر شاعر دی پکڑ وچ نہیں آندی ایسے لئی اُردو دے شاعران داگوں پنجابی شاعران نے دی ایس ول گوہ نال نہیں دیکھیا سگوں ایس کولوں کئی کترا کے لنگھ گئے نیں۔ جے چارو نچار کسے نے ایس صنف نوں ورتوں وچ لیا عداوی اے تے ایہدے مخصوص چوی وزنن وچوں جہڑے چار پنج سرل، پرچلت تے آسان وزن نیں اوہناں نوں موہرے رکھ کے رباعیاں لکھیاں نیں تے اوہناں وچوں وی اک وزن جہڑا لاول ولاقوۃ الا باللہ دے قول تے پورا اتردا اے اوس نوں ای زیادہ توں زیادہ استعمال کیتا اے۔

گنجی ہوراں دیاں رباعیاں اُتے چائن پان توں پہلاں رباعی دی تخلیق تے وجہ تسمیہ اُتے چائن پان ضروری ایس لئی اے تاں جے کجھ غلط فہمیاں دی دھوڑ نوں جھاڑیا جھنپیا جاسکے۔

رباعی اپنے لغوی مطلب پادوں لفظ ”رباع“ توں منسوب اے جہڑا مفہوم ”چار چار“ اے، مربع تے اربع جے اکھراں دامادہ وی اوہوای اے جہڑا لفظ ”رباعی“ دا اے تے اصطلاحی مفہوم وچ ایس توں مراد چار مصرعیاں اُتے اُساری گئی اک کئی جہی مخصوص شعری صنف اے۔

رباعی دی ایجاد بارے دکھریاں وکھریاں روایتاں ملدیاں نیں۔ رباعی دی ایجاد بھادوی غلطاں غلطاں ہی رودلپ گو، توں ہوئی یا ایران دے ترانہ یا بیتی توں ترقی دیاں منزلاں طے کردی کردی رباعی دے مخصوص چوی وزنن دے آخری تے آخری شعرے تک جہڑا خوبہ حسن بن قحطان خراسانی نے وضع کیتا سی دی دہنی اختراع دا تکمیل نامہ بن کے اپنے وجود دا بھرواں اظہار کروایا جہڑا اپنے اندر مخصوص نو (9) مذاحف رکناں تے اک سالم رکن دے تال میل نال وقوع پذیر ہوندا اے۔ رباعی اپنی مدہلی شکل وچ ترانہ، دوبیتی، چار مصرعی یا دوبیتی دے ناں توں فارسی ادب وچ سامنے آئی جہڑی تاریخی لحاظ نال ارتقائی پینڈے کجھدی کجھدی موجودہ شکل وچ آج ساڈے سامنے موجود اے۔

رباعی خالص فارسی شعری صنف اے جہڑی بھیلدی بھیلدی فارسی دے ستاں دوراں اُتے محیط اے جہڑے سامانی، غزنوی، سلجوقی، ایلخانی، تیموری، صفوی تے قاجاری اکھواندے نیں تے ایہناں دوراں وچوں رباعی داسنہری دور سلجوقی دور متھیا جاند اے۔ جمہدے وچ شیخ ابوسعید ابوالخیر، شیخ عبداللہ انصاری، عمر خیام، باباطاہریاں تے شیخ فرید الدین عطار ورگے نابغہ روزگار

شاعر ایہدی سر بلندی لئی پیدا ہوئے تے ایہو دور ای رباعی دی عظمت، فصاحت تے بلاغت دا زریں دور اکھواندا اے۔ رباعی نے ایسے سلجوتی دور وچ اپنے اندر ان گنت مضموناں نوں سمیٹیا جویں عشق، فراق، فلسفہ، تصوف، شباب، رباب، معرفت، طریقت تے ایہو جئے ہو رہے شمار فکر اس دے پھل کلیاں ایہدی زینت بنے۔ باباطاہر عریاں پہلے باغی شاعر نہیں جہاں رباعی دے مخصوص وزن توں ہٹ کے اپنی مقامی فارسی بولی ”لری“ وچ رباعیاں لکھیاں جہڑیاں عام طور تے رباعیاں اکھواندیاں نہیں بھادیں اصل وچ ادہ دو بیتیاں نیں۔

رباعی بھادیں اک مشکل ترین شعری صنف منی جاندی اے پر فیروزی جے کوئی شاعر رباعی دے کچھ متھے گئے اصول یاد کر لوے تے ایہدے تے عبور حاصل ہو سکدا اے۔ رباعی نوں سمجھن لئی عروض دیاں کتاباں وچ کچھ طریقے وضع کیے گئے نیں جہاں دا بیان کرنا اشد ضروری اے۔ کسے وی رباعی دے مصرعے وچ بحر ہزج دے چار رکن ضروری نیں جہاں وچ اک رکن سالم تے تن مذاحف رکن شامل ہوندے نیں کیوں جے رباعی بحر ہزج دے مخصوص سالم تے مذاحف رکنوں دے وزن وچ ای لکھی جاندی اے۔ شروع شروع وچ رباعی دے چارے مصرعے ہم قافیہ وی ہوندے سن جہڑے فارسی توں لے کے اردو دے شاعراں دیاں رباعیاں وچ کدھرے کدھرے ملدے نیں۔ ایہو جہاں رباعیاں نوں مصرع رباعیاں یا غیر شخصی رباعیاں آکھیا جاند اے پر زیادہ تر رباعیاں غیر مصرع یا شخصی رباعیاں ای معروف تے مشہور نیں یعنی اوہ رباعی دے چار مصرعے جہاں وچ تن مقفی تے اک غیر مقفی ہوندا اے۔ رباعی دی اوکھیاں نوں سمجھن واسطے مصرعے دے اجزاء چیتے رکھنے بہوں ضروری نیں جہڑے انج نیں۔

جتنے ہر دن کلا قلندر ہووے  
اجزا وزن: مفعولن فاعلن مفاعیلن فاعلن  
صدر حشو حشو عروض  
ابتدا حشو حشو ضرب بحر

کیوں جے رباعی دے وزن چار ارکان اتے جہڑے ایس لئی ایہدے پہلے مصرعے دا پہلا تے آخری رکن صدر تے عروض تے دو جے مصرعے دا پہلا تے آخری رکن ابتدا تے ضرب (بحر) تے وچکار لے دونوں رکن دو حشو اکھواندے نیں۔ ایس طرح عروضی حساب نال رباعی وچ کل دس رکن مستعمل نیں جہاں وچ اک سالم یعنی مفاعیلن تے باقی نوں مذاحف رکن نیں جہاں دی عروضی ترتیب انج اے۔

- ۱۔ سالم رکن مفاعیلین ۲۔ مفاعِلن (مقبوض) ۳۔ مفاعیل (مکفوف) ۴۔ فاعِلن (اشتر)  
۵۔ مفعولن (اخرم یا محقق) ۶۔ مفعول (اخر مکفوف محقق) ۷۔ فاعِل (اہتم) ۸۔ فاعِل (محبوب)  
۹۔ فاعِل (ازل) ۱۰۔ فاعِل (ابتدیا محقق، محبوب)

مصرعے دے اجزا دے مطابق ایہناں دی وڈ کچھ انج ہووے گی۔

- ۱۔ اوہ مذاحف رکن جہڑے صدر ابتداءتے عروض ضرب (عجز) وچ آؤندے نیں۔

صدر تے ابتدا  
مفعول، مفعولن  
فعل، فاعِل، فاعِل تے فاعِل

- ۲۔ اوہ مذاحف رکن جہڑے مصرعے دے پہلے تے دو جے خسو وچ آؤندے نیں۔

پہلا خسو: مفعول، مفعولن، مفاعیل، مفاعِلن، فاعِلن، مفاعِلن  
دو جاسو: مفعول، مفعولن، مفاعِل، مفاعِلن

ہن رباعی دا پہلا کلیہ جہدے تحت رباعی دے چوڑی وزن معلوم کیتے جاسکدے نیں اوہ عروض دیاں کتاباں وچ انج دیا گیا اے۔

رباعی دے چار رکتاں وچ جے پہلے رکن دا آخری جز سبب واقع ہوند اے تے فیر دو جے رکن دی ابتداوی سبب توں ہووے گی انجے ای جے رباعی دے پہلے رکن دا آخری جز وند ہوند اے تے فیر دو جے رکن دی ابتداوی وند توں ای ہووے گی ایس طریقے نوں اہل عروض نے سبب پہ سبب تے وند پہ وند داناں دتا اے۔

رباعی دا اک مصرع دیکھو

مفعول، مفاعیل، مفاعِل، فاعِل

ایس دی دو حرفی (سبب) تے تن حرفی (وند) دی وڈ انج کیتی جاسکدی اے۔

مفعول رمفا..... مفاعِل رمفا..... مفاعِل رمفا..... فاعِل رمفا.....

یعنی پہلے رکن دا آخری جز وند اے ایس لئی دو جے رکن دا پہلا جزوی وند آیا اے ایس طرح دو جے رکن دا آخری جزوی وند اے ایس لئی تیجے رکن دا پہلا جزوی وند آیا اے تے ایس طرح تیجے رکن دا آخری جزوی وند اے ایس لئی چوتھے رکن دا پہلا جزوی وند ای آیا اے۔

ایس توں واضح ہو گیا کہ جے کر رباعی دے کسے مصرع دا پہلا رکن سبب تے منکد اے تے اوہ دوا دوا رکن سبب دے جز توں ای شروع ہوئے گاتے جے اوہ دوا دوا رکن وند تے ختم ہوند اے تے فیر تیجے رکن دا پہلا جزوی وند توں شروع ہووے گا یعنی ہر رکن دے سبب توں بعد دو جے رکن

واجب لازمی سبب تو ای شروع ہووے گا یعنی سبب توں بعد سبب تے وند توں بعد وند داکلیہ ورتن نال رباعی دے چوی وزن بنائے جاسکدے نیں۔ ایسے وند دا دو جا طریقہ ڈاکٹر جمال الدین جمال ہوراں نے اپنی عروض دی کتاب تفہیم العروض وچ رباعی دے چار بنیادی وزناں نوں تسکین اوسط دے طریقے نال رباعی دے چوی وزن کڈھن داکلیہ بڑا آسان بنادتا اے۔

تسکین اوسط توں مراد کسے بحر دے دور کناں وچ اکوتھاں تے لگا تار تن حرکتاں والے حرفاں دے درمیانے حرف نوں ساکن کر دین دا ناں اے جو یں رباعی دے دو تقاعیل وزن دیکھو۔

۱۔ مفعول، مفاعیل، مفاعیل، فعل (ہزج مثنیٰ اُخرب مکفوف محبوب)

۲۔ مفعول، مفاعیل، مفاعیل، فاعول (ہزج مثنیٰ اُخرب مکفوف اہتم)

ایہناں دونوں بنیادی وزناں دے رکتاں دی عروضی ترتیب ای کجھ انج دی اے کہ ہر رکن وچ آپے تن تن تھاں تے متواتر وند دے بعد وند آ رہیا اے۔ جدوں ایسے ایہناں رکتاں تے تسکین اوسط داخل کراں گے تے اوہدے رد عمل وچ جتھے جتھے وند دے بعد وند موجود ہووے گا او تھے او تھے سبب دے بعد سبب اوندا جاوے گا تے ایہو ای تسکین اوسط دال لازمی نتیجہ اے تے ایسے نکتے نوں سمجھنا رباعی لئی بہت ضروری اے۔ ایہناں دوہاں بنیادی وزناں چوں تسکین اوسط دے عمل نال مزید چودھواں رباعی دے وزن نکل آوندے نیں تے انج کل سولہاں وزن بن جانداں نیں۔ جہڑے اٹھ تے شجرہ اُخرب دے ہون گے تے اٹھ شجرہ اُخرم دے۔ باقی دوہور رباعی دے بنیادی وزن انج نیں جہاں دی ڈاکٹر جمال ہوراں نے ستاراں تے اٹھاراں نمبر دے کے نشاندہی کیتی اے جیویں۔

۱۷۔ مفعول، مفاعیل، مفاعیل، فعل (ہزج مثنیٰ اُخرب مقبوض مکفوف محبوب)

۱۸۔ مفعول، مفاعیل، مفاعیل، فاعول (ہزج مثنیٰ اُخرب مقبوض مکفوف، اہتم)

ایہناں وزناں وچ دی تن تن متحرک حروف متواتر دو دو تھاواں تے واقع ہوندے نیں ایسے لئی ایہناں وزناں وچ دو تھاواں تے تسکین اوسط وار دہوندی اے۔ ایہناں دوہاں بنیادی وزناں اتے تسکین اوسط دے عمل نال مزید چھ وزن نکل آوندے نیں تے انج کل چوی وزن بن جانداں نیں جہڑے چار وزن شجرہ اُخرب تے چار وزن شجرہ اُخرم دے وجود وچ آ جانداں نیں۔ ڈاکٹر جمال الدین دا طریقہ قدرے آسان دکھائی دیندا اے پر ایہدے لئی رباعی دے چار بنیادی وزن یاد رکھنے ضروری نیں۔ جہڑے اُپر دے گئے نیں۔

ہن رباعی دے دونویں شجرے محمد اقبال نجی ہوراں دیاں رباعیاں دے مصرعیاں نال پیش کیجے جانداں نیں تاں جے اُخرب تے اُخرم دے وزناں دی وند ہو جاوے۔

## رباعی دے شجرہ اُخر دے بار اں وزن

۱۔	مفعول، مفاعیل، مفاعیل، فاعل	سر دار مرے پاک نبی پاک رسولؐ
۲۔	مفعول، مفاعیل، مفاعیل، فعل	سر کارِ سدا خیر سدا خیر لے
۳۔	مفعول، مفاعیل، مفاعیل، فاعل	سبحان تری ذات تراہر تھاں نور
۴۔	مفعول، مفاعیل، مفاعیل، فع	اعجاز نبی پاک نوں ملیا سوہنا
۵۔	مفعول، مفاعیل، مفاعیل، فاعل	مہکن گے سدا ای اوہ محبت دے گلاب
۶۔	مفعول، مفاعیل، مفاعیل، فعل	اوصاف نبی دے لکھ تے لکھ نور نبیؐ
۷۔	مفعول، مفاعیل، مفاعیل، فاعل	در بار حضورؐ دادو دے جلوے خاص
۸۔	مفعول، مفاعیل، مفاعیل، فع	قدرت نے تری عجب آثارے جلوے
۹۔	مفعول، مفاعیل، مفعول، فاعل	تسکین دلاں دی تے رحمت نیں رسولؐ
۱۰۔	مفعول، مفاعیل، مفعول، فعل	میری وی شفاعت مرے سرکارؐ کرن
۱۱۔	مفعول، مفاعیل، مفعول، فاعل	سرکارؐ مرے نیں سہناں توں ممتاز
۱۲۔	مفعول، مفاعیل، مفعول، فع	رستہ تے دواواں دادیا اوہناں

## رباعی دے شجرہ اُخر دے بار اں وزن

۱۔	مفعول، فاعل، مفاعیل، فاعل	رحمت دے مخل چکاں پڑھاں در تے سلام
۲۔	مفعول، فاعل، مفاعیل، فعل	میرے اُتے کرو عنایت دی نظر
۳۔	مفعول، فاعل، مفاعیل، فاعل	طیبہ دی خاک چم لو اں پاواں نور
۴۔	مفعول، فاعل، مفاعیل، فع	سجدے مشکل کشا نبیؐ سوہنے نیں
۵۔	مفعول، مفعول، مفاعیل، فاعل	اعلیٰ اے کردار نبیؐ پاک رسولؐ
۶۔	مفعول، مفعول، مفاعیل، فعل	سوہنے دے درو توں ای ملے نور ضیا
۷۔	مفعول، مفعول، مفاعیل، فاعل	پیارے پیارے پاک نبیؐ رکھ دے مان
۸۔	مفعول، مفعول، مفاعیل، فع	اُمت دے سلطان مدینے والے
۹۔	مفعول، مفعول، مفعول، فاعل	ہر ویلے ای میں لکھاں نعت درود
۱۰۔	مفعول، مفعول، مفعول، فعل	وعدہ اہر کہاں تھاں رحمت نور نبیؐ
۱۱۔	مفعول، مفعول، مفعول، فاعل	دلبر جانے دلبر دے سدا انداز
۱۲۔	مفعول، مفعول، مفعول، فع	آفت دے لی بخشش منگن والے

کچھ عروضیاں نے شجرہ اخرم دے اک وزن مفعولن، مفعولن، مفعولن، فع نوں پنجابی دے عرف عام وزن پنج فعلن جہذا بحر متدارک دے سالم رکن فاعلن دے مذاحف رکن مقطوع یا مجنون مسکن (عین ساکن) وچوں نکلیا اے، دے تولاں اُتے پورا لیا ندے نہیں تے ایس طرح پنج فعلن دی اک عروضی بحر بنالیندے نہیں پر رباعی لکھن لکیاں ورتوں وچ عین ساکن دا خیال نہیں رکھدے تے ایس طرح اوہ سارے مصرعے یا شعر جہڑے مذاحف رکن مجنون غیر مسکن دے زمرے وچ آؤندے نہیں اوہ سابقہ الوزن دے کھاتے وچ پے جان دے نہیں جے کسے شاعر ایس وزن وچ رباعی کہنی ہووے تے اوہ لے لئی ایس باریک کتے دا خیال رکھنا ات ضروری اے۔

ایس جدوں پنجابی شاعری دے جہنڈا وچ رباعی دا وجود کھنھے آں تے باقاعدہ طور تے بابائے پنجابی ڈاکٹر فقیر محمد فقیر پہلا پنجابی رباعی دا عمر خیام نظر آؤندا اے۔ میں لمی بحث وچ نہیں پینداتے بس ایہ ای آکھنا کہ رباعی صرف اوہ رباعی گئی تے تھی جاوے گی جہڑی رباعی دے چوی وزناں تے تولاں اندر تخلیق کیتی گئی ہووے گی۔ باقی بھادیں کوئی کنایا دعویٰ کرے کہ فلاں رباعی اے تے فلاں نہیں گل نہیں بن دی، جدوں کہ عروضیاں نے ایس دے مخصوص وزن متھ دتے نہیں تے فیراوہناں توں وکھریاں راہواں کڈھنیاں اُکا فضول کم اے۔ باقی ساڈے پنجابی شاعراں وچ اکھراں دا درست اچارن پرلے درجے دا وگڑیا ہویا شعری ذوق اے جس دا خیال وڈے وڈے قد بہت والے شاعر وی نہیں کردے تے ایہ بڑے ڈکھوالی گل وی اے تے اکھراں دا بے دریغ قتل وی، ایس لئی لفظاں دے اچارن ویلے اوہناں دا تلفظ درست تے اعراب دے عین مطابق ہونا ہر حال وچ لازمی اے نہیں تے مصرع مقررہ بحر دے وزن توں خارج متھیا جاوے گا تے مزید ایہ وی اے جے مروجہ تقطیع دے اصول دے مطابق اکھری ورتوں دا خیال وی نہ رکھیا جائے تے اوہ شعری تردیا ہویا ہووے گا۔

اردو تے پنجابی شاعری وچ غلط العوام ہر طرح دے چار مصرعیاں نوں رباعی آکھ دتا جاندا اے۔ بھادیں اوہ چوپائی، قطعہ یا چار مصرعی نظم ای کیوں نہ ہووے۔ جیویں حضرت علامہ اقبال ہوراں دے قطعیاں نوں وی رباعی آکھیا جاندا اے۔ مثلاً

بتا کیا تو مرا ساقی نہیں ہے  
ترے شیشے میں سے باقی نہیں ہے  
پیا سے کو سمندر سے ملے شبنم  
بجلی ہے یہ رزاقی نہیں ہے

دلوں کو مرکب مہر و وفا کر  
حریم کبریا سے آشنا کر  
جسے نان جویں بخش ہے تو نے  
اسے بازوئے حیدر بھی عطا کر

ایہ سارا گورکھ دھنداعروض دے علم تے رباعی دے مخصوص وزن توں ناواقف دانہیجہ  
اے۔ عروض دان اٹکل پچو نہیں مار دے اوہناں نے تے غالب جے آفاقی شاعر دی اک رباعی  
دے اک مصرعے دے وال دی کھلھ لاہ دتی اے۔ غالب دی رباعی دیکھو۔

دُکھ جی کے پسند ہو گیا ہے غالب  
دل رک رک کر بند ہو گیا ہے غالب  
واللہ کہ شب کو نیند آتی ہی نہیں  
سونا سو گند ہو گیا ہے غالب

بقول علی حیدر طباطبائی، رباعی دے دو بے مصرعے وچ دو حرف رباعی دے وزن توں  
زیادہ ورتے گئے نیں جہڑے ناموزوں نیں۔ تے جے ایس مصرعے نوں انج لکھیا جاوے۔ دل  
رک کر بند ہو گیا ہے غالب، ایس طرح مصرعے درست ہو جاند اے پر جہڑا زور تے معنی دل  
رک رک کر وچ اے اوہ ختم ہو جاند اے۔ ایہ گل ایس لئی ضروری لکھنی پئی اے کہ عروضیاں نے تے  
غالب ورتے بندے نوں معاف نہیں کیتا پر ایس پنجابی انہیاں شعراں وچ اکھراں دے جھکے  
کر دے جارہے آں فیروزی پرواہ نہیں کر دے جدوں کہ شاعری وچ اکھراں دا صحیح اچارن ملفوظی  
تے زحانی بڑی اہمیت رکھدا اے سگوں شاعری دا شیش محل ای ایہناں اتے اسار یا جاند اے۔

جویں کہ پہلے دنیا گیا اے کہ محترم نجی ہو راں کلمہ شریف دی ابجدی ونڈ نال لا الہ الا اللہ  
دے عدد دے حساب نال 165 حمدیہ رباعیاں تے محمد رسول اللہ دے عدد دے حساب نال  
454 نعتیہ رباعیاں لکھ کے جتھے اللہ تعالیٰ دی بارگاہ وچ اپنی عبدیت دا اقرار کیتا اے اوہ تھے حضور  
اکرم ﷺ دی جناب وچ اپنی عقیدت تے عشق دا نذرانہ بھیجاں پلکاں نال پیش کیتا اے تے سچ  
پچھو تے ایہ دونویں ای اظہار دے نذرانے نجی ہو راں دی حیاتی وامنہ سرمایہ نیں، ایہناں  
نذرانیاں دی ہرکلی تے ہر پھل نو یکلا تے من بھاؤ تا اے۔

علامہ نجی ہو راں جتھے رباعیاں وچ خدائے وحدۃ لا شریک دی ربوبیت تے ابدی خلاقی  
دے سو پلے گائے نیں اوہ تھے نبی پاک اعلیٰ مرتبت حضرت محمد رسول عربی مدنی من ثناء ﷺ دی



جناب وچ نعتاں تے مدحتاں دے نویکے گلاباں دیاں پتیاں ورگے مصرعیاں تے شعراں نال اپنی عقیدت دا ڈھویا بڑے نزول جذبیاں نال پیش کیتا اے۔ اوہناں دیاں فنی تے فکری اُچیاں بارے چائن پاناوی ات ضروری اے جے پتا لگ سکے کہ اقبال نجی ہو راں جتھے فکر دے نورانی دیوے روشن کیتے نیں او تھے فن دے تاریاں دیاں لوواں وی اُجاگر کیتیاں نیں۔ نجی ہو راں رباعیاں وچ مولا سر جہار دی عبادت تے آقامنی سرکار دی محبت دا اظہار جتھے دہرایا اے او تھے دہران دے عمل وچ ہر وار ڈھنگ تے درتوں نوں رنگ تے نویں خشبو لے کے بصارت تے بصیرت نوں آگاہی، معرفت، محبت تے عقیدت دا ادراک مہیا کر دی اے تے صدق، صفاتے ایمان دا شعور وی عطا کر دی اے جو یں۔

مولا دی عبادت دے چلے پھل سوہنے  
آقا دی محبت دے ملے پھل سوہنے  
جو وزن رباعی چ اکٹھے کیتے  
اوہ نال عقیدت میں دھرے پھل سوہنے

محمد اقبال نجی نے حمدیہ رباعیاں وچ اللہ تعالیٰ دی وحدانیت تے اوہدی ذات نوں کائنات دا خالق آکھ کے ایہ نکتہ دسیا اے کہ توحید دا مطلب دراصل اللہ تعالیٰ نوں کائنات دا خالق تے مالک سمجھنا تے اوہدے نال کھسی محبت تے مکمل اطاعت دا گوڑھا رشتہ قائم کرنا اے۔ ایہ توحید ای بندے نوں نویں تخلیق عطا کر دی اے۔ توحید نال ای بندے دیاں ناڑاں وچ خون بجی وانگوں دوڑن لگ پیندا اے تے بندہ اوہدی راہ وچ ترکھا ہو کے بخت پیندا اے تے اوہدے اندروں ہر طرح دا خوف تے شک نکل جاند اے تے بندہ عمل دے جذبے وچ ڈب جاند اے پراہے جذبہ حضور پاک صاحبِ لولاک ﷺ نال بھیج کے عشق کرن نال حاصل ہوند اے۔ مولانا ظفر علی خان نے اپنے اک شعر وچ ایسے گل نوں انج واضح کیتا اے۔

مسلماناں ہے تو دنیا میں خدا کا نور پھیلا دے  
حریمِ خواجہ یثرب سے مٹی کا دیا لے کر  
علامہ اقبال نے توحید دی وضاحت کر دیاں رموز بے خودی وچ انج فرمایا اے۔

دیں ازو، حکمت ازو، آئیں ازو  
زور ازو، قوت ازو، تمکین ازو

ترجمہ: توحید ہی سے دین، حکمت، آئین، زور، قوت اور تمکین حاصل ہوتے ہیں۔ اللہ تعالیٰ نے قرآن مجید وچ لوکاں نوں سمجھان لئی توحید دا مسئلہ بڑے سہل تے سادا ڈھنگ وچ بیان کیتا اے

جہدے وچ کسے قسم دی دینی گھنچلک دی اکا گنجائش نہیں۔ ایہدے ثبوت لئی سورت المؤمنون، سورۃ الاحقاف تے سورۃ النمل دیاں آیتاں دی تلاوت کریجے تے خدا دی وحدانیت اگے خود بخود سر جھک جائدا اے۔ اوہ ایس لئی پئی وسیع کائنات وچ جے کوئی ہو رد و جا خدا ہوندا تے دھرتی تے انہر کردوں دے فساد دی نذر ہو جائدے جدوں کہ اسیں دیکھنے آں زمین اسان وچ کوئی فساد نظر نہیں آؤندا انج لگدا ایہ جیویں کسے دؤے محکم نظام نے ایہناں نوں سنبھالیا ہویا اے۔ استحقاق اے تے نکلد اے کہ زمین اسان دا برجن ہارتے خالق صرف اک ای خدا اے جہڑا قادر دی اے عظیم تے حکیم دی اے۔

نجمی ہوراں دا دینی تے اسلامی مطالعہ بڑا وسیع تے گہرا اے ایسے لئی ایہناں دیاں حمدیہ رباعیاں وچ عقیدہ توحید دے نورانی جلوپاں دے لشکارے تھاں تھاں دیکھ سکے آں۔

پھیرے جے نظر تے اوہ مٹا دے منظر  
ہر آن نویں سائوں دکھا دے منظر  
مختار تے مالک اے اوہ قادر مولا  
کن آکھ کے لمبے بچ بنا دے منظر



مالک توں جہانں دا تے میرے دل دا  
مرضی جے تری ہو دے تے پتہ مل دا  
محتاج زمانہ اے ترا سبھ جانن  
چاہویں جے توں فر نور اُجالا مل دا



ہمسر نہ ترا کوئی نہ ہم نام اللہ  
قبضے جے ترے صبح آتے شام اللہ  
سکھ تے ترا چلے خدا کی بھر وچ  
سوہنا توں کریں میرا دی انجام اللہ



مالک اے جو صفتاں دا اوہ اللہ سوہنا  
رازق اے جو سمجھناں دا اوہ اللہ سوہنا  
اوسے دی سدا حمد چٹارن سارے  
حاکم اے جو حکماں دا اوہ اللہ سوہنا

اقبال نجمی ہو راں پنجابی رباعیاں وچ اسلامی تلمیحات نوں بڑے سکھتے تے سوہنے انداز  
نال شعراں دیاں لڑیاں وچ سجایا اے۔ جہاں وچ اسیں حضور اکرم ﷺ دی سیرت مبارکہ دے  
نورانی جلوایاں دا جی بھر کے نظارہ کر سکے آں۔ مثال وجوں کجھ رباعیاں دیکھو۔

واقعہ حضرت ابراہیم خلیل اللہ تے نمرود دی چٹا دے تاظر وچ

مقصود مرا اوہ اے جو وٹے رحمت

معبود مرا اوہ اے جو دیوے چاہت

گلزار بنا دے اوہ بھڑک دی آگ نوں

موجود فقط اوہ اے اوہ رکھے قدرت

انج ای غار حرا تے غار ثور دا ذکر کر کے پہلی وحی ول اشارہ اے۔ جیہڑا اقرا باسم رب  
الذی خلق دی صورت وچ حضور پر انوار محمد رسول اللہ ﷺ ہو راں نوں نبوت دا منصب عطا کیتا  
گیا تے ہجرت وچ جدوں غار ثور وچ یا غار صدیق اکبر ہو راں نوں لا تحزن ان اللہ معنا  
فرمایا ایس ول اشارہ کر دے نیں۔

اقرا دی شہادت تھیں حرا اے روشن

انج ثور تے آقا دی نوا اے روشن

اوہ نال خدا اے جو حفاظت کردا

سرکار دا ہر قول دعا اے روشن

نبی آخر الزماں حضرت محمد عربی ﷺ دے معجزیاں وچ جن دے دوکھن ہوں، ڈبڈے  
سورج دے پچھاں مڑن، رکھاں دا چلن تے کنکراں دے کلمہ پڑھن دی حقانیت دا اظہار نجمی  
ہو راں دو نعتیہ رباعیاں وچ انج کیتا اے۔ ایہناں وچ اظہار دانواں پن دیکھو۔

انگی دے اشارے تھیں جو جن نوں توڑن

ڈبڈے ہوئے سورج نوں جو کچھے موڑن

آئے اوہ اُساڈے لئی مسیحا بن کے

آئے اوہ خدائی نوں خدا تھیں جوڑن

☆

بھہ بھید حیاتی دے تاں ای کھولے

رکھ کر کے جے آئے نیں تے پھر بولے

اوہناں نے شفاعت دا وثیقہ پایا

در آپ تے جہاں نے وی اُتھر دوڑے

ایسے طرح حضرت محمد عربی ﷺ دی شان و رفعتاں لک ذکرک تے ختم نبوت بارے دی رباعیاں ملدیاں نیں جہڑیاں آپ حضور ﷺ دی عظمت دی گواہی دے رہیاں نیں۔

آقا دا خدائی جج اے رتبہ اُچا  
اس شان نوں کوئی دی گھٹا نہیں سکدا  
ایہ شان، ”رفعتاں لک ذکرک“ کہہ کے  
ہر ویلے خدا آپ دوحاندہ رہندا

☆

رحمت اے نہ رافت اے تہاڈے جیسی  
سیرت اے نہ صورت اے تہاڈے جیسی  
آئے تے نیں لکھتاں ای نبی اللہ دے  
پائی نہ نبوت اے تہاڈے جیسی

نبیاں دے سردار نبی پاک ﷺ دا اک ایہ معجزہ وی اے کہ آپ دے حکم نال کنکراں دا کلمہ پڑھ کے آپ دی رسالت دی گواہی دینا۔ ”جی ہوراں ایس معجزے نوں دی رباعی وچ“ ”نظمایا اے۔“ اودھانویہ نکلا ڈھنگ ملاحظہ ہووے۔

آقا دی گواہی عیٰ پتھر بولے  
مٹھی جج ابو جہل دی کنکر بولے  
جس شے تے پیا آپ دا جلوہ نوری  
اُس شے چوں حقیقت دا اے جو ہر بولے

انج تے سرور کائنات فخر موجودات حضرت محمد مصطفیٰ ﷺ ہوراں دے معجزیاں دی تعداد حدوں ودھ اے پر جی ہوران نے آپ دے مشہور معجزیاں نوں اپنیاں رباعیاں وچ نظمیاں کے پڑھن تے سنن والیاں دے ایمان وچ اضافہ تے روحاں نوں تازگی وندی اے۔

”جی ہوراں دیاں نعتیہ رباعیاں وچ سبھ توں اگھڑویں شے ایہناں دا حضرت محمد مصطفیٰ ﷺ نال والہانہ عشق اے جہڑا تھاں تھاں دل لکھاں ماردا نظر آؤندا اے۔ خدا دے محبوب مرسل محمد عربی ﷺ نال ایہناں دا عشق تے اودھے سوہنے شہر مدینے نال لگاؤ ”جی ہوراں دیاں رباعیاں وچ ایمان نوں تازگی تے روح نوں روحانیت وندہ محسوس ہوندا اے۔ جویں علامہ اقبال ہوراں حضور پاک ﷺ نال عقیدت تے عشق دا اظہار کیا اے۔“

ع..... سرمہ ہے مری آنکھ کا خاکِ مدینہ و نجف  
ع..... خاکِ بیثرب از دو عالم خوشتر است

نجی ہو رہی وی ایسے طرح رباعیاں وچ اپنی عقیدت تے سرمستی دا اظہار کردے نظریں  
آوندے نہیں۔

طیبہ دی خاک چم لوں پاواں نور  
سوہنے دی جد نعت کہواں پاواں نور  
دل اکھیاں نوں ملے گی سرشاری فیر  
طیبہ نگری میں جا بہواں پاواں نور

☆

رحمت دے مکمل چگاں پڑھاں در تے سلام  
روضے دے سامنے رھواں بن کے غلام  
لکھاں میں نعت آپ دی پاک رسول  
ہو جائے زندگی مری انج تمام  
اک جگہ علامہ اقبال ہو رہی سرور کائنات ﷺ دے حضور مناجات کردیاں ہویاں انج عرض گزار  
دے نہیں۔

گرد لیم آئینہ بے جوہر است  
در بجز کلم غیر قرآن مضمر است  
پردہ فانوس فکر پاک کن  
ایں خیاباں را زخارم پاک کن  
روز محشر خوار و رسوا کن مرا  
بے نصیب از بوسہ پاک کن مرا

ترجمہ: اے اللہ دے رسول محمد ﷺ جے میرے دل دی مثال اوس آئینے وانگوں اے جس وچ  
کوئی جوہر ای نہ ہووے تے جے میری شاعری وچ قرآن مجید دے سوا کسے ہو رھے دی ترجمانی  
اے تے آپ ﷺ جی سرکار میری فکر دا پردہ چاک کردیو تے ایس چمن نوں میرے جے کنڈے  
توں پاک کردیو۔ ایس توں دودھ ہو قیامت دے دن مینوں ذلیل و خوار کرن دے نال اپنی قدم  
بوی توں دی محروم کر دینا۔ حضرت اقبال اپنے عشق دا اظہار کئی عاجزی تے انکساری نال کر رہے  
نیں۔ ایہ گلاں اپنے عشق نوں ہو رکیرا کرن واسطے چھوہندے نہیں تاں جے حضور نبی کریم ﷺ  
دی نظر کرم نال حیاتی دی کاپا لپٹ جاوے۔ ایسے ای عشق دا ذکر زبور عجم وچ انج کردے نہیں۔

عشق را نازم کہ بودش را غم نابود نے  
کفر او زمار دار حاضر و موجود نے

عشق اگر خرماں دہرے از جان شریں ہم گزر  
عشق محبوب است مقصود است و جاں مقصود نے

ترجمہ: (۱) مینوں اپنے عشق اُتے نازاے کہ اوہ دے وجود نوں مٹ جان دا غم نہیں، ایس لئی کہ اوہ  
زمان تے مکان دی زنا ردا ری دے کفر توں بچیا ہویاے۔ (۲) جے عشق حکم دیوے تے جان  
شریں توں وی گزر جاں۔ عشق ساڈا محبوب تے مقصوداے جان تے عارضی شے اے۔  
نجمی ہوراں دیاں نعتیہ رباعیاں وچ اقبال ورگا تصور عشق تھاں تھاں لشکارے ماردا دکھائی  
دیندا اے۔ کجھ رباعیاں ملاحظہ ہوں۔

دل تے میں محمد ﷺ دا ای ناں اے لکھیا  
ہونٹھاں تے مرے صلہ علی دا کلمہ  
چند موت ملے مینوں تے ہووے سانویں  
نجمی اوہ مدینے دا ای سوہنا نقشہ

☆

روضے دا نظارہ اے تے بھیجاں اکھیاں  
اوہ نور دی جالی اے تے جھکیاں اکھیاں  
اُتھراں نے مرے خوب دعاواں منگیاں  
قد میں ج آقا دے نیں روئیاں اکھیاں

☆

سجھ دے تئیں مقصود جے میرے آقا  
حامد اُتے محمود جے میرے آقا  
روقی اے جہانناں دی تہاڑے پاروں  
سمجھناں لئی مسعود جے میرے آقا

☆

سرکار دے در تے جو بہاندے اُتھرو  
بیچار کدے وی نہ اوہ جانے اُتھرو  
انمول خزانے نیں ایہ چاہت والے  
توقیر دلاں دی ایہ دو حاندے اُتھرو

پرنجمی ہوراں دی چاہت، عقیدت تے عشق دارنگ بعضاں توں وکھراتے انتاں توں  
دوہ نکھاتے گوڑھا اے ایہدی وجہ ایہ دے کہ ایہناں اپنے عشق دا اظہار مزمز کے دہرایا اے تاں

111209

جے کسے پڑھن سنن والے نوں کوئی مغالطہ نہ رہ جاوے مگر ایہناں دے دہران دے عمل وچ دی  
نواں پن جھاتیاں ماردا نظری آؤندا اے۔ جو یں

اکھیاں ج مدینے نوں وسا کے رکھیاں  
گلشن میں سدا دل نوں بنا کے رکھیاں  
سرکار دی مدحت دے میں نوری جلوے  
اک تاج بناواں تے سجا کے رکھیاں

☆

دربار اے آقا دا بڑا ای سوہنا  
عظمت اے جہدی عرش توں اعلیٰ بالا  
جنت توں دی سوئی اے اودہ سوئی دھرتی  
اللہ دے محبوب دا جتھے جلوہ

☆

دل یاد تھیں سوچنے دا مدینہ بن دا  
پتھر وی محبت تھیں نگینہ بن دا  
آقا دی جو حرمت دا فدا کی ہووے  
اودہ شخص تے امت دا سفینہ بن دا

اپنے عشق نوں مدینے دی منزل متھ لینا تے فیراوتے جھکی پالین دا جذبہ تے اوہناں دے  
دربار دی غلامی دا شرف حاصل کرن دی دلیل اک سچے عاشق کولوں ای لہجہ سکدی اے پرایہ عشق  
ہاری ساری نوں حاصل نہیں ہوندا اودہ ایس لئی

کہ عشق آساں نمودا دل ولے افتادہ مشکل ہا

والی گل اے۔ کیوں جے حضور ﷺ دی سنت تے چلنا تے قائم رہنا ای اصل ایمان اے  
تے ایہدی پاسداری کردیاں ہو یاں وی کمی رہ جائدی اے۔ ایسے واسطے نبھی ہو ریں اللہ سوہنے  
اگے انج دعا کر دے نیں۔

محبوب دی سنت تے چلا دے مولا!  
قرآن دا قاری وی بنا دے مولا!  
ایمان دی دولت دا اے طالب نبھی  
دل ایس دا سنا اے چکا دے مولا!

سارے نعت گو شاعراں نے جتنے اپنی نعتیں وچ حضور اکرم ﷺ دے اوصاف، شہاں  
تے معجزات تے مدینے دا ذکر کیا اے او تھے گنبد خضریٰ نوں اکھیاں دی ٹھنڈک آکھیا اے۔ نجی  
ہوراں دی گنبد خضریٰ دی تعریف وچ اک رباعی دیکھو، پڑھ کے ایمان تازہ ہو جاندا اے۔

اکھیاں دا اُجالا اے اوہ ساوا گنبد  
انوار دا ہالا اے اوہ ساوا گنبد  
مرکز اے محبت دا دلاں دا چائن  
عظمت دا ہالا اے اوہ ساوا گنبد  
تے اک رباعی مدینے دے بے مثال حسن پارے وی پڑھ لوو۔  
دھرتی نہ فلک کوئی مدینے درگا  
موتی نہ کوئی ایس نگینے درگا  
رب ایس دا درجہ اے ودھایا بھ توں  
کوئی نہ مدینے اے مدینے درگا

نجی ہو ری جدوں ذکر رسول پاک ﷺ چھیڑ دے نیں اوہناں دیاں پکاں عشق دے سوز  
تے گداز وچ بھج جان دیاں نیں تے اوہناں دالوں لوں آقا کالی کالی والے ﷺ دے ذکر تے  
توصیف وچ مسحور ہو جاندا اے۔ کجھ رباعیاں وچ اوہناں دے عشق، پیار، تے عقیدت دا چھلاں  
مار دا نظارہ تیں وی دیکھو۔

☆

سامان شریعت دا نبی دی اُلفت  
عنوان حقیقت دا نبی دی نسبت  
قربان کراں جان نبی دے ناں تے  
ایمان دی دولت اے نبی دی چاہت

☆

میں نور عقیدت تھیں اُجالے ونڈاں  
جو عشق چ لکھے اوہ مقابلے ونڈاں  
خیرات جو مدحت دی ملی اے مینوں  
اک شوق اے اوہنوں میں دوالے ونڈاں

☆



آقا دی ثنا خوانی اے دولت میری  
 لکھتاواں میں نعتاں ایہ دے عزت میری  
 سوئے دے تھوڑ تھیں سجاواں محفل  
 ایہ عشق خزینہ ای اے چاہت میری  
 حضرت مولانا الطاف حسین حالی ہوراں سرورِ کائنات ﷺ دے حضور اپنے دورِ غلامی  
 دے حالات دیکھ کے دعا کی تھی سی۔

اے خاصہ خاصانِ رسل وقت دعا ہے  
 اُمت پہ تری آ کے عجب وقت پڑا ہے  
 نجی ہوریں دی سرکارِ دو عالم ﷺ دی جناب وچ انج عرضاں گزار دے نیں۔  
 میں در تے تہاڑے آں شاداں کردا  
 بخشش دے لئی آقا میں دعاواں کردا  
 سن دے او گنہگار دے دل دی گل نوں  
 میں نال ندامت دے صداواں کردا  
 تے فیر اپنے روندے ہوئے دل تے اتھر و بھریاں اکھیاں نال ایہ آکھ دے نیں۔  
 تیرا دی سہارا نیں اوہ کملی والے  
 میرا دی سہارا نیں اوہ کملی والے  
 اوہناں دا ای ناں دل نوں تسلی دیوے  
 سہناں دا سہارا نیں اوہ کملی والے  
 نجی ہوراں اپنیاں رباعیاں وچ حضور پاک ﷺ دے صفاتی ناناواں نوں وی بڑے پتھے  
 تے سنکھے ڈھنگ نال لیا اندا اے جہڑے سچے موتیاں دا گنوں ڈھسکاں مار کے دلاں وچ نوری چاننا  
 کھلا دے نیں۔

عنقرُ نبی پاک نیں مالکِ مولاً  
 دتے نیں خزانے پیا وڈے سوہنا  
 قاسمِ نیں نبی پاک لٹاندے رحمت  
 شاہدِ نیں نبی پاک تے کلمہ سوہنا



اعلیٰ نبیؐ اولیٰ نبیؐ طیبؐ طاہرؐ  
اکملؐ نبیؐ کاملؐ نبیؐ سبھ دے ناصرؐ  
ناطقؐ نبیؐ عالمؐ نبیؐ حجتؐ وی نہیں  
مصباحؐ وی فتاحؐ وی سبھ دے رہبرؐ

☆

نبیینؐ وی ملکہؐ وی نبیؐ صادقؐ سوئے  
مؤمنؐ وی مبلغؐ نبیؐ عظمتؐ والے  
برہانؐ وی سلطانؐ وی میرے آقاؐ  
منصورؐ وی ناصرؐ وی نہیں رحمتؐ وند دے

☆

آقاؐ نہیں غنیؐ ایسے جو دامن بھر دے  
آقاؐ نہیں مہربانیؐ نورؐ دے چشمے وند دے  
تسکینؐ دلاں وی تھے ہدایتؐ سؤنی  
آقاؐ نہیں ہیؐ سوئے حفاظتؐ کردے

☆

عجیؐ وی نہیں عربیؐ وی قریشیؐ آقاؐ  
کئیؐ وی نہیں مدنیؐ وی ترازیؐ آقاؐ  
ہر پاسے نبیؐ پاکؐ نے جگہ کیتی  
شافعؐ وی نہیں خاتمؐ وی مجازیؐ آقاؐ

☆

اولؐ وی نبیؐ پاکؐ نہیں سیدؐ سرورؐ  
آخرؐ وی نبیؐ پاکؐ نہیں بہترؐ برترؐ  
عرشاںؐ دی بلندیؐ تے وی کردے جلوے  
فرشاںؐ تے وی ناںؐ آپؐ دا پاکؐ معطرؐ

کہہ اکہو اشواقؐ بھریا پہلواے جہاںؐ جیؐ ہو راں رباعیاںؐ وچ نہیں سجایا۔ خدا تعالیٰ دی  
عبادت دے سارے ڈھنگ تے حضور اکرم ﷺ مدنی مانی دی رسالت دے سارے رنگ

پھلاں تے خشبوواں وانگوں روحاں وچ ایمان دیاں تجلیاں کھلا دے دکھائی دیندے نیں تے دنیا  
 نوں خدا دی خدائی تے رسول عربی ﷺ دی مصطفائی واسنہا ایہناں دے فکر تے فن دے حرف  
 حرف تے لفظ لفظ وچوں مہکد املد اے۔ نجی ہوراں دے فکر تے فن وچ معیار تے اظہار دے  
 پاکیزہ تے پور نمونے رباعیاں وچ گلاب دیاں شبنم دھوتیاں پچاں وانگوں احساساں تے ذہناں  
 نوں حیاتی گزارن دا ڈھنگ وی مہیا کر دیاں نیں تے طریقہ وی۔ نجی ہوراں دی ہر رباعی اک  
 گلاب تے ہر رباعی اک قدیل ہر مصرع اک چراغ تے ہر شعر اک شبنم اے۔ ایہناں دے  
 نزدیک خدا تعالیٰ دی حمد تے سرور دو جہاں ﷺ دی نعت ای حیاتی دانور تے ساہواں داسرور  
 اے۔ ایہناں جس شدت تے جذبے نال نعت نوں اُجاگر کیا اے اوہ ایہناں دا ای حصہ اے۔

نجی ہوراں دے فی سہن تے بے نظر ماریے تے اک چتر باغ کھریا دکھائی دیندا  
 اے۔ تشبیہاں، استعاریاں، تجسیماں، تلمیحاں، رمزناں تے کنایاں نال رباعیاں دے باغ دی ہر  
 شئی تے ہر کرنل لدھی ہوئی ملدی اے۔ کجھ فی خوبیاں تے خوبصورتیاں دنگی لئی پیش کیتیاں  
 جاندیاں نیں۔ لفظی ترکیباں وچ جویں شوق دا دریا، دروداں دی ڈالی، رحمت داسایہ، پیاروی  
 خشبو، نور دی بارش، جستو داسفر، مہر دی بدلی، رحمت دایمنہ، فکر اں دی چاننی، علماں دی روشنی، تے انج  
 ای لفظی تکرار دیاں ترکیباں جویں، منظر منظر رحمت، چائن چائن فکر اں دے نال نال الفاظ دے  
 تکرار احسن بے مثال اے جویں نس نس، رگ رگ، لون لون، نظر نظر، مگر مگر، عالم عالم، شبنم شبنم،  
 پیہم پیہم، چمن چمن، مہک مہک، چمک چمک، دمک دمک اتے سوہنے سوہنے جے لفظاں دی سندر تا  
 طبع اتے جادو جی کر دیندی اے۔ مجھ رباعیاں ایس ثبوت لئی حاضر نیں۔

لوکی سارے مہک مہک اُٹھے نیں  
 نوری تاری چمک چمک اُٹھے نیں  
 آقا سوہنے کمال کر دتا اے  
 بجے چہرے دمک دمک اُٹھے نیں

☆

تیری قدرت چمن چمن تیرا راج  
 تیری مدحت خن خن تیرا راج  
 توں ای پروردگار توں سبھ دا مان  
 تیری حکمت سمن سمن تیرا راج

نجی ہوراں دیاں رباعیاں وچ فی کلا احسن بھرویں انداز نال موجود اے جہڑا تھاں تھاں

اپنے دل کھچاں مار داملد اے۔ ایہو وجہ اے کہ ایہناں دیاں ایمان افروز رباعیاں پڑھ کے من  
نوں ربی شانتی تے روح نوں مصطفائی سکون حاصل ہوندا اے۔ اقبال نجی ہوراں جتھے بوہت  
سارے فنی ڈھنگاں نوں درتوں وچ لیا دالے او تھے اک ہور فنی مہارت توں کم لے کے رباعی  
دے ہر مصرع وچ اکو لفظ دی نگرار نوں بڑا بامعنی اپنے اسلوب دا حصہ بنایا اے۔ جیویں

سرکار دی عظمت دے ترانے گائیے  
سرکار دی چاہت وچ مقالے لکھیے  
سرکار دے حکماں تے پنجاہور ہوئیے  
سرکار دی سیرت توں ہدایت لہیے

☆

اک نور وظیفہ اے جو رکھے روشن  
اک پیار دا دریا اے جو بھر دا دامن  
اک مہر دی بدلی اے جو رہندی سرتے  
اک لطف سراپا اے جو بن دا ضامن

☆

دربار حضور دا دے جلوے خاص  
دربار حضور توں ملن رتے خاص  
دربار حضور دا شفاعت دا نور  
دربار حضور تے بنن لہجے خاص

نجی ہوراں اپنیاں رباعیاں وچ کدھرے کدھرے استادانہ فنی استاکاری توں وی کم لیا  
اے جہذاہل متنع وانگوں بگداتے آسان اے پر جہدوں کرن لکھے تے عاجزی توں سوا کچھ وی تھہ  
نہیں آوند اے یعنی ایہناں نے رباعیاں دے مصرعیاں دے حشو اول وچ ردیف دے نال نال دو  
قافیے استعمال کیچے نیں جہوے بڑے نوں یکے تے من کچویں نظری آوندے نیں۔ نجی ہوراں نے  
ایس فنی کلا دے جادو نوں دی بڑے پچھے تے اچھوتے ڈھنگ نال جگا کے اپنی قادر الکلامی دایقینا  
لوہا منوایا اے۔ ثبوت لئی کچھ رباعیاں دارو فنی سہین ملاحظہ ہووے۔

دھرتی تے سگن وچ تری مشعل بلدی  
ہر روح بدن وچ تری مشعل بلدی  
پاندے نیں نمو یاد جو تینوں کردے  
دنیا دے چن وچ تری مشعل بلدی

حامد نے صداواں تھیں جلایا اے چراغ  
ساجد نے ثناواں تھیں بنایا اے چراغ  
عابد نے بڑی فکر تھیں پایا عرفان  
زائد نوں عطاواں تھیں دکھایا اے چراغ

☆

تیری قدرت چن چن تیرا راج  
تیری مدحت خن خن تیرا راج  
توں ایں پرور دگار توں سبھ دا مان  
تیری حکمت سمن سمن تیرا راج

☆

عزت اوہو عزت اے جو دیوے مولا  
طاقت اوہو طاقت اے جو دیوے مولا  
بیکار نیں تھیرے ایہ زمانے بھر دے  
نعت اوہو نعت اے جو دیوے مولا

☆

رحمان ایں توں اُجال دے سانوں دی  
سبحان ایں توں کمال دے سانوں دی  
الفت دا تری جام چلی پھر دے  
ذیشان ایں توں جمال دے سانوں دی

محمد اقبال مجھی ہوراں دے عشق دے کچھ وکھرے تے نوں بکے ڈھنگاں تے رنگاں دا نظارہ

دی کرو تے اپنے ایمان نوں رشناؤ۔

آقا نوں دروداں دے میں تجھے گھٹاں  
آقا نوں سلاماں دی میں پکھی جھٹاں  
سانویں میں مویہ دے سلاماں کہہ کے  
قدیم چ بیٹھاں تے سناواں گھٹاں

مولا نے کرم خاص اے کیا نجھی  
جد جام شفاعت دا میں پیتا نجھی  
مکے ج تے کیا سی میں گلماں لیراں  
جد آیا مدینے تے ایہ سیتا نجھی

ہر عاشق اپنے محبوب دے سوہلے گاندا اے مجازی عشق وچ بندہ مجنوں ہو جاندا اے پر  
حضرت محمد مصطفیٰ ﷺ دے عشق دی رنگن دیوانہ نہیں ہون دیندی باشعور بنا دیندی اے تے نجھی  
ہوراں او سے شعور ول اشارہ کیا اے جسراں باخدا دیوانہ باشد باحمد ہوشیار تے ایسے اے عشق دا  
فیض اے کہ نجھی ہوریں حضور پاک ﷺ دے صدقے نیک نامیاں تے شاد کامیاں کھٹ وی  
رہے نہیں تے وعدہ وی رہے نہیں۔ ایہ عزتاں ایہ عظمتاں اوہناں دے کرم نال ایہ عاشقاں دیاں  
جھولیاں وچ پیندیاں نہیں۔ نجھی ہوریں ایسے کرم دی نگاہ دا ذکر رباعیاں وچ تھاں تھاں کر دے  
نہیں۔

سجدے میں کراں شکر دے، رب نوں پاواں  
میں اپنے مقدر توں وی صدقے جاواں  
آقا دے غلاماں ج بٹھایا مینوں  
سوہنے دے اے صدقے تے ایہ ملیاں تھاواں

نجھی ہوراں دیاں نوری کرناں وچ بھیجاں رباعیاں تے جتاوی لکھیا جاوے گھٹ اے  
کیوں جے نجھی ہوراں خدا دی کبریائی تے رسول عربی ﷺ دی مصطفائی وچ حمداں تے نعتاں دا  
جہڑا میلہ لایا اے اوہ ازلی تے ابدی روپاں تے سروپاں نال بھریا ہویا اے تے ایہناں اُتے لکھن  
لکیاں صدیاں وی مل جان تے گھٹ نہیں۔ ایسے لئی میں مضمون نوں مزید طوالت توں بچان لئی  
اوہناں دی اک رباعی اُتے اپنی گل مکاناواں۔

ساڈے تے دے آقا دی اطاعت لازم  
دل وچ اوہ بٹھائی اے شریعت لازم  
جاں مال تے اولاد نچھاور کرنی  
ہے فرض اساڈے تے عبادت لازم

☆☆☆

حمدیہ رباعیاں





میں حمد بے لکھاں تے ہے تیری رحمت  
 میں نعت بے لکھاں تے ہے تیری شفقت  
 تیرے ای کرم نال نہیں گلاں سہتے  
 ہمت اے قلم وچ تے زباں وچ طاقت  
 .....☆.....☆.....

ڈھلکاں نہیں ترے نور دیاں سبھ پاسے  
 بکھیاں تے نچانا ایں توں سبھ دے پاسے  
 بھرنا ایں دلاں نوں نویں دے کے جلوے  
 لانا ایں توں بندیاں نوں تے انج دی راسے  
 .....☆.....☆.....

دس دی اے تری شان میں جدھر دیکھاں  
 توں سامنے میرے ویں میں کدھر ٹولاں  
 ہے رات دا نہیرا یاں اے دن دا چانن  
 جلوہ ترا ہر تھاں اے جے سوچاں سمجھاں  
 .....☆.....☆.....

خالق ایں توں سبھ دا تے سبھاں دا معبود  
 جلوہ ترا ہر تھاں ، رہویں ہر تھاں موجود  
 ہويا اے ترا لطف سدا ای مولا  
 ڈھکے جو ترے کول اوہ پائے گا سرود

.....☆.....☆.....

ہوٹھاں تے مرے دیپ دعا دے روشن  
 اُتھراں ج. مری رنگ عطا دے روشن  
 کھنڈیا اے ترا نور جمالی ہر تھاں  
 ساہواں ج. مری نقش ثنا دے روشن

.....☆.....☆.....

مولا ذی عبادت دے چُکے مُھل سوہنے  
 آقا دی محبت دے ملے مُھل سوہنے  
 جو وزن رباعی ج. اکٹھے کیجے  
 اوہ نال عقیدت میں دھرے مُھل سوہنے

.....☆.....☆.....

جھولی چ مری خیر دا لقمہ پائیں  
 کمزور آں بندہ ترا مولا سائیں  
 جو کچھ اے مرے واسطے چنگا دے دے  
 رستے تے سدا اپنے توں مینوں لائیں

.....☆.....☆.....

ہویا مرے مولا دا کرم اے کتنا  
 اکھیاں چ مری دیکھ توں نم اے کتنا  
 رکھے نیں قدم دیکھ توں کتھے نجمی  
 توں دیکھ ترے کول حرم اے کتنا

.....☆.....☆.....

عزت اوہو عزت اے جو دیوے مولا  
 طاقت اوہو طاقت اے جو دیوے مولا  
 بیکار نیں جھیرے ایہ زمانے بھر دے  
 نعمت اوہو نعمت اے جو دیوے مولا

.....☆.....☆.....

ناچیز تے مولا توں عنایت کر دے  
 دل پیار تے جھکت تھیں توں میرا بھر دے  
 خدمت دے میں جذبے تھیں متور ہوواں  
 کچھ نور حقیقت دا توں اندر دھر دے

.....☆.....☆.....

توں ارض دا خالق ایس تے والی گل دا  
 جانو ایس توں سمھنان دے ای اصلی ٹل دا  
 جلوے ترے کثرت تھیں زمانے بھر وچ  
 جو دُور ترے کولوں اوہ راہے رُل دا

.....☆.....☆.....

بندے آں ترے توں ای دعاواں سن دا  
 اُچیاں نیں یا ہولی نیں صداواں سن دا  
 دربار ترے دے ای نیں منگتے سارے  
 محتاج ترے ، توں ایس نواواں سن دا

.....☆.....☆.....

شبنم چ ترا جلوہ شفق اندر توں  
 توں نور کتاباں چ ' ورق اندر توں  
 دھرتی تے خلاواں تے فضاواں اندر  
 دنیا دے ہر اک بھید طبق اندر توں

.....☆.....☆.....

دل آکھے سدا تیریاں حمداں لکھاں  
 توفیق توں دے تیریاں شاناں لکھاں  
 عاشق آں ترا میں ترا شیدا مولا  
 میں تیری ثنا تیریاں گلاں لکھاں

.....☆.....☆.....

ایہ فکر مری جس وی جگہ جاندی اے  
 جلوہ گری تیری ای نظر آندی اے  
 ایہ باغ تے مُھل مُھل کلی پتے سارے  
 ہر جان پئی کلمہ ترا گاندی اے

.....☆.....☆.....

سب عظمتاں نیں تیریاں مولا سائیں  
 سب مدحتاں نیں تیریاں مولا سائیں  
 کد سامنے تیرے دے کوئی حد آندی  
 سب قدرتاں نیں تیریاں مولا سائیں  
 .....☆.....☆.....

دسدا اے تری شان ایہ عالم عالم  
 دیندی اے گواہی تری شبنم شبنم  
 جد شان کریمی دہ میں دیکھاں جلوہ  
 ودھدا اے مرا شوق دی پیہم پیہم  
 .....☆.....☆.....

کشتی مری لنگر مرا ساحل توں ایں  
 ایمان یقین توں مرا حاصل توں ایں  
 انعام دی صورت ج توں دیویں روزی  
 مختار تے مالک مری منزل توں ایں  
 .....☆.....☆.....

سوہنے تے نویں رنگ جما دینا ایں  
 گل کرنے دا چچ وی توں سکھا دینا ایں  
 توں حکمتاں دے خوب نیں موتی وٹڈے  
 ستیاں دے وی توں بخت جگا دینا ایں  
 .....☆.....☆.....

بجیا اے ترے نور تھیں ہالا دل دا  
 توں آکھدا لگدا اے اوہ سوہنا دل دا  
 مخلوق مری نال جو کردا نیکی  
 بندہ اے فقط اوہو ای چنگا دل دا  
 .....☆.....☆.....

محبوبِ دی سنت تے چلا دے مولا  
 قرآن دا قاری وی بنا دے مولا  
 ایمان دی دولت دا اے طالبِ نجمی  
 دل ایس دا ستا اے جگا دے مولا  
 .....☆.....☆.....

ہر شرتوں بچاویں تے پناہواں دیویں  
 سدھیاں نے جو مولا اوہ ای راہواں دیویں  
 اس دل چ ترا ڈرتے محبت دے  
 نت حمد الاون جو اوہ ساہواں دیویں  
 .....☆.....☆.....

میں درد نوں تیرے دی محبت آکھاں  
 اس نور نوں دل دی میں حقیقت آکھاں  
 اوہ نور جو آکھاں چ لئی پھرنا واں  
 اس نور نوں میں پیار دی حدت آکھاں  
 .....☆.....☆.....

ہر نقش ترا نقش دوا می آکھاں  
 میں لطف ترا لطف مدامی آکھاں  
 ہر وصف ترا وصف کمالی ویکھاں  
 ہر عکس نوں تیرا میں پیامی آکھاں  
 .....☆.....☆.....



تیرے ای سہارے تے سفر اے مولا  
محتاج ترا میرا ہنر اے مولا  
جو ذکر چ رُجھیا اے اوہ راحت پاوے  
بھ تیری محبت دا ثمر اے مولا

.....☆.....☆.....

رنگاں تھیں بھرے نیں توں ای گلشن گلشن  
روپاں تھیں بھرے نیں توں ای درپن درپن  
شاداب کرے بھ نوں ای رحمت تیری  
خوشبو تھیں وسائے نیں توں آنگن آنگن

.....☆.....☆.....

گلشن نوں اوہ پھلاں تھیں مہک دیندا اے  
دھرتی نوں اوہ رنگاں تھیں دھنک دیندا اے  
مالک اے سبھاں وچ ای اوہ نعمت وٹدا  
ذرے نوں اوہ تارے دی چمک دیندا اے

.....☆.....☆.....

امثال توں اعلیٰ اے اوہ عظمت والا  
 خالق اُتے مالک اے اوہ سبھ دا داتا  
 اوہ ذات بچ یکتا ایہ وی دیا اوہنے  
 معبود اوہ اگو ای اے اللہ سب دا

.....☆.....☆.....

ہر بات بچ حکمت دے خزانے رکھے  
 ہر شے بچ ای اُس ذات دے جلوے دیکھے  
 لاریب اوہو ذہت اے ارفع اعلیٰ  
 اوہ جس دے کمالات نیں سارے اُپتے

.....☆.....☆.....

رحمت دا تری میں تے اشارہ منگاں  
 بخشش دے لئی نور دا دھارا منگاں  
 بردہ واں ترا میں ، توں ایں مالک میرا  
 عاجز اُتے بیکس آں سہارا منگاں

.....☆.....☆.....

ذّرے جے دَمکدے نیں ایہ تیری قدرت  
 قطرے جے چمکدے نیں ایہ تیری قدرت  
 آفاق چ کھلے نیں ترے ای جلوے  
 جو کجھ اے جہاناں چ اوہ تیری رحمت  
 .....☆.....☆.....

اُس در تے سدا سر نوں خمیدہ رکھیں  
 ہر شرک توں بس پاک عقیدہ رکھیں  
 بخشش ہے جے مقصود تے ہر پل نجی  
 ہوٹھاں تے محبت دا قصیدہ رکھیں  
 .....☆.....☆.....

سب کم نیں مرے تیرے حوالے مولا  
 بخشے نیں سبھ توں ای اُجالے مولا  
 تعریف تری کنج بھلا کر سکناں  
 لکھاں میں لکھاں بھاویں مقالے مولا  
 .....☆.....☆.....

دل پیار دی دولت تھیں میں بھرنا چاہواں  
 انج جین دا سامان میں کرنا چاہواں  
 میرے تے نوازش توں خصوصی کر دے  
 مستی چ تری آ کے میں مرنا چاہواں

.....☆.....☆.....

دماز بناندے نیں ثنا دے منظر  
 کیہ حشر اٹھاندے نیں ثنا دے منظر  
 ہیبت وی جلالت عوی لطافت وی اے  
 ایہ نقش جماندے نیں ثنا دے منظر

.....☆.....☆.....

مُحَن نوں گنینہ وی اے دیتا سوہنے  
 رحمت دا خزانہ وی اے دیتا سوہنے  
 کعبے دا دکھایا اے اسانوں رستہ  
 چاہت دا سفینہ وی اے دیتا سوہنے

.....☆.....☆.....

کھنڈیا اے ترا حسن وی کتنا پیارا  
روشن اے ترے ذکر تھیں تارا تارا  
ساہواں نوں توں دینا ایں ہواواں تازہ  
فر نور تھیں ڈھک دینا ایں منظر سارا  
.....☆.....☆.....

میرے تے سدا کیتی اے توں تے شفقت  
توں نور وکھا کے وی تے دتی راحت  
بھریا اے مری جھولی نوں مولا توں ای  
کیتی اے مرے اُتے سدا ای رحمت  
.....☆.....☆.....

توں لاج مری رکھدا دعاواں سُن دا  
توں رحم وی کردا ایں صداواں سُن دا  
اعلیٰ اے تری شان خدائے یکتا!  
وسنا ایں دلاں وچ تے نواواں سُن دا  
.....☆.....☆.....

رستے تے ترے چلنے آں ہر دم ربا  
تعریف تری کرنے آں ہر دم ربا  
احسان ترے سارے جہاناں اُٹے  
تیتھوں ای اسیں ڈرنے آں ہر دم ربا

.....☆.....☆.....

ہوٹھاں نوں مرے ذکر دا ہالا دے دے  
لفظاں نوں مرے نور مقالا دے دے  
اتھراں تھیں کہواں میں مری توبہ توبہ  
در تیرے تے آیا واں سنبھالا دے دے

.....☆.....☆.....

میں حمد دے نغے سدا انجے گاواں  
میں نعت لکھاں چم کے اوہ نوری تھاواں  
میں عکس ترے دیکھ کے حیرت وچ آں  
دیکھاں تے میں کدھر تے میں کدھر جاواں

.....☆.....☆.....

اکھیاں ج ترا نور سجائی پھر دا  
 ہوٹھاں تے تری حمد دا نغمہ رکھدا  
 دعویٰ دی غلامی دا تری ہے مینوں  
 مولا توں مرا مولا ، دہائی دیندا

.....☆.....☆.....

صحرا نوں سمندر ج بدل سکنا ایں  
 ہر چیز تے غلبہ توں سدا رکھنا ایں  
 چاہویں تے گدا نوں توں سکندر کر دیں  
 دینا ایں کتے ڈھلاں کتے ڈکنا ایں

.....☆.....☆.....

دنیا فانی باقی بس اوہدی ذات  
 اوہو کل اے اوہدی اے نوری بات  
 چہرے ، رنگت ، آوازاں ، اوہدے ساز  
 باقی سبھ کجھ منفی اے اوہ اثبات

.....☆.....☆.....

سایا تیرا میری اے اک دستار  
تیری رحمت سائیں اُنٹاں دا پیار  
ربا مینوں دتی اے توں توقیر  
کھلے رکھیں بخشش دے توں بازار

.....☆.....☆.....

سبھ توں ودھ کے شفقت دے اوہ معبود  
رحمت راحت نعمت دے اوہ معبود  
سوہنے اُس نے کیتے نیں سبھ اکرام  
مینوں اپنی اُلفت دے ، اوہ معبود

.....☆.....☆.....

مالک ، مولا اُس تے جاں میں قربان  
اُس دی قدرت سوہنی اے ایہ ایمان  
مالک میری قسمت دا اوہ رزاق  
اعلیٰ ، ارفع ، اُچّا اے اوہ ذیشان

.....☆.....☆.....



مولا توں کرم کر دے غلاماں اُتے  
 ہوٹھاں تے سچے پیار سلاماں اُتے  
 ایمان سلامت تے میں شاناں منگاں  
 پہرہ اے ترا فجر اں تے شاماں اُتے

.....☆.....☆.....

گلشن دے توں پھلاں تے پھلاں دا والی  
 توں دشت دمن دا تے خزاں دا والی  
 تیری ای جھلک عرشاں تے فرشاں اُتے  
 توں زیر ، زبر ، حرف بیاں دا والی

.....☆.....☆.....

ہوٹھاں تے سدا تیرا بیاں رہندا اے  
 دلدار ترا نور فشاں رہندا اے  
 ایہ خاص کرم اے مرے مولا تیرا  
 جو نام ترا ورد زباں رہندا اے

.....☆.....☆.....

سوہنے تیرے کم سوہنی اے تعلیم  
 سوہنا تیرا ناں سوہنی اے تنظیم  
 باغاں اندر تیری کھلری مہکار  
 ساہواں اندر مولا تیری تکریم

.....☆.....☆.....

ہر پاسے نظر آئے نیں جلوے تیرے  
 توں نعمتاں وڈنا ایں میں صدقے تیرے  
 توں شکر دی نعمت توں نوازیں رکھیں  
 گاندا میں رہواں انجے ای نغے تیرے

.....☆.....☆.....

راحت آتے رحمت تے گھٹاواں منگاں  
 بخشش دی طلب ، خیر دعاواں منگاں  
 ادھ چاننا وڈے تے مٹاوے ظلمت  
 مولا توں میں ہر ویلے عطاواں منگاں

.....☆.....☆.....

خالق وی اوہ مالک وی سہارا سبھ دا  
حافظ وی اوہ ناصر وی اوہ پیارا سبھ دا  
اوسے توں تسلی تے ٹھکانا منگیے  
ناظر اسیں سارے اوہ نظارا سبھ دا

.....☆.....☆.....

سینے تے مرے نقش اے عظمت اوہدی  
جاچے نہ کوئی شان تے رحمت اوہدی  
اوہدے تے کمالاں دی نہ گنتی ہووے  
دیکھے گا کویں کوئی وی شوکت اوہدی

.....☆.....☆.....

پھیرے جے نظر تے اوہ مٹاوے منظر  
ہر آن نویں سانوں دکھاوے منظر  
مختار تے مالک اے اوہ قادر مولا  
گُن آکھ کے لمحے چ بناوے منظر

.....☆.....☆.....

مقصود مرا اوہ اے جو وٹے رحمت  
معبود مرا اوہ اے جو دیوے چاہت  
گلزار بناوے اوہ بھڑکدی آگ نوں  
موجود فقط اوہ اے اوہ رکھے قدرت

.....☆.....☆.....

رستہ تری رحمت دا اے مولا سوہنا  
رستہ تری عظمت وا اے مولا اُچّا  
اس خاک دے پتلے چوں ایہ وا جاں نکلن  
رستہ تری چاہت دا اے مولا اعلیٰ

.....☆.....☆.....

حرفاں آتے لفظاں ج صدا اے تیری  
رنگاں آتے روپاں ج ادا اے تیری  
عرشاں آتے فرشاں تے ترے ای جلوے  
جسماں آتے جاناں ج ضیا اے تیری

.....☆.....☆.....

جو دل وی دھڑکدا اے اوہ دُستی تیری  
 ازلاں توں ابد تیک اے ہستی تیری  
 وارث ایں توں شاہد توں ایں خالق باری  
 مخلوق ایہ ساری اے گرہستی تیری

.....☆.....☆.....

ڈانوں ڈولاں تائیں رستے پا دے  
 ڈبڈی بیڑی تائیں جتنے لا دے  
 ساڈی جندڑی روگاں تُوں چھٹ جاوے  
 لوں لوں مہکے سانوں اِنج دے چا دے

.....☆.....☆.....

رحمت دا مینہ پا دے ربّا ہن تے  
 ہستی نوں مہکا دے ربّا ہن تے  
 مینوں جیہڑا گلشن دیتا اُس تے  
 پھل پھل سوہنے لا دے ربّا ہن تے

.....☆.....☆.....

تفہیم تری ذات دی سوچن لوکی  
تنظیم تری ذات دی دیکھن لوکی  
بھ فیصلے تیرے نیں بڑے ای سوئے  
تکریم تری ذات دی جانن لوکی

.....☆.....☆.....

توں حال دا محرم ایں توں دل دا بھیتی  
ہریا وی کریں توں ای سکاویں کھیتی  
توں لاج مری عکھ مرے سوئے رہا  
کعبے تے مدینے توں بلا ہن چھیتی

.....☆.....☆.....

شناں والا اُچّا سُچّا رب اے  
آناں والا ساڈا سوہنا رب اے  
اوہدے کد فضلاں دی گنتی ہووے  
جس دا کلمہ لوں لوں رچیا رب اے

.....☆.....☆.....

چن تارے تری ہوند دے عنوان بچے  
 ہر شے دی زباں تے ترے فرمان بچے  
 منگنا واں دعا کھول دے سینہ میرا  
 تختی تے مرے دل دی وی قرآن بچے

.....☆.....☆.....

تاثير دوے لفظ نوں رحمت تیری  
 ہر سوچ نوں مہکا دوے نکھت تیری  
 انعام ترے حد توں زیادہ دیکھے  
 ہر ذہن تے چھائی اے جلالت تیری

.....☆.....☆.....

دیندی اے سہارا جو ادہ رحمت تیری  
 چاہنے آں اسیں مولا ہدایت تیری  
 ہر جاتے ای تکیا اے میں جلوہ تیرا  
 سمجھے گا بھلا کون مشیت تیری

.....☆.....☆.....

مخمر ترے ناں تھیں ایہ دنیا دیکھی  
 ساہواں ج سدا تیری تجلی پائی  
 نعمت تھیں تری سارا زمانہ پلدا  
 جلوے تے ترے اکھ میں نکائی رکھی

.....☆.....☆.....

تقدیر دا مالک توں خدائے واحد  
 ہر کوئی فدا ہوتا، اے عابد زاہد  
 زندہ اے عملِ نیرا تے ازلوں مولا  
 اس جلوہ گری تے نیں زمانے شاہد

.....☆.....☆.....

ہے ذکر ترا نورِ زباناں اندر  
 تکیا اے ترا حسن میں جاناں اندر  
 ڈگ پین پکھیرو چڑھے امبریں جہوے  
 رکھنا ایں سدا ہقم کے اڑاناں اندر

.....☆.....☆.....



ہر روپ منقش تری قدرت دس دا  
 ہر پُھل کلی اندر ترا جادو وس دا  
 ہر ذرّہ تری دکھ دی گواہی دیوے  
 ہر پیار دا لمحہ ترے ولیس نس دا

.....☆.....☆.....

جاری اے جو ازلاں توں حکومت تیری  
 ابد اں تھیں جو رُہنی اے اوہ عظمت تیری  
 توں شان کریمی دا ایس مالک مولا  
 حیران کرے سبھناں نوں حکمت تیری

.....☆.....☆.....

مخلوق دا خالق ایس توں داتا سبھ دا  
 مالک ایس تے مختار توں مولا سبھ دا  
 ہر چیز گواہی ترے ناں دی دیوے  
 رحمان تری شان توں سانجھا سبھ دا

.....☆.....☆.....

ایمان دا جلوہ مرے دل وچ دے  
 توحید دا نغمہ مرے لب تے مہکے  
 ہر پاسے نظر آندا اے پہرہ تیرا  
 ہر جگہ دا نظارا تری قدرت دے

.....☆.....☆.....

رحمت دا تری میں تے خزینہ چاہواں  
 حمد اں میں کہواں، ایہو قرینہ چاہواں  
 ہر شرنوں پریرے ای توں رکھیں مولا  
 میں پیار شفاعت دا سفینہ چاہواں

.....☆.....☆.....

وحدت دی میں تابش دا واں طالب مولا  
 میں تیری نوازش دا واں طالب مولا  
 رکھدا اے ترے قرب دی خواہش نجمی  
 حکمت بھری بارش دا واں طالب مولا

.....☆.....☆.....

احسان مرے تے توں ایہ کر دے مولا  
 آنگن مرا خوشبو تھیں توں بھر دے مولا  
 پھل عشق نبی دے مری جھولی پا دے  
 کر فضل عطا نور نگر دے مولا

.....☆.....☆.....

آداب توں نیکی دے سکھا دے مینوں  
 پہچان وی سچ دی توں کرا دے مینوں  
 توں علم دی دولت تھیں ایہ جھولی بھر دے  
 حق بات دا رستہ وی سجھا دے مینوں

.....☆.....☆.....

معمور محبت تھیں توں سینہ کر دے  
 پُر نور مرے دل دا نگینہ کر دے  
 سبھناں دی تے پوری توں ای حاجت کر دا  
 دل نوں مرے آقا دا مدینہ کر دے

.....☆.....☆.....

ہر حکم نوں تیرے میں مقدم سمجھاں  
 ہر بات نوں تیری سدا محکم سمجھاں  
 میں دین محمد ﷺ دا اٹھاواں پرچم  
 میں تینوں ای رحمان تے ارحم سمجھاں

.....☆.....☆.....

میں عشق نوں جذبے دی سلامی دیواں  
 میں حسن نوں جلوے دی سلامی دیواں  
 ہر آن میں بخشش دے بہانے لبھاں  
 میں عقل نوں دعوے دی سلامی دیواں

.....☆.....☆.....

مشغول رہوان ذکرِ بچ سبحان اللہ  
 آغاز کراں کم دا کہواں بسم اللہ  
 شیطان دے شرتوں اوہ بچاوے مینوں  
 لا حول ولا قوۃ الا باللہ

.....☆.....☆.....

دیندا اے جو سمھناں نوں اوہ داتا توں ایں  
 منگتے آں اسیں سارے تے آقا توں ایں  
 لاریب توں خالق ایں زمانے بھر دا  
 تھکے نہ جو دیون توں اوہ مولا توں ایں  
 .....☆.....☆.....

دنیا ترے جلوے تھیں متور دیکھاں  
 ہستی تری ہر روپ چ برتر دیکھاں  
 ہر چیز ترے قبضے تے قدرت اندر  
 اک ذات تری سبھ دا ای محور دیکھاں  
 .....☆.....☆.....

ہر شے توں جھلکدا اے اُجالا تیرا  
 ہر شخص ای عاشق اُتے شیدا تیرا  
 لگی اے ترے کھوج چ دنیا ساری  
 نجمی وی طلبگار اے بندہ تیرا  
 .....☆.....☆.....

رحمت تری حدوں تے حسابوں باہر  
 قدرت تری قلموں تے کتابوں باہر  
 ممکن ای نہیں جس دی شماری مولا  
 چاہت تری کتبوں تے نصابوں باہر

.....☆.....☆.....

تیرے ای فدائی نہیں بہاراں والے  
 تیرے ای شدائی، نہیں نگاراں والے  
 مرکز اے تری ذات ای پیاری پیاری  
 تیرے ای گدائی نہیں ایہ باراں والے

.....☆.....☆.....

بندنے تے خطاواں تے خطا کردے نہیں  
 آندا اے جدوں ہوش ثنا کردے نہیں  
 بخشش دے طلبگار نہیں توبہ کر کے  
 ایہ سہو تے سجدہ وی ادا کردے نہیں

.....☆.....☆.....

ایہ رنگ بہاراں ایہ چمن شان تری  
 کھڑ پین بیابان تے بن شان تری  
 اک یاد تری وچ ای مگن اے دنیا  
 کنکر دی بن لعل یمن شان تری

.....☆.....☆.....

عزت تے اوہ عزت اے جو دیندا سائیں  
 رحمت تے اوہ رحمت اے جو کردا سائیں  
 قطرے نوں گہر کردا اے مالک سوہنا  
 رنگت تے اوہ رنگت اے جو بھر دا سائیں

.....☆.....☆.....

ناچیز تے کر مولا عنایت اپنی  
 دے دل نوں مرے مولا ہدایت اپنی  
 دل میرا بنا دیویں توں سوہنا جھرنا  
 میرے تے کریں مولا سخاوت اپنی

.....☆.....☆.....

ہر حال چج مولا دی ثنا واں کردا  
 ہر حال چج تیتھوں میں عطاواں منکدا  
 تقدیر دا مالک ایں توں خالق سبھ دا  
 ہر حال چج سانویں میں رضاواں رکھدا

.....☆.....☆.....

عنوان بڑے حمد دے سوئے دیکھے  
 قرآن چوں عزفان دے پہلو سمجھے  
 کیہ کلک نے لکھتی اے تے حرفاں کہنی  
 مقدور بھلا کس نوں کہ حمداں لکھے

.....☆.....☆.....

میں حمد ترنی جتی کراں گھٹ ہوئی  
 ایہ فکر ثنا تھیں جے بھراں گھٹ ہوئی  
 میں حمد جے لکھاں تے مرا اے فیدہ  
 سانویں جو دی مالک دے دھراں گھٹ ہوئی

.....☆.....☆.....



رگ رگ دے وچ تیری ہوندی ہو ہو  
 نس نس اندر دیکھاں ہووے تُو تُو  
 تیرے لیکے نقشے دس نیں پاندے  
 ہر اک جو دے اندر تیری خو خو

.....☆.....☆.....

وصفاں نیں کمالی ترا رتبہ اُچا  
 شاناں نیں جمالی ترا جلوہ دکھرا  
 وسنا ایں نگاہواں توں وی ادھے توں ای  
 شہ رگ توں وی نیڑے ترا چانن مولا

.....☆.....☆.....

تیری قدرت چمن چمن تیرا راج  
 تیری مدحت خن خن تیرا راج  
 توں ایں پروردگار توں سبھ دا مان  
 تیری رحمت سمن سمن تیرا راج

.....☆.....☆.....

کردا اوہو رات ، بناوے دن وی  
 پیدا کیجے اوس فرشتے ، جن وی  
 پر بت گڈے اوس زمیں دے اُتے  
 ست وی اوہدے یار تے نجی تن وی  
 .....☆.....☆.....

عرشاں تے وی فرشاں تے وی چمکن والا  
 خواباں تے خیالاں مچ توں وُسن والا  
 واواں تے فضاواں تے گھٹاواں اندر  
 اک نور ترا ای تے ہے پھیلن والا  
 .....☆.....☆.....

مینوں تے سدا تیری وفا کافی اے  
 مینوں تے سدا تیری رضا کافی اے  
 چاہواں میں ترے پیار دی لذت مولا  
 مینوں تے سدا تیری عطا کافی اے  
 .....☆.....☆.....

توں نال مرے ایں تے کمی کاہدی اے  
 توں نال مرے ایں تے غمی کاہدی اے  
 اکھاں جج ترے خوف تھیں ٹھہرن اُتھرو  
 دساں کیہ میں لوکاں نوں نمی کاہدی اے

.....☆.....☆.....

میں تیری محبت دے سہارے جیواں  
 الفت دے سدا جام میں انجے پیواں  
 منگیا اے جدوں وی میں ترے توں منگیا  
 شالا نہ کدے ہور میں کدرے تھیواں

.....☆.....☆.....

دل وچ اے تنویر تری خوب کمال  
 پاندے نہیں افکار مرے نور جمال  
 رکھاں جد سانویں میں ترا نور چراغ  
 فر شوق تے ایہ ذوق بڑی پان دھال

.....☆.....☆.....

اک یاد تری کول مرے کول رہوے  
اک پیار ترا پیار ای انمول رہوے  
جلوہ جے میں پاواں تے بنے طور بدن  
کلے دا ای ہوٹھاں تے مرے بول رہوے

.....☆.....☆.....

دیکھاں جے چمن چمن ترا چرچا اے  
سوچاں تے نظر نظر ترا جلوہ اے  
توں لطف کرم سدا کریں ساڈے تے  
تگاں جے نگر نگر ترا میلہ اے

.....☆.....☆.....

حامد نے صداواں تھیں جلایا اے چراغ  
ساجد نے ثناواں تھیں بنایا اے چراغ  
عابد نے بڑی فکر تھیں پایا عرفان  
زاہد نوں عطاواں تھیں دکھایا اے چراغ

.....☆.....☆.....

ذیشان تری ذات تری ذات بڑی  
 قربان کراں جان جو اے جان ملی  
 ڈھکدی اے جدوں میرے دوارے تے خوشی  
 آکھاں میں اچیری اے فقط ذات تری  
 .....☆.....☆.....

مالک توں جہانناں دا تے میرے دل دا  
 مرضی جے تری ہووے تے پتہ مل دا  
 محتاج زمانہ اے ترا سبھ جانن  
 چاہویں جے توں فر نور اُجالا مل دا  
 .....☆.....☆.....

جو کجھ اے مرے کول ایہ سبھ تیرا اے  
 جو کجھ وی کریں توں تے اوہ سبھ چنگا اے  
 جینا مرا تیری اے رضا تھیں مولا  
 تینوں اے جو بھاندا تے اوہ سبھ سوہنا اے  
 .....☆.....☆.....

بخشش تری رحمت تری اُلفت لہٹھاں  
 مولا تری چاہت تری نکبت لہٹھاں  
 محدود مری عقل اے ٹکراں مارے  
 توں آپ ای دس دے کوں راحت لہٹھاں

.....☆.....☆.....

غش کھا گیا موسیٰ وی جھلک دیکھی سی  
 اک نور دی دوروں ای لپک دیکھی سی  
 چن دیکھ کے پھل دیکھ کے سورج تک کے  
 عاشق نے کہا تیری چمک دیکھی سی

.....☆.....☆.....

سبھ تیری ای قدرت دے نیں منظر سوئے  
 اک حسن دا جلوہ نیں ایہ پیکر سوئے  
 ایہ خلق وظیفہ ترے ناں دا بچ دی  
 رحمت دی طلبگار اے دلبر سوئے

.....☆.....☆.....

دنیا تے ترا عدل نرالا ڈٹھا  
 ونڈدا میں ترا نور اُجالا ڈٹھا  
 جد کفر دی یلغار سی وادھا کیتا  
 اپنے میں پھیرے ترا ہالا ڈٹھا

.....☆.....☆.....

قدرت نے تری جو وی اُتارے جلوے  
 سوئے تے معطر نہیں اوہ پیارے جلوے  
 اوہ نور وی مستور زمانے وچ اے  
 جس نور دے کھلے نہیں ایہ سارے جلوے

.....☆.....☆.....

رستہ تے ہدایت دا اوہ رب ای دے  
 ہر رنگ عبادت دا اوہ رب ای دے  
 خالق اے جو مالک اے جو یکتا نجمی  
 کیہ شان اطاعت دا اوہ رب ای دے

.....☆.....☆.....

میں حمد خدا لکھ کے تے دھواں دل نوں  
 میں رب دی بٹا لکھ کے تے دھواں دل نوں  
 روگاں نوں مٹانا واں میں اک اک کر کے  
 میں حرف دعا لکھ کے تے دھواں دل نوں

.....☆.....☆.....

خالی نہ تری یاد توں دل ایہ ہووے  
 دل خوف تھیں کنبے ہتے مری اکھ رووے  
 میں تیریاں سوچاں بچ گزاراں لمے  
 ساہواں دی ایہ تسلی جدوں حمداں چھوہوے

.....☆.....☆.....

کر دور توں ایہدے توں بلاواں مولا  
 دے بخش جو ہوئیاں نیں خطاواں مولا  
 مولا! توں چمن میرے تے رحمت کر دے  
 کر دور توں سٹھے ای سزاواں مولا

.....☆.....☆.....



ہمسر نہ ترا کوئی نہ ہم نام اللہ  
 قبضے چ ترے صبح آتے شام اللہ  
 سہ تے ترا چلے خدائی بھر وچ  
 سوہنا توں کریں میرا وی انجام اللہ  
 .....☆.....☆.....

اوہ جان توں نیڑے تے اوہ خالق مولا  
 ہر شے دی خبر رکھے اوہ رازق سوہنا  
 بھیٹاں دا وی جانوں اے اوہ رحمت وندے  
 نظراں تے نظر رکھے اوہ مالک ساڈا  
 .....☆.....☆.....

قرآن دا عامل توں بنا دے سانوں  
 احکام تے اپنے توں چلا دے سانوں  
 سرکار دی سیرت نوں بنا تاج توں ساڈا  
 رس نور شریعت دا پلا دے سانوں  
 .....☆.....☆.....

اللہ افضل بہتر . برتر اللہ  
 دنیا دی . ہر شے دا مظہر اللہ  
 جلوے اوہدے رحمت اوہدی تھاں تھاں  
 خالق مالک سبھ دا محور اللہ

.....☆.....☆.....

مخل سوئے حمداں نعتاں دے چتاں  
 ایہناں تائیں دل اکھیاں نوں ٹھاراں  
 ایہناں دا اے ہر اک پتا سوہنا  
 ایہناں نوں میں دل دے نیڑے رکھاں

.....☆.....☆.....

پردہ مری اکھیاں توں اٹھا دے ربا  
 مینوں توں مرے نال ملا دے ربا  
 میں تیری تجلی دا نظارا کر لاں  
 توں طور مرے دل نوں بنا دے ربا

.....☆.....☆.....

سوہنا رب اے سبھ دا مالک خالق  
 سبھ دا پالن والا سبھ دا رازق  
 پاوے سوہنا جھاتاں تے میں مہکاں  
 جدھر دیکھاں اوہدے سارے عاشق

.....☆.....☆.....

رگ رگ چ رواں کون اے سوچاں بہہ کے  
 اس دل چ نہاں کون اے سوچاں بہہ کے  
 کس نام دی ہو ہو مرے سبھناں پاسے  
 لگ کے وی عیاں کون اے سوچاں بہہ کے

.....☆.....☆.....

سانویں نیں نظر دے کہ نظر توں اولھے  
 سبھ تیرے ای گن دے نیں ایہ منظر سوہنے  
 جہاں دا تصور وی نہ کیئا جاوے  
 انوار نیں تیرے ای تے ہر تھاں پھیلے

.....☆.....☆.....

ہر دل دا سہارا ایس توں مولا سائیں  
 توں وہم گمناں توں وی اُچّا سائیں  
 تسکین ہے دیندا ترا سوہنا نغمہ  
 ہوٹھاں تے جو رہندا، مرا سچّا سائیں

.....☆.....☆.....

دھرتی تے گگن وچ تری مشعل بلدی  
 ہر روح بدن وچ تری مشعل بلدی  
 پاندے نیں غموءِ یاد جو تینوں کردے  
 دنیا دے چمن وچ تری مشعل بلدی

.....☆.....☆.....

مہکی سوئی ڈالی حتماں والی  
 چکی سوئی جالی نعتاں والی  
 نوری حرفاں تائیں لکھیا لہنوں  
 اُچی سچی سوئی شرفاں والی

.....☆.....☆.....

خوشبو تری دیکھاں میں تے سہتھے پاسے  
 دھڑکن نوں مری توں ای تے لایا راسے  
 منگیا جو تری ذات توں ملیا مولا  
 ہوٹھاں نوں مرے توں ای تے دیویں ہاسے

.....☆.....☆.....

انسان بنایا اے تے شاناں دتیاں  
 طوفان توں بچنے دیاں ہمتاں دتیاں  
 یلغار تے ہوئی مرے دشمن دلوں  
 شیطان نوں کچلاں ، توں ای گھلاں دتیاں

.....☆.....☆.....

ہر فکر خیالوں ، ترا رتبہ اچّا  
 روشن اے ترا نور تے اعلیٰ اچّا  
 اک جیسی عنایت تری سمجھاں اُتے  
 جس رُخ توں دی تیکے ہے حوالا اچّا

.....☆.....☆.....

موسم نیں ترے سارے ای نکلت تیری  
 سمجھاں توں جو اُچی اے اوہ رفعت تیری  
 ایہ جن تے ستارے ایہ بدلے موسم  
 آندی اے نظر ایہناں چوں قدرت تیری  
 .....☆.....☆.....

لغزش توں مری ، جو وی اے ، بخشش مولا  
 میرے تے توں 'رحمت سدا رکھیں مولا  
 نادم آں گناہواں تے میں اپنے سائیں  
 توفیق توں نیکی دی ای دیویں مولا  
 .....☆.....☆.....

سبحان تری ذات تے سجدہ کلمہ  
 سبحان تری ذات دا ہر تھاں چرچا  
 حکمت تری 'رحمت تری' قدرت تک کے  
 سبحان تری ذات تے ہر جی کہندا  
 .....☆.....☆.....

دیکھاں جے مظاہر نوں تے ہووے حیرت  
 بالاں جے چراغاں نوں تے دیکھاں حکمت  
 ہر دے نوں عقیدت تھیں توں بھریا مولا  
 سوچاں جے ترے بارے تے پاواں رحمت  
 .....☆.....☆.....

خالی مرا دامن اے توں بھر دے مولا  
 اپنا ای فقط اپنا ای ڈر دے مولا  
 بونداں تھیں گزارا مرا ہووے ناہیں  
 برسات کرم اپنے دی کر دے مولا  
 .....☆.....☆.....

نکلن جو مرے دل چوں دعاواں سُن دا  
 آون جو مرے لب تے صداواں سُن دا  
 محتاج کرم دا واں میں اوہدا بندہ  
 منت کرے پوری تے نواواں سُن دا  
 .....☆.....☆.....

خالق اے اوہ عالم دا تے قادر مولا  
رحمان اوہ۔ سمھناں تے ای رحمت کردا  
دنیا تے خسارے دا ای سودا کردی  
مالک اوہ بچاندا اے تے جھولی بھر دا

.....☆.....☆.....

تیرا ای کرم سبھ تے عطا اے تیری  
ہوٹھاں تے مرے رہندی ثنا اے تیری  
دینا آیں سکوں قلب نوں مالک توں ای  
جو سانوں بچاندی اے شفا اے تیری

.....☆.....☆.....

انواز نیں تیرے ای جو ہر تھاں پھیلے  
اوہ سامنے میرے نیں کہ اکھ توں اوہلے  
جسھاں دا تصور وی نہ کیتا جاوے  
ایسے وی تے عالم نیں توں پیدا کیتے

.....☆.....☆.....



پتے نیں کہ پھل پھل یا اے کوئیل ٹہنی  
 ذرہ اے کہ صحرا اے کہ پانی مٹی  
 اوصاف ترے دیکھ گناندے مونہوں  
 مچھی اے کہ مچھر اے کہ جگنو ہاتھی

.....☆.....☆.....

حمداں والا سبھ توں سوہنا رستا  
 ڈالی ڈالی اندر خشتبو وٹڈا  
 فکراں تائیں کردا چانن چانن  
 منظر منظر رحمت تھیں اے بھردا

.....☆.....☆.....

مالک اے جو صفتاں دا اوہ اللہ سوہنا  
 رازق اے جو سمجھناں دا اوہ اللہ سوہنا  
 اوسے دی سدا حمد چٹارن سارے  
 حاکم اے جو حکماں دا اوہ اللہ سوہنا

.....☆.....☆.....

اوہ ہوش بچ رکھدا اے اوہ مستی دیندا  
 اوہ نار نوں گلزار بنا کے ویہندا  
 اوہدی ای خدائی دے نیں جلوے سارے  
 لبھن وی جے ٹریئے تے اوہ نیڑے پیندا

.....☆.....☆.....

مفعولن مفعولن مفعولن مفعولن  
 رنگاں وچ روپاں وچ مہکاراں وچ  
 تیرے نغمے ساہواں دے تاراں وچ  
 لو توحیدی سبھ وچ ونڈی جاندی  
 فجراں تے شاماں دے ٹکراں وچ

.....☆.....☆.....

مفعولن مفعولن مفعولن فعل  
 سچے سائیں ونڈے انعام بڑے  
 ساڈے اُتے کیجے اکرام بڑے  
 سانوں دیتا اے سوہنا پاک نبی  
 جلوے جس دی سیرت دے عام بڑے

.....☆.....☆.....

مفعول مفعول مفعول مفعول  
 کھلے اکھ تے میں ویکھاں نور جمال  
 سوئے کلے تھیں بھالاں نور جمال  
 مینوں استھے رکھیں توں وانگ چراغ  
 سوہنا سوہنا میں چٹاں نور جمال  
 .....☆.....☆.....

مفعول مفعول مفاعیلن فاعل  
 شہ رگ توں وی کول مرے رہنا ایں  
 بن کے بدل لطف کرم ونا ایں  
 حدوں ودھ کے پیار کریں مینوں توں  
 میرے تے انعام سدا کرنا ایں  
 .....☆.....☆.....

مفعول مفاعیلن مفاعیل فاعل  
 دن رات توں پڑھدا رہ محبت دی نماز  
 دن رات چتاریں توں عقیدت دی نماز  
 ہر حال چچ اوہدی ای سدا حمد الہی  
 معبود تے چاہندا اے حقیقت دی نماز  
 .....☆.....☆.....

مفعول مفاعِلن مفاعیلِ فعل  
 محتاجِ کرم دا سی کرم بھال رہیا  
 رحمان دا سایہ سی میں خوش حال رہیا  
 جو گیت سراں لا کے بنایا سی دلوں  
 اوہ گیت ہمیشہ ای مرے نال رہیا  
 .....☆.....☆.....

مفعول مفاعِلن مفاعیلِ فع  
 اٹھراں دی دعا نوں ہن اثر رہا دے  
 نجمی نوں توں پیار دی نظر رہا دے  
 اکھیاں نوں شفاواں دی فضا وچ رکھیں  
 مکے تے مدینے دا سفر رہا دے  
 .....☆.....☆.....

مفعول مفاعِلن مفاعیلِ فاع  
 دن وانگ جو کردا اے سفر دا آغاز  
 گھلدے نیں کئی طراں دے فراس تے راز  
 دل نوں اوہ دے روشنی ودھا دیوے شان  
 مومن دی تے عرش توڑی وی اے پرواز  
 .....☆.....☆.....

مفعول      مفاعیل      مفاعیلین      فاع  
 سبجان تری ذات ترا ہر تھاں نور  
 کیہ کھوج ترا لان توں ایں نیڑے دور  
 سبھ نام ترے نام ، نویں رکھدے شان  
 انعام اے ہر گام کرے جو مخمور  
 .....☆.....☆.....

مفعول      مفاعیلین      مفعول      فعل  
 جلوے نے ترے کھلے ہر گام نویں  
 اُس شان کریمی دے انعام نویں  
 جگنو جو چمکدے نیں اتھرو نیں مرے  
 اُلفت نے تری دتے ایہ جام نویں  
 .....☆.....☆.....

مفعول      مفاعیلین      مفعولین      فاع  
 احسان ترا متن اکھر سارے  
 احکام ترے جانن لشکر سارے  
 توں سبھ توں اُچیرا ایں عالی سبھ توں  
 انعام ترے پاؤں جوہر سارے  
 .....☆.....☆.....

مفعولن مفعولن مفاعیل فعل

بحر و بر تے شام سویراں دے خدا  
مالک تے مختار دلیراں دے خدا  
پچھدے نیں مجبور، بچے جان کوں  
کسراں آوے ہوش پھیراں دے خدا

.....☆.....☆.....

مفعولن مفعولن مفاعیل فاعول

خالق تے سبحان تری صفت جمال  
مالک تے رحمان تری شان کمال  
سوہنی ہر مخلوق تری ذات عظیم  
اُچی سچی شان دوے روپ اُجال

.....☆.....☆.....

مفعولن فاعلن مفاعیلن فع

رحمان ایں توں اُجال دے سانوں وی  
سبحان ایں توں کمال دے سانوں وی  
اُلفت دا تیری جام چکلی پھر دے  
ذیشان ایں توں جمال دے سانوں وی

.....☆.....☆.....

خوشبو میں تری روح تے تن وچ ویکھاں  
 چاہت میں تری ' نور بدن وچ ویکھاں  
 منگیا اے جو ملیا اے ترے توں مولا  
 تاثیر تری میں تے سخن وچ ویکھاں

.....☆.....☆.....

اوہ سامنے میرے نیں کہ نظروں اولھے  
 جنھے وی نیں عالم تری عظمت دسدے  
 جہاں دا تصور کراں مولا میرے  
 انوار تھیں تیرے اوہ چمکدے سبھے

.....☆.....☆.....

سنسار چ کھلری اے جو رنگت تیری  
 دنیا نوں چلاندى اے جو حکمت تیری  
 انعام ترے سبھ تے میں ہوندے ویکھاں  
 مٹی نوں مہک دیندی اے رحمت تیری

.....☆.....☆.....

## نعتیہ رباعیاں

نعتاں تھیں دل نوں چاٹنا اے ملدا  
نعتاں تھیں رحمت دا بدل و سدا  
رکھن اے سدا پیار دی چھاویں نجی  
نعتاں تھیں ہر مشکل دا حل ملدا

☆.....☆



میں نعت دی تکمیل کراں گا کیوں  
 دل نور دی قدیل کراں گا کیوں  
 لفظاں دے ستارے میں بناواں بھاویں  
 اُس حسن نوں تمثیل کراں گا کیوں

.....☆.....☆.....

سوئے نوں دروداں دے نہیں تحفے لکھاں  
 سوئے نوں سلاماں دے نہیں تحفے لکھاں  
 جو رحمتاں وٹدے نہیں زمانے اُتے  
 سوئے نوں غلاماں دے نہیں تحفے لکھاں

.....☆.....☆.....

کونین دے مولاً دا وسیلہ منگاں  
 حسنین دے نانا دا میں صدقہ کھاواں  
 قوسین دی قربت دے جو واصل ہوئے  
 دارین دے آقا دا میں اُسوہ بھالاں

.....☆.....☆.....

کشکول جے بھرنا تے مدینے چلیے  
انمول جے ہونا تے مدینے چلیے  
ہمدرد زمانے چ تے اوہو در اے  
دل کھول جے دَنا تے مدینے چلیے

.....☆.....☆.....

اوصاف نبیؐ پاک دے سارے سوہنے  
اعجازِ نبیؐ پاک دے سارے اُپتے  
دہلیزِ نبیؐ پاک دی روشن روشن  
اقوالِ نبیؐ پاک دے جیویں تارے

.....☆.....☆.....

تسکینِ دلاں دی نیں درودی نغمے  
اس پاک وظیفے تھیں طبیعتِ شہکے  
ہر نطق تے جیا اے سہانا کلمہ  
ایہ شان و دھاوے ایہو جنتِ بخشے

.....☆.....☆.....

اُس پیار دی خوشبو تھیں زما نا مہکے  
 اوہ نور دی بارش اے جو سبھ تے و سَے  
 آقا دے ای آون تھیں ایہ جگمگ ہوئی  
 اُس ذات دی رحمت اے جو سبھ تھیں اُپڑے

.....☆.....☆.....

دل عشق تھیں سوہنے دا مدینہ بن دا  
 پتھر وی محبت تھیں گمینہ بن دا  
 آقا دی جو حرمت دا فدائی ہووے  
 اوہ شخص تے اُمت دا سفینہ بن دا

.....☆.....☆.....

انسان نوں عظمت دا دکھایا رستا  
 محنت تے مشقت دا دکھایا رستا  
 ہر شخص نوں سیرت دا اے چانن دِتا  
 اللہ دی اطاعت دا دکھایا رستا

.....☆.....☆.....

انوار دی کثرت اے مدینے اندر  
احسان دی برکت اے مدینے اندر  
توصیف میں لکھاں کہ عطاواں دیکھاں  
رحمان دی رحمت اے مدینے اندر

.....☆.....☆.....

آقا دا خدائی جج اے رتبہ اُچا  
اس شان نوں کوئی نہ سمجھ اے سکيا  
ایہ شان ”رفعتا لک ذکرک“ کہہ کے  
ہر ویلے خدا آپ ودھاندا رہندا

.....☆.....☆.....

طیبہ دی زمیں نور دا سوہنا مسکن  
اک نور تھیں بھردی اے جو سبھ دا دامن  
دن رات سہانا اے سماں اوتھوں دا  
رکھدا اے دلاں نوں جو ہمیشہ روشن

.....☆.....☆.....

تذکار نبیؐ پاک دے کر دے رہیے  
افکار نبیؐ پاک دے پڑھ دے رہیے  
ایہ پاک سعادت دی اے لہٹی سانوں  
اسرار نبیؐ پاک دے لبھدے رہیے

.....☆.....☆.....

ہر پاسے ای دسدا اے تجلی تہاڈا  
ذہناں ج سما اے جو سودا تہاڈا  
یت پیار سلا ماں تھیں فضا اے مہکی  
ارمان دلاں دا اے مدینہ تہاڈا

.....☆.....☆.....

کجھ تاب نہ مدحت دی میں پاواں آقاؐ  
رجھاں تھیں میں نعتاں تے بناواں آقاؐ  
کتھوں سی گزر ہویا تے کتھے اُڑے  
ایہ سوچ کے سوچ اپنی سجاواں آقاؐ

.....☆.....☆.....

چپ چاپ نگاہواں چ صداواں لکیاں  
اتھراں چ۔ اَساڈے نیں دعاواں لکیاں  
آئے آں دوارے تے سناون دل دی  
ہوٹھاں تے اَساڈے نیں نواواں لکیاں

.....☆.....☆.....

اک ذکر تہاڈا ای لبّاں تے سجیا  
اک پیار تہاڈا ای دلاں وچ دسیا  
تسکین ملے دل نوں جے نعتاں لکھاں  
مدحت دا تہاڈی اے سہارا لبھیا

.....☆.....☆.....

کونین دے غم خوار نیں رہبر میرے  
نبیاں دے نیں سردار پیبر میرے  
وصفاں چ مثالی نیں جو آقا سوئے  
محبوب خدا دے نیں ادہ محور میرے

.....☆.....☆.....

ہر دور توں چنگا اے زمانہ تہاڈا  
 دنیا اے یا عقبی اے خزانہ تہاڈا  
 مومن دے لئی نعمت اے تہاڈی نسبت  
 ہوٹھاں تے سجے اس دے ترانہ تہاڈا

.....☆.....☆.....

معبود حقیقی تھیں ملاون والے  
 وحدت دا سبق سبھ نوں پڑھاون والے  
 صدیاں توں جہالت دے جو قیدی ہوئے  
 اوہناں نوں ہنیرے توں چھڑاون والے

.....☆.....☆.....

ہر پاسے نظر آندا اُجالا تہاڈا  
 اُسوہ اے حقیقت چ نرالا تہاڈا  
 انوار تہاڈے ای ایہ دنیا لٹ دی  
 جدھر وی پئی جہات حوالا تہاڈا

.....☆.....☆.....

آقاؐ نوں دروداں دے میں تحفے گھلاں  
 آقاؐ نوں سلاماں دی میں پکھی جھلاں  
 سانویں میں مولجہ دے سلاماں آکھاں  
 قدیم چ بیٹھاں تے سداواں گلاں

.....☆.....☆.....

اکھیاں دا اُجالا اے اوہ سدا گنبد  
 انوار دا ہالا اے اوہ سدا گنبد  
 مرکز اے محبت دا دلاں دا چائن  
 عظمت دا ہمالا اے اوہ سدا گنبد

.....☆.....☆.....

آقاؐ دی اطاعت اے محبت میری  
 سرکارؐ دی سیرت اے تلاوت میری  
 مدحت دے چراغاں تھیں کراں دل روشن  
 کردے ایہ اُجالے نیں حفاظت میری

.....☆.....☆.....



قرآن دی نعمت وی تساں ای بخشی  
اخلاق دی دولت وی تساں ای بخشی  
محسن نہ کوئی ہو تہاڑے وانگوں  
انسان نوں عظمت وی تساں ای بخشی

.....☆.....☆.....

میں در تے تہاڑے آں ثناواں کردا  
بخشش دے لئی اپنی دعاواں کردا  
سن دے اوہ گنہگار دے دل دی گل نوں  
میں نال ندامت دے صداواں کردا

.....☆.....☆.....

انسان دی عظمت دا حوالا تیکے  
فر شان تہاڑا ای تے بالا تیکے  
معراج دی دولت وی تساں ای پائی  
ہر پاسے تہاڑا ای اُجالا تیکے

.....☆.....☆.....

لنگھدے نیں حضوری چ مرے وی لمحے  
 رہندے نیں نگاہواں چ حرم دے جلوے  
 گلزار مدینے دا اے سانویں میرے  
 تکتا واں جو منظر اوہ نیں سوہنے سوہنے

.....☆.....☆.....

اکھیاں چ مدینے نوں دسا کے رکھاں  
 گلشن میں سدا دل نوں بنا کے رکھاں  
 سرکار دی مدحت دے میں نوری جلوے  
 اک تاج بناواں تے سجا کے رکھاں

.....☆.....☆.....

توحید دے سوہنے نیں حوالے ونڈے  
 رحمت دے زمانے چ اُجالے ونڈے  
 اصحاب دے رتبے نیں ودھائے آقا  
 اوہناں چ محبت دے نوالے ونڈے

.....☆.....☆.....

خوش رنگ بہاراں چ چمکدے ڈٹھے  
 بے چین قراراں چ چمکدے ڈٹھے  
 سرکار دی نسبت تھیں زمیں دے ذرے  
 میں نور دے تاراں چ چمکدے ڈٹھے

.....☆.....☆.....

اک نور مثالی اے سراپا تہاڈا  
 اچّا اے جہاناں توں وی رتبہ تہاڈا  
 ایہ بزم سجائی اے تہاڈی خاطر  
 شہکار بنایا اے جو جلوہ تہاڈا

.....☆.....☆.....

اوہ لطف دا بدل تے سدا ای وسیا  
 اوہ پیار دا گلشن تے سدا ای کھڑیا  
 آقا دی جو نسبت تھیں اے بویا دل وچ  
 اوہ نور دے پھلاں تھیں اے نجی بھریا

.....☆.....☆.....

نعتاں تھیں معطر میں ایہ گلشن کیتا  
مدحت دے اُجالے تھیں ایہ دامن بھریا  
دربار توں سوئے دے ضیاواں لے کے  
میں نور مدینے دا اے جھوٹا پایا

.....☆.....☆.....

ساہواں دیاں پیاں تے میں لکھیاں نعتاں  
ہر نعت چ آقا، دیاں سچیاں باتاں  
سیرت دی جھلک پیار ودھاندی ڈٹھی  
روشن میں کراں اس تھیں ایہ دن تے راتاں

.....☆.....☆.....

گُلان نوں میں ناں دین دی کوشش کردا  
سوہنا میں بیاں دین دی کوشش کردا  
آداب دی اُس دردے میں سانویں رکھاں  
جذبے نوں زباں دین دی کوشش کردا

.....☆.....☆.....

طیبہ دی اسیں بات سہانی سن کے  
ایمان ودھاندے آں کہانی سن کے  
اُس شہر دے جلوے نہ بھلائے جاندے  
جیندے آں اسیں نور نشانی سن کے

.....☆.....☆.....

عظمت دا حوالا اے اوہ سوہنی وتی  
اکھیاں دا اُجالا اے اوہ سوہنی وتی  
ہر شام سویرے جتھے خلقت ڈھکدی  
عرشاں توں وی بالا اے اوہ سوہنی وتی

.....☆.....☆.....

نبیاں دی امامت وی تساں ای کیتی  
روشن ایہ سیادت وی تساں ای پائی  
مہمان بنے خاص ای سوہنے رب دے  
عرشاں نوں ایہ عزت وی تساں ای بخشی

.....☆.....☆.....

اک نام تہاڈا ای ضیاواں بخشے  
اس نام وا صدقہ ای عطاواں ملگے  
اس نام توں ایہ جان لٹائیے اپنی  
اس نام تھیں پُر نور دعاواں رکھے  
.....☆.....☆.....

سرکارِ دی نسبت دی اے سوغات ملی  
رحمتِ دی زمانے نوں اے برسات ملی  
اس نور سمندر توں ای پلدے سارے  
دنیا نوں عجب پیار دی خیرات ملی  
.....☆.....☆.....

رحمتِ دا اوہ سایہ نہیں اُساڈے اُتے  
آقا نہیں اوہ ساڈے تے اسیں آں بردے  
کیتا اے اساں عہدِ محبتِ نجمی  
اوہناں دے اشارے تے اسیں آں مَر دے  
.....☆.....☆.....

چاہت بخشن والا سوہنا روضہ  
 رحمت و نڈن والا سوہنا روضہ  
 فر دیکھن نوں جی اے کردا نجمی  
 عزت دیون والا سوہنا روضہ

.....☆.....☆.....

ساڈے تے خدا ولوں اے رحمت اُتری  
 آقا تے جدوں پیار دی نعمت اُتری  
 دعوت اوہ جہوی آپ نوں رب نے بخشی  
 دنیا چ بڑی شان دی بخت اُتری

.....☆.....☆.....

پاواں جے مدینے دا خزانہ آقا  
 قربان کراں دل دا سفینہ آقا  
 ہر شے اسی مدینے توں میں واراں نجمی  
 وسدا اسی رہوے سوہنا مدینہ آقا

.....☆.....☆.....

رکھی نہ کدی وی میں ایہ دنیا دل وچ  
 رہندی اے مدینے دی تمنا دل وچ  
 فر ذکر چچ چھڑیا اے مدینے والا  
 اللہ تے نبی دا ای اے میلہ دل وچ

.....☆.....☆.....

عرفان مدینے دا ملے طیبہ چوں  
 احسان بدینے دا، ملے طیبہ چوں  
 بخشش آتے رحمت دے نیں وگدے دھارے  
 ارمان مدینے دا ملے طیبہ چوں

.....☆.....☆.....

بھ بھیت حیاتی دے تاں ای کھولے  
 رکھ ٹرکے جے آئے نیں تے پتھر بولے  
 اوہناں نیں شفاعت دا وثیقہ پایا  
 در آپ تے جہاں نے وی اتھرو روئے

.....☆.....☆.....



آقا نوں سدا نور دا پیکر لکھاں  
 اوہناں نوں محبت دا سمندر لکھاں  
 رحمت نیں جہاناں دی اوہ پیارے رب دے  
 کوثر دا میں مالک آتے سرور لکھاں

.....☆.....☆.....

انوار بھرتا اوہ خزانہ دیکھو  
 تلکا اے جے جنت دا نگینہ دیکھو  
 سرکار دے جلوے نیں سچے اوتھے  
 قسمت جے دوے ساتھ مدینہ دیکھو

.....☆.....☆.....

میں نور مدینے تھیں ایہ اکھیاں ٹھاراں  
 اُلفت چ نبی پاک دی سبھ کجھ واراں  
 اس روح دے گلشن چ کھڑاواں غنچے  
 صدقے چ نبی پاک دے مہکن باراں

.....☆.....☆.....

آقا دے نیں اوصاف نیارے لکھیے  
 رحمت دے ملے نور نظارے لکھیے  
 عظمت دے صحیفے وی ایہ سارے جیے  
 آقا دے صحابی " نیں ستارے لکھیے

.....☆.....☆.....

آقا دے کمالاں نے اُجالے وٹڈے  
 آقا دے جمالاں نے اُجالے وٹڈے  
 آقا دے ای آؤں تھیں اے روشن دنیا  
 آقا دے خیالاں نے اُجالے وٹڈے

.....☆.....☆.....

کونین دے سردار نیں سبھ دے ہادی  
 سرکار دی رحمت تے ہے ازلی ابدی  
 حذاں چ محبت نہ اے آندی جس دی  
 آقا نیں مرے اوہو ای مدنی ماہی

.....☆.....☆.....

اوہ ساز ازل دا نیں اوہ ہادی قاسم  
 اوہ حسن سراپا نیں اوہ رحمت عالم  
 اسرار خدائی دے اوہ جانن والے  
 توحید دے رستے دا دکھاندے پرچم

.....☆.....☆.....

اخلاق دی دولت اے لٹائی آقا  
 کردار دی عظمت اے دکھائی آقا  
 قرآن دی ونڈی اے جو دولت، اُس تھیں  
 ایمان دی نعمت اے ودھائی آقا

.....☆.....☆.....

انوار دی کثرت اے مدینے اندر  
 اللہ دی رحمت اے مدینے اندر  
 اوہ امن دے داعی نیں اوہ رہبر جگ دے  
 رحمت تے رسالت اے مدینے اندر

.....☆.....☆.....

توحید دے مرکز تے لیاون آقا  
 دنیا نوں - خدا ولس بلاون آقا  
 بھٹکے نیں جہڑے راہ توں اوہناں تائیں  
 سدھی اے جہڑی راہ دکھاون آقا

.....☆.....☆.....

طیبہ توں گھٹا رحمتاں والی اُٹھے  
 اوتجے تے ہوا پیاد دی مٹھری چلے  
 اوتھوں ای فقیرئی دا ملے پروانہ  
 چاہنے آں اسیں خاک مدینہ لہٹے

.....☆.....☆.....

مولا نے کرم خاص اے کیا نجبی  
 جد جام شفاعت دا میں پیتا نجبی  
 مکے چ تے کیا سی میں گماں لیراں  
 جد آیا مدینے تے ایہ سیتا نجبی

.....☆.....☆.....

اک رات ہنیری سی مٹائی آقا  
توحید پرستی اے سکھائی آقا  
اوہ نور زمانے چ اے وٹیا آ کے  
دتی اے جہے سبھ نوں رہائی آقا

.....☆.....☆.....

روضے دا نظارا اے تے بجھیاں اکھیاں  
اوہ نور دی جالی اے تے جھکیاں اکھیاں  
اتھراں نے مرے خوب دعاواں منگیاں  
قدمین چ آقا دے نیں رویاں اکھیاں

.....☆.....☆.....

سانویں اے نظر دے مرے گنبد ساوا  
روضے دے نظارے نوں میں رَج رَج تکیا  
اک پیار دا مرکز اے وفا دا محور  
اکھیاں چ سجایا اے میں نوری جلوہ

.....☆.....☆.....

دل تے میں محمد ﷺ دا ای ناں اے لکھیا  
 ہوٹھاں تے مرے صلّٰی علیٰ دا کلمہ  
 جد موت ملے مینوں تے ہووے سانویں  
 نجمی اوہ مدینے دا ای سوہنا نقشہ

.....☆.....☆.....

آقا دی ثنا خوانی اے دولت میری  
 لکھنا واں میں نعتاں ایہ دے عزت میری  
 سوہنے دے تھوڑ تھیں سجاواں محفل  
 ایہ عشق خزانہ ای اے چاہت میری

.....☆.....☆.....

مولا، توں مدینے دا سفر منگنا واں  
 انج اپنی دعاواں دا اثر منگنا واں  
 میں حال سنانا اے نبیٰ نوں اپنا  
 مولا توں مدینے دا نگر منگنا واں

.....☆.....☆.....

رحمت تھیں وسایا اے جو عالم سارا  
 خوشیاں نوں زمانے ج برابر وڈیا  
 انوار تھیں آقا دے سچی اے دنیا  
 سوئے مرے آقا تھیں ایہ عالم بنیا

.....☆.....☆.....

اکمل افضل کامل بالا سبھ توں  
 امی رکھدے رتبہ اعلیٰ سبھ توں  
 رحمت رافت شوکت وڈن والے  
 رکھدے نیں جو وکھرا ہالا سبھ توں

.....☆.....☆.....

سلطان مدینے تھیں اے نسبت دل نوں  
 نسبت ایہ پچاندی سدا راحت دل نوں  
 مصروف عبادت تھیں اوہ رہندے نجمی  
 دیندے نیں دروداں دی جو چاہت دل نوں

.....☆.....☆.....

چھائی اے گھٹا رحمتاں والی سرتے  
 رکھی اے۔ ردا عظمتاں والی سرتے  
 جلوے میں مدینے دے سنبھالے دل وچ  
 چائی اے شفا چاہتاں والی سرتے  
 .....☆.....☆.....

کونین نوں مولا نے بنایا پہلاں  
 منظر ایہ زمانے، نوں دکھایا پہلاں  
 فر آپ نوں گھلیا اے زمانے اندر  
 ڈنکا تے جہاناں جج وجایا پہلاں  
 .....☆.....☆.....

انگی دے اشارے تھیں جو چن نوں توڑن  
 ڈبے ہوئے سورج نوں جو پچھے موڑن  
 آئے اوہ اَساڈے لئی مسیحا بن کے  
 آئے اوہ خدائی نوں خدا تھیں جوڑن  
 .....☆.....☆.....



جو نور نگاہواں نوں اے نجمی ملیا  
 طیبہ دی فضاواں دا اے صدقہ سارا  
 آقا دے تصرف چج خدائی ساری  
 عالم دا تے مقصد ای اے تہاڈا آنا  
 .....☆.....☆.....

غفلت دے جو پردے سی اٹھائے آکے  
 نغمے سی جو وحدت دے سنائے آکے  
 دنیا نوں سبق آکے پڑھایا سوہنا  
 اوگن جو دلاں دے سی مٹائے آکے  
 .....☆.....☆.....

اوصاف نبی دے نیں بیانوں اُپے  
 رب آپ کہوے آپ نیں شانوں اُپے  
 رحمت دا تے سایہ اے جہانناں اُتے  
 پر آپ نبی پاک جہانوں اُپے  
 .....☆.....☆.....

محتاج توجہ دا واں کملی والے  
 خیرات محبت چوں وی حصہ لیٹھے  
 اج حال پریشان بڑا اے میرا  
 جس شاخ تے بیٹھا واں ایہ شاخ نہ ٹٹے  
 .....☆.....☆.....

در آپ دا دنیا تے ہے جنت میری  
 قدیم بچ تہاڈے ای اے عزت میری  
 دل آن کے رگھیا اے تہاڈے در تے  
 ڈالی ایہ دروداں دی جے چاہت میری  
 .....☆.....☆.....

درداں دی دوا آپ دے در توں لیٹھے  
 کلیاں نوں صبا آپ دے در توں لیٹھے  
 لے آیا واں دل آپ دے در تے آقا  
 اس نوں وی چلا آپ دے در توں لیٹھے  
 .....☆.....☆.....

آقا دا ثنا خوان بنایا سانوں  
مدحت دا طریقہ وی سکھایا سانوں  
خالق نے کرم خاص اے کیتا نجمی  
محبوب دی ست تے چلایا سانوں

.....☆.....☆.....

چھایا اے جہان تے جو ستایا تہاڈا  
حق دا جو شانور اے اوہ شیدا تہاڈا  
وڈیا اے تساں نور محبت والا  
ہر جی پیا منکدا اے سہارا تہاڈا

.....☆.....☆.....

اکھیاں ج مدینے دے نظارے سوئے  
آقا دے صحابہؓ نیں ستارے سوئے  
ایثار محبت تے اخوت والے  
کیجے نیں جو آقا نے اشارے سوئے

.....☆.....☆.....

افضل اے سبھاں توں ای رسالت تہاڈی  
اکمل اے سبھاں توں ای نبوت تہاڈی  
اک نام اے تہاڈا ای جو پیارا سبھ توں  
اُچی اے سبھاں توں ای محبت تہاڈی  
.....☆.....☆.....

کونین دی ہر شے تے تہاڈی رحمت  
اس درجہ اُچیری اے تہاڈی عظمت  
افلاک دی رفعت دی قدم نیں چٹے  
ایمان دی دہڑی اے تساں ای نعمت  
.....☆.....☆.....

دربار اے آقا دا بڑا ای سوہنا  
عظمت اے جہدی عرش توں اعلیٰ بالا  
جنت توں دی سوئی اے اوہ سوئی دھرتی  
اللہ دے محبوب دا جتھے جلوہ  
.....☆.....☆.....

اُس پاک دوارے توں ای ملدی راحت  
 اوہ نور سمندر نیں وساندے رحمت  
 آقا ای وسیلہ نیں اساڈا نجی  
 ملدی اے مدینے توں ای سکھ دی دولت

.....☆.....☆.....

قربان کراں جان میں صدقے جاواں  
 پہچان تہاڈی تھیں خدا نوں پاواں  
 ایمان سلامت رہوے چاہواں نجی  
 ارمان مرا فیر مدینے آواں

.....☆.....☆.....

سرکار نوں تحفہ جو حرا تے ملیا  
 قرآن دی صورت ج اوہ سانویں رکھیا  
 انوار دی دتی اے حقیقت سبھ نوں  
 مخلوق نے آقا جیہا رہبر پایا

.....☆.....☆.....

سج دھج مرے آقا دی اے سبھ توں دکھری  
 گل بات اے مٹھی جو دلاں نوں ٹمبدی  
 مکھڑا اے جو آقا دا محبت وڈے  
 اکھیاں دی حیا نقش نرالے رکھدی

.....☆.....☆.....

سلطان مدینے دے ، دلارے جگ دے  
 محبوب نہیں مولا دے ، سہارے جگ دے  
 جہاں دی غلامی دا شرف اے ملیا  
 سردار نہیں نبیاں دے اوہ پیارے جگ دے

.....☆.....☆.....

طیبہ دی گھٹاواں نوں سلاماں لکھاں  
 طیبہ دی ہواواں نوں سلاماں لکھاں  
 آقا دے نگر دی تے وے ہر شے سوئی  
 طیبہ دی فضاواں نوں سلاماں لکھاں

.....☆.....☆.....

سمجھناں دی بھلائی ایہ وے منصب تہاڈا  
 توحید دا رستہ ایہ وے مذہب تہاڈا  
 وٹیا اے تساں نور زمانے اندر  
 مشرق وی اے تہاڈا اُتے مغرب تہاڈا

.....☆.....☆.....

پڑھنا واں ہمہ وقت میں آقا تے درود  
 ایہ عمل ای کردا اے مرے دل دی نمود  
 ایہ نور مری روح دے اندر چمکے  
 اس پیار تھیں روشن رہوے میرا ایہ وجود

.....☆.....☆.....

دربارِ نبی تے توں جھکا دے نظراں  
 دربارِ نبی تے توں وچھا دے پلکاں  
 توں ویکھ مقدر ترے جاگن کسراں  
 دربارِ نبی تے توں سنا دے نعتاں

.....☆.....☆.....

آقا دا ہر بردہ عزت پاوے  
 آقا دا ناں چنے برکت پاوے  
 آقا دا ناں دل نوں روشن کردا  
 جہڑا ناں ایہ چنے رحمت پاوے

.....☆.....☆.....

ہر آن مدینے دی محبت منگاں  
 دل وچ میں مدینے دی عقیدت رکھیاں  
 عملاں دی میں آئی دی بناواں اپیر  
 سلطان مدینے دی شفاعت چاہواں

.....☆.....☆.....

اک شوق دا دریا اے جو ٹھاٹھاں مارے  
 اک پیار دی منزل اے جو سداں مارے  
 ہوٹھاں تے دروداں دے نیں نغے جاری  
 دل دیکھ مرا کسراں اے چھالاں مارے

.....☆.....☆.....



دس دے نیں مدینے دے سہانے منظر  
 لگدا اے بنے گی کوئی صورت بہتر  
 فر شہر نبیؐ ولوں بلاوا آوے  
 پلدی اے مرے دل چ کدوں دی سدھر

.....☆.....☆.....

دربار نبیؐ تھیں ہے تعلق پکا  
 سوہنے دے غلاماں دا میں ادنیٰ بردا  
 وسنا واں مدینے دے اُجالے اندر  
 سوہنے دے ای اُسوہ نوں میں سانویں رکھیا

.....☆.....☆.....

سوہنے دا میں ہر حال اُلیکاں ناواں  
 ایہ بال کے مشعل سدا چائن پاواں  
 مدحت دا ایہ گلزار بہاراں ونڈے  
 آقا دے ثنا خواناں توں صدقے جاواں

.....☆.....☆.....

قدیل اے نوری جو جلائی آقا  
 افکار دی دولت اے لٹائی آقا  
 اخلاق دے انمول ذخیرے دتے  
 کردار دی خوبی وی دکھائی آقا

.....☆.....☆.....

آقا دا کرم ہووے تے جت ملدی  
 پڑھیے جے حدیثاں تے بصیرت ملدی  
 جھولی نوں عمل نال جے بھریئے نجی  
 سونہ رب دی محبت ای محبت ملدی

.....☆.....☆.....

سرکار دے در تے جو بہاندے اتھرو  
 بیکار کدے وی نہ اودہ جاندے اتھرو  
 انمول خزانے نیں ایہ چاہت والے  
 توقیر دلاں دی ایہ ودھاندے اتھرو

.....☆.....☆.....

رحمت دی طلبگار اے اُمت تہاڈی  
 آقا جی بھلا بیٹھی شریعت تہاڈی  
 اللہ دے وی حکماں نوں بھلایا اس نے  
 واجب اے کرے خوب اطاعت تہاڈی

.....☆.....☆.....

میں نعت جے لکھاں تے سعادت سمجھاں  
 اس شوق نوں اپنی میں عبادت سمجھاں  
 ملدی اے مقدر تھیں ایہ قسمت نجمی  
 سرکار توں پائی اے میں نعمت سمجھاں

.....☆.....☆.....

سرکار دی ہر بات نظر وچ رکھیے  
 قرآن نوں دل دی اسیں اکھ تھیں تنکے  
 کونین دے آقا دی ملے گی سیرت  
 ایمان ددھے گا جے اوہ صورت تنکے

.....☆.....☆.....

خوش بخت نیں جہڑے وی مدینے آئے  
 اوہ لین شفاعت دے خزینے آئے  
 پائی اے حضوری دی وی دولت اوہناں  
 گھرتوں ای جہڑے کھول کے سینے آئے

.....☆.....☆.....

دن پیر دا سوہنا تے مقدس سمجھاں  
 دن پیر دے اکبر ای میں روزہ رکھاں  
 دن پیر دا سوہنا تے سہانا فحجی  
 دن پیر دے آقا نے دکھایاں ڈھلکاں

.....☆.....☆.....

آقا نے زمانے تے بہاراں وٹیاں  
 رحمت دیاں سمجھناں جج مہبھاراں وٹیاں  
 ڈگیاں نوں اٹھایا تے بنایا اچّا  
 اُمت دے لئی خٹیاں نیں ہزاراں وٹیاں

.....☆.....☆.....

رہندا اے سدا آپؐ دا اُسوہ سانویں  
 ہوندا اے ہمیشہ ای ایہ رستا سانویں  
 اکھاں نوں کراں بند تے ویکھاں نجی  
 جگمگ پیا کردا اے اوہ روضہ سانویں

.....☆.....☆.....

سوہنے دے مدینے جو نیں ٹھاہراں رکھدے  
 اوہ نور اُجالے تے بہاراں رکھدے  
 دنیا دے غماں توں اوہ دراڑے رہندے  
 سرکارؐ دے اُگے جو دچاراں رکھدے

.....☆.....☆.....

طیبہ چوں حقیقت تے طریقت لیئھے  
 طیبہ چوں محبت تے شریعت لیئھے  
 اخلاق مروت اُتے چاہت ، عزت  
 طیبہ چوں سدا آپؐ دی رحمت لیئھے

.....☆.....☆.....

مولا توں مرے تے ایہ عنایت کر دے  
 مینوں توں عطا آپ دی مدحت کر دے  
 ہر ویلے دروداں دے میں سوہلے گاواں  
 توں میرے نصیباں سچ ایہ عزت کر دے

.....☆.....☆.....

آقا دی شریعت تے عمل ہووے گا  
 فر پڑ تے ہر دزد دا حل ہووے گا  
 اوہ نور ہمیشہ ای توں سانویں رکھیں  
 اُس نور دا ہر گز نہ بدل ہووے گا

.....☆.....☆.....

ساڈے تے دے آقا دی اطاعت لازم  
 دل وچ اوہ بٹھانی اے شریعت لازم  
 جاں مال تے اولاد پنچھاور کرنی  
 ہے فرض اساڈے تے عبادت لازم

.....☆.....☆.....

راحت نہ ای رحمت نہ مروّت دے  
ہر پاسے قیامت ای قیامت دے  
کمزور پیا رشتہ غلامی والا  
دعویٰ نہیں فقط کدرے نہ سیرت دے

.....☆.....☆.....

خلقت پاروں آقا اُپے سبھ توں  
عظمت پاروں آقا اُپے سبھ توں  
صورت پاروں سوئے سبھ توں آقا  
سیرت پاروں آقا اُپے سبھ توں

.....☆.....☆.....

تہاڈا رستہ سوہنا سچا شاداب  
سبھے گلّاں محکم تے نایاب  
تہاڈا ہر اک کچھ اے سوہنا سچا  
تہاڈے دے اُن مل نہیں آداب

.....☆.....☆.....

مدحت دا خزینہ مرے ہتھے آیا  
چاہت دا قرینہ مرے ہتھے آیا  
انوار دی دولت سی لٹائی جاندی  
رحمت دا نگینہ مرے ہتھے آیا

.....☆.....☆.....

آقا دی ولادت دا مہینہ آیا  
ہر پاسے محبت دا، اے بدل چھایا  
خوشیاں دے چھڑے گیت نیں سہتے پاسے  
رحمت نے زمانے تے اے کیا سایا

.....☆.....☆.....

سرکار دے سبھ نقش ہدایت بھرویں  
انوار نبی دے نیں شفاعت بھرویں  
آقا دی قدم بوسی ملی جہاں نوں  
رستے اوہ حقیقت دے بصیرت بھرویں

.....☆.....☆.....



جذبے نیں سنوردے تے چمکدے منظر  
 آقا دی اطاعت ای بناوے گوہر  
 تسکین ملے دل نوں تے راحت جاں نوں  
 ایمان دا ودھدا اے جدوں وی جوہر  
 .....☆.....☆.....

خوش بخت نیں نجمی جو مدینے جاندے  
 اوہ پیار شفاعت دے گننے پاندے  
 جو نور فضاواں چ گزارن لمحے  
 اخلاص محبت دے خزینے پاندے  
 .....☆.....☆.....

دل وچ اے فقط تہاڑی محبت آقا  
 اکھیاں نے وی دیکھی اے حقیقت آقا  
 جنت اوہ مدینے دی نگاہواں چ سچی  
 ہوندی اے مقدر تے وی حیرت آقا  
 .....☆.....☆.....

آقا دی گواہی لئی پتھر بولے  
 مٹھی جج ابو جہل دی کنکر بولے  
 جس شے تے پیا آپ دا جلوہ نوری  
 اس شے چوں حقیقت دا اے جوہر بولے

.....☆.....☆.....

نعمت اے جو وڈی اوہ میں نعمت پائی  
 رحمت اے جو وڈی اوہ میں رحمت پائی  
 آقا دی ثنا گوئی خدا نے بخشی  
 عظمت اے جو وڈی اوہ میں عظمت پائی

.....☆.....☆.....

اخلاق دے جوہر وی لٹاندے آقا  
 افکار دے گوہر وی لٹاندے آقا  
 سبھناں تے عنایت دی نظر کردے نیں  
 رحمت دے سمندر وی لٹاندے آقا

.....☆.....☆.....

اندر دیاں روگاں نوں پچھانن والے  
 نہیرے نوں مٹاندے نیں اوہ چانن والے  
 ہر اکھ دے نبی پاک نے پونجے اتھرو  
 تکلیف دلاں دی نوں اوہ جانن والے

.....☆.....☆.....

کونین دے سرور دی فقیری لیہے  
 دل چاہوے مدینے دی اسیری لیہے  
 پاواں میں مدینے دی ہوا دے جھونکے  
 در پاک تے جے وقت اخیری لیہے

.....☆.....☆.....

آئے نبی جت دے درتچے کھلے  
 حق سچ دی عدالت دے درتچے کھلے  
 دنیا نوں نویں شان دی عظمت لیہی  
 دنیا لئی رحمت دے درتچے کھلے

.....☆.....☆.....

اُس شان مثالی تھیں نہ کوئی اُپڑے  
 اُس نقشِ جمالی تھیں نہ کوئی اُپڑے  
 جس سارے زمانے نوں اے خوشیاں دتیاں  
 اُس اُسوہِ عالی تھیں نہ کوئی اُپڑے

.....☆.....☆.....

عرفان جے پانا اے مدینے چلیے  
 ایمان جے پانا اے مدینے چلیے  
 جو نعمتاں و نڈ دے نیں مدینے وسدے  
 وجدان جے پانا اے مدینے چلیے

.....☆.....☆.....

سرکارِ دَا روضہ ای اے منزلِ دل دی  
 اس نامِ تھیں سجدی سدا محفلِ دل دی  
 اوہ نورِ ہدایت اے زمانے اندر  
 کردا اے سدا دور جو مشکلِ دل دی

.....☆.....☆.....

محبوبُ دی خوشبو تھیں بنائی دنیا  
محبوبُ دی خوشبو تھیں سجائی دنیا  
جنت دے وی کوثر دے وی مالک آقا  
محبوبُ دی خوشبو تھیں ودھائی دنیا

.....☆.....☆.....

دربارِ نبیٰ دا میں وسیلہ منگاں  
ایمان دا مولا توں خزینہ منگاں  
سرکارُ دے اخلاق کریمی چاہواں  
سرکارُ دی رحمت دا سفینہ منگاں

.....☆.....☆.....

ہر ویلے مرے لب تے درودی نغمے  
ہر وقت پرونا واں درودی گجرے  
دل یادِ نبیٰ تھیں رہوے آباد سدا  
ہر آن میں منگنا واں درودی لمحے

.....☆.....☆.....

سیرت اے نبیؐ دی جو بصیرتِ دِسدی  
 اُسوہ اے نبیؐ دا جو محبتِ دِسدی  
 اوہ آپؐ دا صدقہ اے جو توقیر ملی  
 رحمت اے نبیؐ دی جو وی چاہتِ دِسدی

.....☆.....☆.....

جنبنش اے قلم وچ ، کوئی مدحت لکھے  
 آقاؐ دی سعادت تے بصیرت لکھے  
 ایہ کم تے رہیا سبھ دے ای وٹوں باہر  
 کس حال چ آقاؐ دی فضیلت لکھے

.....☆.....☆.....

نفرت وی بجھی اگ تے محبت جاگی  
 سرکارؐ دے آیاں ای بصیرت جاگی  
 انوار دی بارش ہوئی دنیا اُتے  
 سستی سی جو لوکاں دی اوہ قسمت جاگی

.....☆.....☆.....

دربار مدینے دا حرم اے سوہنا  
 ہويا اے جہاناں تے کرم اے سوہنا  
 اکھیاں سچ سجائے نیں میں ایہدے جلوے  
 دربار مدینے دا قسم اے سوہنا

.....☆.....☆.....

طیبہ توں ای جیون دا طریقہ سیکھو  
 طیبہ توں ای چاہت دا قرینہ سیکھو  
 جو درس وی لینا اے نبی توں لینا  
 اُس در توں غلامی دا سلیقہ سیکھو

.....☆.....☆.....

آقا دی محبت نوں بٹھائیے دل وچ  
 انوار دی دولت نوں وسائیے دل وچ  
 الطاف تے اکرام تھیں دامن بھرئیے  
 مشعل وی عقیدت دی جلائیے دل وچ

.....☆.....☆.....

رحمت نیں خدا دی مرے مدنی آقا  
 نعمت نیں خدا دی مرے مدنی آقا  
 آقا دی اطاعت تے دے اللہ راضی  
 رافت نیں خدا دی مرے مدنی آقا  
 .....☆.....☆.....

جس نام تھیں مینوں اے عقیدت نجمی  
 جس نام تھیں مینوں اے محبت نجمی  
 اوہ نام محمد ﷺ اے اُجالے وٹڈا  
 اس نام تھیں سبھناں نوں اے چاہت نجمی  
 .....☆.....☆.....

قرآن نبیؐ پاک دا اُسوہ سوہنا  
 ایمان نبیؐ پاک دی مدحت کرنا  
 بیعت اے نبیؐ دی تے خدا دی بیعت  
 فیضان نبیؐ پاک دا وٹڈیا جاندا  
 .....☆.....☆.....



توصیف کراں آپ دی خوشبو پھیلے  
 رحمت دی گھٹا اٹھے تے ہر سو پھیلے  
 اک کاکہشاں کھلری اے چراغاں وانگوں  
 سیرت تے نبی پاک دی جو جو پھیلے

.....☆.....☆.....

رحمت دے حصاراں چ حیاتی گزرے  
 چاہت دی بہاراں چ حیاتی گزرے  
 اوہو ای قسم رب دی نہیں سوہنے لمحے  
 جو نور دياراں چ حیاتی گزرے

.....☆.....☆.....

رائج جے اوہ سوہنے دی شریعت ہووے  
 ہر پاسے محبت ای محبت ہووے  
 تلوار نہ خنجر تے نہ بندوق چلے  
 جے عام نبی پاک دی سنت ہووے

.....☆.....☆.....

میں عشقِ نبیؐ پاک دوامی منگاں  
 آقاؐ دی سدا ای میں غلامی منگاں  
 ہے اُو تہمتا مرے دل دی نجمی  
 ہر سال مدینے دی سلامی منگاں  
 .....☆.....☆.....

پہچان اساڈی اے نبیؐ دی سیرت  
 ایمان اساڈا اے نبیؐ دی طاعت  
 قرآنؐ دا رستہ اے اساڈی منزل  
 سرکارؐ دا اُسوہ اے ودھاوے عزت  
 .....☆.....☆.....

خوشبو تھیں مغطر نہیں فضاواں سہے  
 چاہت تھیں معنر نہیں فضاواں سہے  
 گلزار مہکدا اے نبیؐ دی سیرت  
 سیرت تھیں منور نہیں فضاواں سہے  
 .....☆.....☆.....

گزرے جو مدینے چ حیاتِ سؤنی  
 پے جاوے جو روضے تے ہے جھاتی سؤنی  
 سرکارِ دا اُسوہ رہوے نجی سانویں  
 جیون وی اوہ سوہنا تے مماتی سؤنی

.....☆.....☆.....

انوار محمد ﷺ دے دکھائے رب نیں  
 گلزار وی رحمت دے کھڑائے رب نیں  
 سرکارِ دی دانش دے نیں سارے چشمے  
 دریا نیں جو رافت دے بہائے رب نیں

.....☆.....☆.....

اک نور دا موسم اے دکھایا سانوں  
 اک پیار دا مرہم وی اے لایا سانوں  
 مجبور بنا کے وی اے سانوں رکھیا  
 شبنم دا اے قطرہ جو چکھایا سانوں

.....☆.....☆.....

قربان میں آقا دے بھرم رکھن تے  
 قربان میں سوہنے دے قدم رکھن تے  
 رحمت دی نظر سبھ تے نیں آقا رکھدے  
 قربان میں پیارے دے کرم رکھن تے

.....☆.....☆.....

توں دس بھلا کھٹیا تے کمایا کیہ اے  
 خالی ایں عمل توں تے بنایا کیہ اے  
 کجھ نعت دے غمصرے میں سنائے نجی  
 اک نور دا جھولا سی جھلایا کیہ اے

.....☆.....☆.....

رحمت اے نہ رافت اے تہاڈے جیسی  
 سیرت اے نہ صورت اے تہاڈے جیسی  
 آئے تے نیں لکھاں ای نبیؐ اللہ دے  
 پائی نہ نبوت اے تہاڈے جیسی

.....☆.....☆.....

عاجز نیں قلم آپ دی مدحت اُہی  
 مولا دی قسم آپ دی مدحت اُہی  
 اوصاف نبی پاک دے اللہ جانے  
 کردا جو رقم آپ دی مدحت اُہی

.....☆.....☆.....

آقا دی اطاعت دا اے رشتہ پکا  
 آقا دی محبت دا اے رشتہ پکا  
 کچے نیں ایہ دنیا دے جو رشتے سارے  
 اک آپ دی نسبت دا اے رشتہ پکا

.....☆.....☆.....

ہے خاک مدینے دی ای غازہ مکھ دا  
 اٹھدا اے مدینے توں ای بدل سکھ دا  
 طیبہ دی محبت اے عبادت نجمی  
 ایہ دور کرے قہر سراں توں دکھ دا

.....☆.....☆.....

در پاک تے بیٹھے نیں کبوتر سوہنے  
 در پاک تے بیٹھے نیں مجاور سوہنے  
 در پاک تے بن دے نیں ستارے گوہر  
 در پاک تے ڈگدے نیں جو اُتھر سوہنے

.....☆.....☆.....

آفت دی گھڑی ٹل گئی صدقے تہاڈے  
 مشکل سی بڑی ٹل، گئی صدقے تہاڈے  
 سرکار دی رحمت نے ای بنھے لایا  
 ازیمیش کڑی ٹل گئی صدقے تہاڈے

.....☆.....☆.....

آقا دی محبت تھیں ایہ مہل مہل مہکے  
 سوہنے دی نوازش تھیں مقدر چمکے  
 دنیا نوں مدینے توں ای عزت ملدی  
 آقا دی بدولت ایہ جوہر دکے

.....☆.....☆.....

تنویر ملی پاک نبی دے در توں  
 جاگیر ملی پاک نبی دے در توں  
 حل ہوئی مرے قلب دی اوکڑ او تھے  
 توقیر ملی پاک نبی دے در توں

.....☆.....☆.....

زخماں دا مداوا تے مدینے ہووے  
 سبھ داغ گناہواں دے اوہ سوہنا دھووے  
 بخشش دی سند بخشے اوہ جت نگری  
 ہسدا ای اوہ پرتے جو وی او تھے رووے

.....☆.....☆.....

اُسوہ نہ نبی پاک دا لکھیا جاوے  
 دانش دا تقاضا اے کہ سکھیا جاوے  
 ایہ شان تے نجمی اے بیانوں اگے  
 ایہ شان سمجھ آندی جے رچیا جاوے

.....☆.....☆.....

وکھرے ای مدینے دے قرینے دیکھے  
کچھ شوق دے منہ زور سفینے دیکھے  
لب کھول نہ سکے آہیں اوتھے جا کے  
پلاں تے محبت دے نگینے دیکھے

.....☆.....☆.....

قدیم مبارک نے بہاراں وٹیاں  
انوارِ نبیؐ پاک، پھہاراں وٹیاں  
ایمان تے قرآن دی دولت دے کے  
دنیا چ محبت دیاں دھاراں وٹیاں

.....☆.....☆.....

رحمت دے درتچے وی اساڈی خاطر  
عظمت دے درتچے وی اساڈی خاطر  
کھولے نیں نبیؐ پاک دے صدقے رب نے  
جنت دے درتچے وی اساڈی خاطر

.....☆.....☆.....



جے سوچئے سمجھناں دا بھلا کرنا اے  
 جے جایے حق اے جو ادا کرنا اے  
 دیا جو نبیؐ پاک نے اُس تے چلیے  
 جے سمجھئے وعدے نوں وفا کرنا اے  
 .....☆.....☆.....

ہر پاسے قیامت ای قیامت ویکھاں  
 ہر شخص دے ہوٹھاں تے ضرورت ویکھاں  
 دل ذکرِ نبیؐ تھیں جو نہ روشن کردے  
 اوہناں تے میں دنیا دی حکومت ویکھاں  
 .....☆.....☆.....

ایثار تے اخلاق مروت وٹڈے  
 اوہ ذات تے ہر ویلے ای رحمت وٹڈے  
 تعلیم رسالت دی جو سانویں رکھے  
 اوہ شخص زمانے چ مجت وٹڈے  
 .....☆.....☆.....

اوہ لوک اُجالے چ سفر کردے نیں  
جو پاک مدینے تے نظر کردے نیں  
آباد اوہ رکھدے نیں دلاں دی دنیا  
مدحت چ جو دن رات بسر کردے نیں

.....☆.....☆.....

آقا دے کمالاں دی نہ لبھدی حد اے  
آقا دی فضیلت تے جہانوں ودھ اے  
عظمت نوں وی عظمت ملی تہاڈے صدقے  
اس بات دا منکر ای تے رکھدا کد اے

.....☆.....☆.....

آقا دے تبسم تھیں اے رحمت و سدی  
آقا دے تکلم تھیں سماعت سچ دی  
آقا دی بدولت ای تے ملیا چانن  
آقا دی اطاعت تھیں شفاعت لبھدی

.....☆.....☆.....

قرآن ای صورت اے تے سیرت تہاڈی  
 قرآن تے خوشبو اے محبت تہاڈی  
 قرآن ضیا وند دا ہنیرے اندر  
 قرآن نوں بھل بیٹھی اے اُمت تہاڈی  
 .....☆.....☆.....

قرآن نشانی اے تے بعثت تہاڈی  
 قرآن تے ملیا اے بدولت تہاڈی  
 قرآن اُجالا اے تے نعمت سوئی  
 قرآن ای رحمت اے تے جنت تہاڈی  
 .....☆.....☆.....

سجدے میں کراں شکر دے رب نوں پاواں  
 میں اپنے مقدر توں وی صدقے جاواں  
 آقاؐ نے غلاماں ج بٹھایا مینوں  
 سوئے دے ای صدقے تے ایہ ملیاں تھاواں  
 .....☆.....☆.....

سرکارِ دا روضہ ای اے منزل دل دی  
اس نام تھیں سجدی سدا محفل دل دی  
ایہ ذکر پیارا ای اُجالے وٹے  
آسان تصور کرے مشکل دل دی

.....☆.....☆.....

تعلیم نبیٰ دی جے عوامی ہووے  
گھر گھر مرے اقبال تے جامی ہووے  
سرکارِ دنی سیرت تے جے چلدے رہے  
مٹ جاوے مقدر دی جو خامی ہووے

.....☆.....☆.....

مشعل جے دروداں دی مرے نال رہوے  
اوکڑ نہ زمانے دی مرے نال کھوے  
ایہ ذکر سدا دل نوں حیاتی دیوے  
محبوب بناوے تے سدا پیار لوے

.....☆.....☆.....

سرکارِ دی بعثت نے اُجالے وٹڈے  
 توحید دے سچے ای حوالے وٹڈے  
 اخلاق دے موتی وی لٹائے سبھ وچ  
 ایمان دے سمھناں چ نوالے وٹڈے

.....☆.....☆.....

سرکارِ مدینہ دی اطاعت کریئے  
 محبوبِ خدا پاک دی مدحت کریئے  
 اخلاقِ نبی پاک دا دیسے سبھ نوں  
 آقا دی اسیں عام شریعت کریئے

.....☆.....☆.....

سرکارِ دی چاہت کرے دل نوں روشن  
 سرکارِ دا اُسوہ ای ودھاوے چانن  
 سرکارِ دی نسبت تھیں نیں شرفاں سچے  
 سرکارِ دا صدقہ ای تے وسدے آنگن

.....☆.....☆.....

سرکارؑ دی عظمت دے ترانے گائیے  
 سرکارؑ دی چاہت چچ مقالے لکھیے  
 سرکارؑ دے حکماں تے پنچھاور ہوئیے  
 سرکارؑ دی سیرت توں ہدایت لہیے  
 .....☆.....☆.....

آقاؑ نے شریعت دی قبا بخشی اے  
 سرکارؑ نے رحمت دی ردا بخشی اے  
 لوکاں نوں طلبہ توں وی سوایا دتا  
 آقاؑ نے شفاعت دی ضیا بخشی اے  
 .....☆.....☆.....

آقاؑ دے توسل تھیں ہدایت منگیے  
 سرکارؑ دے اسوہ تھیں فضیلت منگیے  
 آقاؑ دی محبت تے شریعت تائیں  
 سرکارؑ دی مدحت آتے اُلفت منگیے  
 .....☆.....☆.....

اقوال نبیؐ پاک دے ازبر کریئے  
 اتھراں نوں محبت تھیں جے گوہر کریئے  
 طیبہ دی اسیری تے ملے گی تداہی  
 ہر نقش عقیدت دا جے بہتر کریئے

.....☆.....☆.....

آقاؐ تے فدا اپنیاں جاناں کردے  
 حرمت تے نبیؐ پاک دی کلدے مردے  
 عاشق تے فدائی نیں سدا توں نجمی  
 جو بحر عقیدت ج ہمیشہ تردے

.....☆.....☆.....

طیبہ ج سدا نور سویرا رہندا  
 دن رات ملائک دا اے پھیرا رہندا  
 جنت دی ہوا آکے سلامی دیوے  
 رحمت دا دی سایا اے گھنیرا رہندا

.....☆.....☆.....

قرآن نے دسی اے حقیقت تہاڈی  
قرآن حقیقت چ ہے مدحت تہاڈی  
قرآن ضرورت اے اساڈی نجمی  
قرآن صحیفہ اے تے رحمت تہاڈی

.....☆.....☆.....

قرآن گواہی اے امانت تہاڈی  
قرآن کراندا اے زیارت تہاڈی  
قرآن دی واجب اے اطاعت نجمی  
قرآن نے دسی اے شریعت تہاڈی

.....☆.....☆.....

سبھ دے تسیں مقصود جے میرے آقا  
حامد اے محمود جے میرے آقا  
رواق اے جہاناں دی تہاڈے پاروں  
سبھناں لئی مسعود جے میرے آقا

.....☆.....☆.....



اُلفت تھیں نیں سرشار ایہ اکھیاں ہوئیاں  
 رحمت تھیں ضیا بار ایہ اکھیاں ہوئیاں  
 خواباں تھیں تہاڈے میں سجا نا چاہواں  
 جلوے دی طلب گار ایہ اکھیاں ہوئیاں

.....☆.....☆.....

چلدا اے مرا ساہ صبا دے وانگوں  
 نکھرے نیں مرے لفظ ضیا دے وانگوں  
 توصیف نبیؐ لکھیاں ایہ عزت لہتی  
 مہکی اے مری خاک حنا دے وانگوں

.....☆.....☆.....

منزل اے مری درس ہدایت تہاڈا  
 راحت اے مری لطف شفاعت تہاڈا  
 احسان تہاڈے نیں زمانے اُتے  
 ہر نطق پڑھے حرف عنایت تہاڈا

.....☆.....☆.....

ڈگدے ہوئے لوکاں نوں اٹھایا سوہنے  
 اجڑے ہوئے لوکاں نوں وسایا سوہنے  
 سوہنے تے سہاماں دی رہوے گی بارش  
 ستے ہوئے بختاں نوں جگایا سوہنے

.....☆.....☆.....

پتھر وی حرا دے نیں مطر کہتے  
 طیبہ دے گلی، کوہچے معنبر کہتے  
 انوار دی ہر پائے ای بارش کہتی  
 عرشاں تے گئے رستے متور کہتے

.....☆.....☆.....

چاہتہ دا طریقہ وی تہاں ای دسیا  
 جیون دا سلیقہ وی تہاں ای دسیا  
 پائی اے ضیا دل نے تہاڈے درتوں  
 ہر قول انیقہ وی تہاں ای دسیا

.....☆.....☆.....

سیرت توں نبیٰ دی اوہ ضیا لیدے نہیں  
 طیبہ چ جو پلکاں نوں وچھا لیدے نہیں  
 آقا توں شفاعت دی روا اوہ پاندے  
 سینے چ محبت جو وسا لیدے نہیں

.....☆.....☆.....

دنیا چوں مدینے دی فضا چنگی اے  
 منگی جو مدینے سی دعا چنگی اے  
 نبیٰ نوں وی اوتھوں دی لگن اے رہندی  
 طیبہ جے ملے تے اوہ قضا چنگی اے

.....☆.....☆.....

سرکارؐ نے عرفان دی دولت بخشی  
 قرآن جہی آپؐ نے نعمت بخشی  
 ذہناں دے دریچے ای نہ کھلے ساتھوں  
 دنیا دے غماں نے ای نہ فرصت بخشی

.....☆.....☆.....

میں نعت لکھاں جد وی سجاواں میلہ  
 آقا دے میں آؤن دا مناواں میلہ  
 سرکارؐ دی سیرت دی میں خشبو ونداں  
 میں پیار دے گلزار تھیں لاواں میلہ

.....☆.....☆.....

سرکارؐ مدینہ دا میں صدقہ منگاں  
 اخلاق نبیؐ پاک تھیں دل نوں رنگاں  
 روشن میں کراں ءنور تھیں اپنا سینہ  
 کیوں اوں دوارے توں میں منکدا سنگاں

.....☆.....☆.....

اقرا دی شہادت تھیں حرا اے روشن  
 آج ثور تے آقا دی نوا اے روشن  
 ادہ نال خدا اے جو حفاظت کردا  
 سرکارؐ دا ہر قول دعا اے روشن

.....☆.....☆.....

نوری جن جد جو بن اُتے جاوے  
 پیارا مکھڑا اکھیاں اُتے آوے  
 جن فلکاں تے تکتا واں میں جد وی  
 آقا دا فر بچپن اکھ نوں بھاوے  
 .....☆.....☆.....

دیوانے تہاڑے نہ کسے ول نکدے  
 اوہ تانگھ مدینے دی دلاں وچ رکھدے  
 ہوٹھاں تے درودی اوہ سجانڈے نغمہ  
 اوہ مست مدینے دی فقط ے چکھدے  
 .....☆.....☆.....

اکھیاں چج مرے وسیا مدینہ سوہنا  
 دل مندری چج بجیا اے گنینہ سوہنا  
 آباد رہوے پیار تے رحمت ونڈے  
 آقا دا نگر سکھ دا خزینہ سوہنا  
 .....☆.....☆.....

آقا دی محبت دا اے انداز جدا  
 دیندے نین غلاماں نوں اوہ رحمت دی ردا  
 الطاف دے بدلاں نوں وسا کے آقا  
 ایہ سوکا دلاں وچوں مکا دیوہ ذرا

.....☆.....☆.....

اکھیاں چ سجایا اے ثنا دا گلشن  
 مدحت چ گن ہوئی اے دھڑکن دھڑکن  
 مینار ہدایت دا تہاڑی سیرت  
 اس نور نے دنیا نوں اے کیٹا روشن

.....☆.....☆.....

اک نام جو ہوٹھاں نوں حلاوت دیندا  
 اک نام جو جندڑی نوں اے راحت دیندا  
 اوہ نام محمد ﷺ اے جو جگ دے اندر  
 وڈدا اے سدا خلق تے برکت دیندا

.....☆.....☆.....

گلزار مدینے دا بہاراں ونڈے  
اکرام تے اعزاز تے عزت دیوے  
آقا دی محبت تے عطا اے نجمی  
جو نور اُجالا اُتے جت بخشے

.....☆.....☆.....

طیبہ دا سفر یاد کراں تے سوچاں  
آقا دا نگر یاد کراں تے سوچاں  
سوچاں سچ و سائے میں حرم دے منظر  
سرکار دا در یاد کراں تے سوچاں

.....☆.....☆.....

جد شوق تھیں آقا دی ثنا کرنا واں  
تقسیم مدینے دی ضیا کرنا واں  
سیرت دی مہک پیار دے موڈھے دھر کے  
مدحت دا سفر وانگ صبا کرنا واں

.....☆.....☆.....

سرکارِ دا دربار پناہواں دیوے  
 سرکارِ دے انوار دی بارش وے  
 سرکارِ دی گفتار اُجالے وٹدی  
 سرکارِ دے کردار دی خشبو پھیلے

.....☆.....☆.....

آقا سوہنے دی میں اُلفت چاہواں  
 طیبہ اندر اپنا ڈیرہ لاواں  
 کنتی ہووے نوری محفل اندر  
 روشن ہووے دل تے مہکن ساہواں

.....☆.....☆.....

فیضان رسالت دا اے وٹیا جاندا  
 رحمت دی گھٹا بن کے اوہ سبھ تے چھاندا  
 انوار تھیں دامن نوں اے بھر دا جہڑا  
 اوہ پیار شفاعت تے عقیدت پاندا

.....☆.....☆.....



فرمان نبیؐ پاک دے پیارے سارے  
ظلمت بچ سدا ایہ نہیں اُجالے وٹڈ دے  
محروم محبت توں نہ رہندے نجمی  
سرکارؐ دا اُسوہ جو نین دل وچ رکھدے

.....☆.....☆.....

سرکارؐ دی مدحت سدا زندہ رکھے  
ایہ نور نبوتؐ سدا زندہ رکھے  
دے جان نبیؐ دے ای توں رستے اُتے  
ایہ عشق شہادت سدا زندہ رکھے

.....☆.....☆.....

روشن دیوے گھر گھر جگدے پئے نین  
آقاؐ سبھ دی جھولی بھر دے پئے نین  
نعتاں دے پھل مہکن دامن اندر  
نوری غنچے دل وچ کھڑدے پئے نین

.....☆.....☆.....

آقا دی بدولت ای فضیلت پائی  
 آقا دی بدولت ای ہدایت پائی  
 آقا دے ای آون تھیں شریعت لہتی  
 آقا دی بدولت ای اے راحت پائی

.....☆.....☆.....

گلزار مدینے دا اے سوہنا سوہنا  
 بازار مدینے دا اے سوہنا سوہنا  
 ہر رنگ مدینے دا اے سوہنا نجی  
 گھربار مدینے دا اے سوہنا سوہنا

.....☆.....☆.....

طیبہ دی ہوا پیار دا امرت دیندی  
 طیبہ دی ہوا شان تے راحت دیندی  
 تسکین دے دل نوں اُجالے وڈے  
 طیبہ دی ہوا نور تے نکھت دیندی

.....☆.....☆.....

میں نوری قطاراں چ آں شامل ہویا  
 سرکار دے پیاراں چ آں شامل ہویا  
 اس دل دی خوشی دس نہیں ہوندی میتھوں  
 میں نعت نگاراں چ آں شامل ہویا

.....☆.....☆.....

آقا آئے سوئے موسم ہوئے  
 کھنکر جئے پل وچ ریشم ہوئے  
 آقا سوئے وٹھی اے ادہ رحمت  
 جس دے پاروں روشن عالم ہوئے

.....☆.....☆.....

وٹھی سوئے آقا اپنی چاہت  
 اکمل ہوئی اس دنیا دی صورت  
 ودھیا ہر اک ماڑے جی دا رتبہ  
 ہر اک دل وچ وستی خدمت اُلفت

.....☆.....☆.....

آقا دسیاں سکھے راہواں سُچیاں  
 سوئے سوئے پھلاں دے وچ رچیاں  
 آقا جتھے لایا پھیرا نجمی  
 اوہناں تھاواں شاناں پایاں اُچیاں

.....☆.....☆.....

مدنی ماہی حل دکھڑے کر دیندے  
 سانویں ہر شے لوکاں دے دھر دیندے  
 چارے پاسے ونڈی جانڈے چانن  
 سبھ دے سینے خوشبو تھیں بھر دیندے

.....☆.....☆.....

سچ سننے دی سانوں عادت لہٹی  
 سوئی ، عالی ، نوری رحمت لہٹی  
 سوئے آقا آئے دنیا اُتے  
 جنت ورگی سانوں نعمت لہٹی

.....☆.....☆.....

سوہنا مدنیؑ بن کے اُمیؑ آیا  
 کیتا جہاں رحمت دا اے سایا  
 سدھا رستا جہاں دیا سانوں  
 سچے رب دی جہاں رہ تے پایا  
 .....☆.....☆.....

نوری چشمہ ساڈا اے سرمایا  
 اُسوہ سوہنا رحمت دا اے سایا  
 جیدے اندروں سارے چشمے بھٹے  
 سوئے آقاؑ اوہ چائن ورتایا  
 .....☆.....☆.....

مشہودؑ دا ڈٹھا اَساں ہر تھاں جلوہ  
 صدیاں توں سی رب سوئے نے رکھیا پردہ  
 اس نور گواہی دی اے برکت ساری  
 مہتابِ محبت دا اے کرناں وٹڈا  
 .....☆.....☆.....

مختار نبیؐ پاک نہیں مالک مولا  
 دتے نہیں خزانے پیا وٹڈے سوہنا  
 قاسمؐ نہیں نبیؐ پاک لٹاندے رحمت  
 شاہدؐ نہیں نبیؐ پاک تے کلمہ سُچا

.....☆.....☆.....

اعلیٰ نبیؐ اولیٰ نبیؐ طیبؐ طاہرؐ  
 اکمل نبیؐ کامل نبیؐ سبھ دے ناصرؐ  
 ناطق نبیؐ عالم عنبیؐ حجت وی نہیں  
 مصباحؐ وی فاتحؐ وی سبھ دے رہبر

.....☆.....☆.....

یلینؐ وی ظہؐ نبیؐ صادقؐ سوئے  
 مومنؐ وی مبلغؐ نبیؐ عظمت والے  
 برهانؐ وی سلطانؐ وی میرے آقاؐ  
 منصورؐ وی ناصرؐ وی نہیں رحمت وٹڈے

.....☆.....☆.....

آقاؑ نیں غنی ایسے جو دامن بھر دے  
 آقاؑ نیں صفی نور دے چشمے وٹد دے  
 تسکین دلاں دی تے ہدایت سوہنی  
 آقاؑ نیں ہی سوہنے حفاظت کردے

.....☆.....☆.....

عجمی وی نیں عربی وی قریشی آقاؑ  
 ملکی وی نیں مدنی وی ترازوی آقاؑ  
 ہر پاسے نبیؐ پاک نیں جگمگ کیتی  
 شافع وی نیں خاتمؐ وی حجازی آقاؑ

.....☆.....☆.....

اولؑ وی نبیؐ پاک نیں سیدؑ سرورؑ  
 آخرؑ وی نبیؐ پاک نیں بہتر برتر  
 عرشاں دی بلندی تے وی کردے جلوہ  
 فرشاں تے وی ناں آپؐ دا پاک معطر

.....☆.....☆.....

لوکی سارے مہک مہک اُٹھے نیں  
نوری تارے چمک چمک اُٹھے نیں  
آقا سوہنے کمال کر دیتا اے  
بجھے چہرے دمک دمک اُٹھے نیں

.....☆.....☆.....

ستھے رُتاں نکھاریاں جن مدنی  
باتاں کہیاں نیں پیاریاں جن مدنی  
اُسوہ آقا دا نور دا چشمہ اے  
نوری کندھاں اُساریاں جن مدنی

.....☆.....☆.....

سچ دا چاٹن کھلاریا سوہنے نے  
شر دے نہیرے نوں ماریا سوہنے نے  
چمکن لگ پئے گونگے جذبے بھ دے  
جگ نوں آ کے نکھاریا سوہنے نے

.....☆.....☆.....



حق دا گلشن حضور دا صدقہ اے  
 سوہنا چانن حضور دا صدقہ اے  
 سُجے ویڑے دسائے نیں سوہنے نیں  
 دل ایہ روشن حضور دا صدقہ اے

.....☆.....☆.....

اُس شہر نوں جاون دے تقاضے وکھرے  
 اُس پاک دوارے دے نیں جلوے وکھرے  
 چاء دل دے کدے پورے نہ ہوندے نجمی  
 اُس نور دی وتی دے سویرے وکھرے

.....☆.....☆.....

سوہنے آقا دی ہر ادا روشن اے  
 چلدی طیبہ سچ جو ہوا روشن اے  
 جہڑی پڑھ کے درود میں منگی سی  
 میرے بگھاں تے اوہ دعا روشن اے

.....☆.....☆.....

لوکی رتبہ حضورؐ دا چمکھدے نیں  
اوہو جانن سمجھ جہڑے رکھدے نیں  
آقاؐ محبوبؐ نیں جدوں مولا دے  
تچی گل اے پئی بڑے اُچے نیں

.....☆.....☆.....

جا کے طیبہ ملے دلاں نوں راحت  
صدقہ سوئے دا ایؑ ودھی اے عزت  
قرآن وی ملایا اے نبیؐ دے صدقے  
ایمان دی لہٹی اے اُسانوں دولت

.....☆.....☆.....

سچ دے گوہر تھیں اے دامن بھریا  
حق دے پھلاں تائیں گلشن بھریا  
کیتے روشن عظمت والے تارے  
جہاں نے دل والا درپن بھریا

.....☆.....☆.....

رحمت والے حصار وچ رہنا واں  
چاہت والی بہار وچ رہنا واں  
ایہو میرا تے شوق اے بس نجمی  
سوئے آقا دے پیار وچ رہنا واں  
.....☆.....☆.....

تھاڈے آون تھیں عزتاں پایاں نیں  
تھاڈے ہوون تھیں رونقاں ہوئیاں نیں  
تھاڈی ہستی بہار وڈدی ڈٹھی  
تھاڈے کولوں ای نعمتاں ملیاں نیں  
.....☆.....☆.....

دل نوں دیندے نیں ایہ نظارے سوئے  
ناں ایہ تھاڈے نیں سبھ ای پیارے سوئے  
احمد ﷺ اے محمد ﷺ اے کہ حامد ﷺ آقا  
میری مشکل دے ایہ سہارے سوئے  
.....☆.....☆.....

مینوں تازہ ہواواں دیندے آ کے  
 رحمت بھریاں گھٹاواں دیندے آ کے  
 تہاڈے فرمان سبھ ای پیارے لکھن  
 پیاراں بھریاں اے چھاواں دیندے آ کے  
 .....☆.....☆.....

تہاڈی برکت میں جاوداں ڈٹھی اے  
 تہاڈی رحمت میں بیکراں ڈٹھی اے  
 سبھناں بھریا اے فیض تھیں جھولی نوں  
 تہاڈی چاہت اوہ مہریاں ڈٹھی اے  
 .....☆.....☆.....

تہاڈی رحمت نوں سبھ جگہ پایا اے  
 تہاڈی رحمت دا ہر جگہ سایا اے  
 تہاڈی رحمت اے سبھ جہاناں اُتے  
 تہاڈی رحمت نے چاننا لایا اے  
 .....☆.....☆.....

رستہ لوکاں نوں اوہ دکھاندا ڈٹھا  
 کھا کے پتھر اوہ مسکراندا ڈٹھا  
 جہڑا چلدا تہاڈے رستے اُتے  
 اوہ کد باطل توں خوف کھاندا ڈٹھا

.....☆.....☆.....

سوہنے تارے جو مسکراندے پئے نہیں  
 تہاڈے در توں ای نور پاندے پئے نہیں  
 میں ایہ تکیا نبی دے در تے سارے  
 خیراں منکدے تے سر نواندے پئے نہیں

.....☆.....☆.....

تہاڈے در تے اسیں جدوں ٹھہراں گے  
 تہاڈی رحمت دی خیر فر پاواں گے  
 تہاڈی ہستی اے اک سمندر وانگوں  
 تہاڈے کولوں اسیں سدا منگاں گے

.....☆.....☆.....

فکراں دی چانی اسیں منگے آں  
 علماں دی روشنی اسیں منگے آں  
 جو وی تکیے اوہ خواب نیں تہاڑے ای  
 طیبہ وچ زندگی اسیں منگے آں

.....☆.....☆.....

در تے آقا دے جد وی جاؤ گے تسیں  
 اپنی دنیا ای بدلی پاؤ گے تسیں  
 چنگ کے اوتھوں تھیں عطاواں دے پھل  
 اپنے سینے تھیں فر سجاؤ گے تسیں

.....☆.....☆.....

دل میرا جھوم جھوم جاندا آقا  
 سونی سیرت دی خیر پاندا آقا  
 پچھے دنیا دے جہڑا چلدا تکیا  
 دکھ اوہ پاہڑا تے غم اٹھاندا آقا

.....☆.....☆.....

طیبہ دے دل میں تے نظراں رکھدا  
عمران گذرن انجے ای جی کردا  
لنگھے جہڑا اُس رستے توں نجمی  
قطبی تارے وانگوں جگمگ جگدا

.....☆.....☆.....

آقا دے دربار دعاواں منگیے  
روحاں نیں بیمار شفاواں منگیے  
ظلمت اندر رہ کے کد تک چئیے  
بخشو ہن سرکار ضیاواں منگیے

.....☆.....☆.....

مکھڑا سرخی مائل روشن سوہنا  
رنگت سوہنی کردی چانن سوہنا  
نوری مکھڑا چن تائیں شرمائے  
جاگن سوون ، اکھیاں ویکھن سوہنا

.....☆.....☆.....

بخشو پیارے جام مدینے والے  
 ہوون دور ابہام مدینے والے  
 سوہنا ہووے سفر حیاتی والا  
 ہووے خیر انجام مدینے والے

.....☆.....☆.....

میں تے سبھ دی سلامتی منگنا واں  
 سوہنے در دی میں حاضری منگنا واں  
 گم آں دنیا دے میں نہیرے اندر  
 سوہنے آقا توں روشنی منگنا واں

.....☆.....☆.....

آقا دے فرمان سناندے پئے نیں  
 بخشش دا سامان بناندے پئے نیں  
 سوہنے کم ایج رُتھے نیں اوہ نمجی  
 لوکاں نوں قرآن پڑھاندے پئے نیں

.....☆.....☆.....



آقا دا کردار مثالی مہکے  
 آقا دے افکار مثالی مہکے  
 آقا دی ہر بات گلابوں سجری  
 آقا دا گلزار مثالی مہکے

.....☆.....☆.....

شاداب نظر اے تے متور رستے  
 رحمت دی گھٹا آن کے چہرے دھوتے  
 آقا نے جدوں جام شفاعت دیتا  
 رحمت دے لئی حرف نویں ای اُگڑے

.....☆.....☆.....

سوہنی رحمت دے جد اشارے ہوئے  
 جتھے ذڑے سی سبھ ستارے ہوئے  
 سوہنا در ویکھیا مقدر بدلے  
 اکیوں اوہلے اوہ کد نظارے ہوئے

.....☆.....☆.....

تہاڑی سیرت توں رہبری ملدی اے  
 تہاڑے اُسوہِ بتوں زندگی ملدی اے  
 سانوں ملدی اے آگہی دی دولت  
 تہاڑی ہر گل توں روشنی ملدی اے

.....☆.....☆.....

رب دا سچا جام پلایا آقا  
 اللہ دا پیغام، سنایا آقا  
 مے توحیدی آءِ ورتائی سبھ وچ  
 مولا دا انعام پچایا آقا

.....☆.....☆.....

سرتے، سوہنا تاج اے پایا رب نے  
 آقا نوں معراج کرایا رب نے  
 سبھ دے دل وچ نور نبی دا ڈیرا  
 آقا لئی ایہ راج بنایا رب نے

.....☆.....☆.....

عرشاں دے مہمان نبیؐ سوہنے نہیں  
 شاہاں دے سلطان نبیؐ سوہنے نہیں  
 قاسمؑ بن کے وٹن ہر اک نعمت  
 مولا دا احسان نبیؐ سوہنے نہیں  
 .....☆.....☆.....

کھچدا اے ایمان مدینے وّلس  
 اڈوی جاوے جان مدینے وّلس  
 ذہناں اندر آ کے سوہنے منظر  
 لے جاندے ہر آن مدینے وّلس  
 .....☆.....☆.....

سرکار دی خدمت بچ ذرا عرض گزار  
 مدحت دی ایہ دولت وی تے دیندی اے بہار  
 نکھت تے وفا تھیں جو زمانے نوں سجان  
 انوار تھیں بھر دین گے جھولی توں کھلار  
 .....☆.....☆.....

نوری رستہ نظر نظر تیکنے آں  
 تہاڈا چرچا۔ نگر نگر تیکنے آں  
 خوشبو کھلری اے چار سو تہاڈی ای  
 جلوہ سوہنا ڈگر ڈگر تیکنے آں

.....☆.....☆.....

طیبہ سوہنا کلی کلی سوہنی اے  
 سوہنی وتی گلی گلی سوہنی اے  
 جتھے لگے قدم عمرے آقا دے  
 تھاں اوہ جت بھلی بھلی سوہنی اے

.....☆.....☆.....

کھڑدے نہیں گلزار مدینے اندر  
 وکھرے نہیں انوار مدینے اندر  
 روشن روشن نکھری نکھری ہر شے  
 سوہنے دے دربار مدینے اندر

.....☆.....☆.....

اُس دھرتی دا پیار اے دل دا چانن  
 طیبہ دا گلزار اے دل دا چانن  
 اِس چانن وچ رَبا وادھا کر دے  
 سوہنے دا دربار اے دل دا چانن

.....☆.....☆.....

تکيا اے مدینے دا نظارا سوہنا  
 جگ اُٹھیا مقدر دا ستارا سوہنا  
 پائی اے ضیا دل نے مدینے والی  
 ملیا اے مرے دل نوں سہارا سوہنا

.....☆.....☆.....

تہاڈی رحمت ای راجتاں وٹڈوی اے  
 تہاڈی رحمت ای چاہتاں وٹڈوی اے  
 تہاڈی رحمت سکون دیندی سبھ نوں  
 تہاڈی رحمت حُجّتاں وٹڈوی اے

.....☆.....☆.....

تہاڈے حکماں توں دور جو رہندے نیں  
 بوہے غیراں دے جو جا کے یہندے نیں  
 ایہ نیں ظالم جو زہر پیندے ہس کے  
 عقلاں والے ایہ خود نوں جو کہندے نیں

.....☆.....☆.....

ناں اے تہاڈا جو برکتاں اے رکھدا  
 میری بخشش دا اے حوالا سوہنا  
 میری ہر اک دعا چ شامل ہووے  
 میری جھولی نوں ایہ پھلاں تھیں بھر دا

.....☆.....☆.....

تہاڈی رحمت اے دل مکاناں اُتے  
 تہاڈی رحمت اے سبھ جہاناں اُتے  
 تہاڈی رحمت دے سبھ گھنے سایے نیں  
 تہاڈی رحمت اے سبھ جاناں اُتے

.....☆.....☆.....

ویلا لیختے تے ایہ خوشی پاواں میں  
 میرے آقاؑ تہاڈیاں گلاں میں  
 تہاڈی ہستی دیاں کھجوراں کولوں  
 نیڑے بیٹھاں تے پیار تھیں پچھتاں میں  
 .....☆.....☆.....

جہڑے چنگے نصیب والے ہودن  
 تہاڈے نیڑے تے اوہ ای آکے بیٹھن  
 تہاڈی ہستی نوں جان جاندے جہڑے  
 اپنی منزل توں دور کد اوہ جاون  
 .....☆.....☆.....

چن تے تارے ایہ کہکشاواں سہتے  
 دسّں جو فضاواں تے خلاواں سہتے  
 تہاڈے قداماں دی دھوڑ نیں ایہ آقاؑ  
 فرش نیں یا عرشی تھاواں سہتے  
 .....☆.....☆.....

ستا اے مرا بخت جگانا چاہواں  
 میں ہجر دے سبھ داغ دکھانا چاہواں  
 پلکیں لا کے مٹی بٹھا والی  
 میں اپنیاں اکھاں نوں سجانا چاہواں

.....☆.....☆.....

بخشو مینوں دی رس سیرت والا  
 لوں لوں وے جذبہ مدحت والا  
 تہانوں پایا تے رب ملیا سوہنا  
 تہاڈا اُسوہ ہیرا وحدت والا

.....☆.....☆.....

آقاؐ . وٹے رتے تے توقیراں  
 آقاؐ بخش عزتاں تے جاگیراں  
 کیتے جذبے سوہنے سبھ دے آقاؐ  
 پائیاں دل نے سچیاں سبھ تنویراں

.....☆.....☆.....



فلکاں اُتے گونجے تہاڑا ناواں  
 من دی سدھر چائن نہاتا جاواں  
 ہر اک جی اے تہاڑے واری صدقے  
 ہر اک واسی تھا تھوں منکدا چھاواں  
 .....☆.....☆.....

سوہنا سوہنا آقا تہاڑا ناواں  
 ایہنوں چم کے مٹھا میں ہو جاواں  
 سوہنا سوہنا شاناں والا روضہ  
 دیوے شالا سانوں ٹھنڈیاں چھاواں  
 .....☆.....☆.....

رب نے دتیاں آقا تائیں شاناں  
 کلمہ پڑھیا سبھناں سچیاں جاناں  
 آقا اُتے داراں سبھ کجھ نجمی  
 آقا دا تے جلوہ وچ اسماناں  
 .....☆.....☆.....

خوشبو کھلری ہجروں اُتھرو ڈگیا  
تہاڑے سوہنے ناں نوں اکھیاں پڑھیا  
نھیرے گھریا میں ساں قسمت جاگی  
تہاڑا نوری مینوں چائن ملیا

.....☆.....☆.....

اک واری تے آقا سن لو زاری  
بھر دیو ایہ سکھنی جھولی ساری  
پاپی عیبی وچ اوگن دے پھٹی  
اُمت تہاڑی بھکھی اوڑاں ماری

.....☆.....☆.....

اپنے رستے اُتے ٹوریں سائیں  
سوہنی سیرت تھیں مینوں رُشناں  
جھاتی کرماں والی پائیں اُتے  
آیا تیرے ولیں چائیں چائیں

.....☆.....☆.....

نظراں چ دسائے نیں میں سوہنے منظر  
جاگی اے مرے دل چ ایہ مٹھی سدھر  
اکھیاں تھیں میں چٹماں گا مدینے تائیں  
جھولی چ بھراں سارے میں تچے گوہر

.....☆.....☆.....

آقاؑ نوں جہاناں دی ملی سرداری  
ہر دُکھیے دی کیتی اے سدا غم خواری  
منگیا اے اساں جو وی اوہ ملیا نجمی  
سوہنے دی سخاوت اے ابد تک جاری

.....☆.....☆.....

سوہنے آقاؑ خلق دے پیکر سوہنے  
سوہنے آقاؑ پیار دے مظہر سوہنے  
سوہنے آقاؑ نبیؑ زمانے بھر دے  
سوہنے آقاؑ سبھ دے رہبر سوہنے

.....☆.....☆.....

سبھ جھولیاں بھر دا اے اوہ در صدیاں دا  
 ہاں رحمتاں وڈ دا اے اوہ گھر صدیاں دا  
 اوتھے ای نہیں وسدے مرے آقا جہاں  
 اک رات ج کیتا سی سفر صدیاں دا

.....☆.....☆.....

سوئے دیاں باتاں دی میں چاہت رکھاں  
 سرکار دے ناواں تھیں محبت رکھاں  
 آقا دے ای بارے میں آں سوچاں سمجھاں  
 میں نعت نبی تھیں بڑی اُلفت رکھاں

.....☆.....☆.....

راحت میں مدینے دی ہوا توں پاواں  
 رحمت میں مدینے دی گھٹا توں پاواں  
 رکھنا واں میں اکھیاں نوں مدینے وئیں  
 چانن میں مدینے دی ضیا توں پاواں

.....☆.....☆.....

کردار نبیؐ پاک دا اچّا سبھ توں  
 دربار نبیؐ پاک دا سوہنا سبھ توں  
 قرآن نبیؐ پاک دی سیرت دس دا  
 ایثار نبیؐ پاک دا پیارا سبھ توں

.....☆.....☆.....

سرکارؐ توں طیبہ دا سفر منگنا واں  
 شہرت نہ ای دولت نہ ای زر منگنا واں  
 جس پاک صحابہؓ دے مقدر بدلے  
 رحمت دی اوہ سوہنی میں نظر منگنا واں

.....☆.....☆.....

آقاؐ دے میں انوار توں صدقے جاواں  
 طیبہ دے میں گلزار توں صدقے جاواں  
 صدیقؓ، علیؓ، عمرؓ، غنیؓ سی جتھے  
 سوئے دے میں دربار توں صدقے جاواں

.....☆.....☆.....

آقا جی سدا پیار فضا وچ رکھنا  
 بخشش اے رحمت دی قبا وچ رکھنا  
 مینوں طیبہ نگر دے وچ تھاں دینا  
 مینوں اپنی تسلیں رضا وچ رکھنا

.....☆.....☆.....

میرے آقا ازل توں جاری اے جو  
 گل سوہنی تے بہوں ای پیاری اے جو  
 گل اوہ چلدی اے نام توں تہاڑے ای  
 لے کے آوے فضا بہاری اے جو

.....☆.....☆.....

ایہو مرکز تے ایہ ای محور اے  
 ایہو ہادی تے ایہ ای رہبر اے  
 میری سوچاں تے میرے فکراں دا  
 اُسوہ سوہنا ای اصلی جوہر اے

.....☆.....☆.....

نعتاں اندر جہڑے وی آ جاوَن  
سارے سوہنا سوہنا رتبہ پاوَن  
تہاڈی سوہنی مدحت پاروَن آقا  
سوئے لگن سبھناں تائیں بھاوَن

.....☆.....☆.....

اپنی قسمت تے ناز کردے ڈٹھے  
دل وچ خوشیاں دے نور بھر دے ڈٹھے  
جہڑے پاندے نیں حاضری بٹھا دی  
چاہت دے دریا وچ تردے ڈٹھے

.....☆.....☆.....

تہاڈی چاہت اصلی دولت آقا  
اس تھیں ملدی سبھ نوں رحمت آقا  
سوہنی کملی دا صدقہ ای ہن تے  
میری جھولی پاؤ راحت آقا

.....☆.....☆.....

ایہ نور اُجالے مرے آقا دے نیں  
 سبھ پیار حوالے مرے آقا دے نیں  
 خوشبوواں تھیں بھریا جگ ایہ سارا  
 ایہ رنگ نرالے مرے آقا دے نیں

.....☆.....☆.....

بخشو جے اجازت تے مراداں پاواں  
 بن کے میں مسافر تے مدینے جاواں  
 جیون دا جو مقصد پورا ہووے  
 سوئے منظر و لیں اکھیاں لاواں

.....☆.....☆.....

سوئی نسبت دے پاروں ہوئے سوئے  
 بن کے چمکے نیں دیکھ لے اوہ تارے  
 کملی والے گزر گئے جس طرفوں  
 مہکاں وٹدے نیں اج وی اوہو رستے

.....☆.....☆.....



طیبہ دی فضا نور ہدایت و نڈے  
 طیبہ دی ہوا پیار تے راحت و نڈے  
 طیبہ نوں تے ویکھن دی سدا بھکھ و دھدی  
 طیبہ دی گھٹا جو د سخاوت و نڈے

.....☆.....☆.....

دل اکھیاں وچ وسدی سوہنی صورت  
 زندہ رکھدی دل نوں سوہنی مدحت  
 بھیجاں تحفے سوہنے لکھ لکھ نعتاں  
 اوے در تے جتھوں ملدی رحمت

.....☆.....☆.....

میٹھے چ کرو دل دے جو کھوہ نیں کھارے  
 اُمت دے کرو دور تسیں دکھ سارے  
 جھولی چ اساڈی تسیں خوشیاں پاؤ  
 منگدے آں محبت اسیں غم دے مارے

.....☆.....☆.....

طیبہ دی تے ہر شام سہانی ہوندی  
 انوار دی ہر ویلے روانی ہوندی  
 اٹھدی اے نظر جس دی وی گنبد وئیں  
 دکھری ای اوہدے کول کہانی ہوندی

.....☆.....☆.....

پھلاں تائیں دامن بھردے رہیے  
 آقا دا ناں دم دم چدے رہیے  
 دل زندہ اس سوہنے ناں تھیں رہندا  
 اس دریا دے اندر تردے رہیے

.....☆.....☆.....

سوہنا سوہنا سوہنے وٹیا چان  
 ہر پاسے ای کھڑیا سوہنا گلشن  
 لوکاں اندر وٹیاں نوری رشاں  
 جمیدے تائیں تن من ہوئے روشن

.....☆.....☆.....

دنیا اندر رحمت دا مینہ پایا  
 رحمت چاہت تائیں پلٹی کایا  
 میرے آقا تہاڈا پرچم سبھ توں  
 دنیا اندر اچا ہوندا آیا

.....☆.....☆.....

آقا تہاڈی ہر تھاں خشبو پھیلی  
 تہاڈا سوہنا ناں اے ساڈی پونجی  
 دل زندہ نیں اس تھیں سوئے آقا  
 جیون بیڑی اس تھیں چلدی رہندی

.....☆.....☆.....

مدحت ج میں آقا دی قصیدہ لکھاں  
 میں نعت دی صورت ج مقالہ لکھاں  
 اس نور تھیں کرنا داں دلاں نوں روشن  
 اُلفت تے عقیدت دا ترانہ لکھاں

.....☆.....☆.....

ملیا سبھ نوں رستہ عزّت والا  
 کھلایا سبھ تے در اوہ رحمت والا  
 سوہنے آقا آئے آج گئی دنیا  
 لمبھیا سبھ نوں ہادی حکمت والا

.....☆.....☆.....

حق دے چانن لائے ہر تھاں ڈیرے  
 ندے دیکھے شر بے سبھے نہیرے  
 تہاڈے آیاں چہکے گوئے جذبے  
 سبھ دے لگن طیبہ دے دل پھیرے

.....☆.....☆.....

آقا آئے دُستی دل دی دُستی  
 آقا آئے اُچی ہوئی پستی  
 ونڈیا چانن چھنڈیا نہیرا سوہنے  
 آقا آئے چکی نکھری ہستی

.....☆.....☆.....

دل دے اندر چائن لایا ڈیرا  
انساناں نوں مالک سمجھیں آیا  
آقا آئے رُتّاں نکھر گئیاں  
نوری کرناں سوہنا جھر مٹ پایا

.....☆.....☆.....

کملی والے آقا دے ای صدقے  
دنیا والے بن ، باغاں وچ بدلے  
عرشاں فرشاں دے سبھ ہیرے موتی  
مولا سارے آقا تائیں بخشے

.....☆.....☆.....

سوہنا ناں اے خلقت وچوں اچّا  
گھر گھر آقا ونڈیا موتی سُچّا  
میرا میرا سارے آکھن تہانوں  
دوری رکھے جہڑا اُٹھا پُچّا

.....☆.....☆.....

محبوبُ تے ہادی اُتے رہبر لکھاں  
آقاؐ نوں عنایت دا سمندر لکھاں  
دعویٰ میں محبت دا بھلا کیہ کرنا  
والی نیں اوہ جنت اُتے کوثر لکھاں

.....☆.....☆.....

وڈے تھاں تھاں چاں چن بطحا دا  
کردا سبھ نوں روشن چن بطحا دا  
رحمت اُس دی دے سبھناں اُتے  
بخشے ساڈے اوگن چن بطحا دا

.....☆.....☆.....

رب دے پاسے لاون والے آقاؐ  
نیکی و لئیں پاون والے آقاؐ  
مسکیناں محتاجاں دے نیں والی  
ڈگیاں تائیں چاون والے آقاؐ

رحمت دی برسات چ رہناواں میں  
 زندہ نوری نعت چ رہنا واں میں  
 لذت پاواں خوب حضوری والی  
 خوش خوش اپنی ذات چ رہنا واں میں

.....☆.....☆.....

غم دور بے کرنا تے پڑھو صل علی  
 دل نور تھیں بھرنا تے پڑھو صل علی  
 رحمت دا خزانہ بے ہے جھولی پانا  
 بے عشق چ ترنا تے پڑھو صل علی

.....☆.....☆.....

افکار توں اُچی اے بڑی تہاڑی ذات  
 اعجاز تکلم دا اے ہر تہاڑی بات  
 اوصاف تہاڑے تے کیہ جھاتی پینی  
 قرآن چ مولا اے لکھی تہاڑی نعت

.....☆.....☆.....

عربی نیں یاں عجی تسیں سبھ دے آقا  
 عرشی نیں یاں فرشی تسیں سبھ دے آقا  
 سکھ اے تہاڈا ای جہاناں اُتے  
 مکی نیں یاں مدنی تسیں سبھ دے آقا

.....☆.....☆.....

دل تے جے مرے نعتاں دا ہووے نزول  
 اس نور نوں چاہت تھیں کرنا میں وصول  
 مہکن بے ثنا دے میرے دل وچ بوٹے  
 فر سمجھیں دعاواں سبھ ہو گئیاں قبول

.....☆.....☆.....

جو پیار لٹاندے نیں ردا وی بن دے  
 نصیرے وی ہٹاندے نیں ضیا وی بن دے  
 آقا دی ایہ عظمت دے نشاں نیں سارے  
 رحمت جو لٹاندے نیں گھٹا وی بن دے

.....☆.....☆.....



طیبہ دا نگر حسن گمینہ سوہنا  
 ساڈی تے محبت اے مدینہ سوہنا  
 سبھناں توں ای ودھ کے وے اوہ چوکھٹ سوتی  
 تسکین دوے دل نوں اوہ زینہ سوہنا  
 .....☆.....☆.....

اکھاں دے پکارے اندر وسدے  
 دل جے سوہنے ڈھارے اندر وسدے  
 ہر عاشق دا سرمایا نیں آقا  
 بختاں والے تارے اندر وسدے  
 .....☆.....☆.....

در باز اے آقا دا توں اوتھے جاویں  
 اس پیار نگر دے توں وی ٹکڑے کھاویں  
 عرفان نبی دا جدوں حصے آوے  
 چم چم کے محبت تھیں اوہ سینے لاویں  
 .....☆.....☆.....

سبھ پاسے ای جلوہ مرے سوہنے دا اے  
 ہوٹھاں تے وی نغمہ مرے سوہنے دا اے  
 رب دی تے نبی دی اے محبت سوہنی  
 فرمان اے پیارا مرے سوہنے دا اے

.....☆.....☆.....

دکھیاں تے مریضیاں دے مداوا آقا  
 لاچار غریباں دے مسیحا آقا  
 رحمت نیں جہاناں دی جو بن کے آئے  
 بے آس جہاناں دے سہارا آقا

.....☆.....☆.....

پائی اے زمانے نے ہدایت تہاتھوں  
 لہتی اے حقیقت دی وی دولت تہاتھوں  
 نصیرے نوں مٹا کے تے شفاواں وٹڈو  
 ملدی اے جہاناں نوں تے رحمت تہاتھوں

.....☆.....☆.....

احمد ﷺ اے نبی سوہنیاں رکھدا دکھاں  
 حامد ﷺ اے نبی ٹھنڈیاں کردا اکھاں  
 محمود ﷺ ، محمد ﷺ ، دا اُجالا ہر تھاں  
 ایہناں نوں سلاماں نیں کروڑاں لکھاں

.....☆.....☆.....

قاسم اے نبی نعمتاں کاناں والا  
 عاقب اے نبی سوہنیاں شاناں والا  
 اسی اے نبی علم خزینے رکھدا  
 ونڈدا اے کرم نور جہاناں والا

.....☆.....☆.....

میرے دل نوں سرور دیندی آقا  
 تہاڈی چاہت دا نور دیندی آقا  
 تہاڈی رحمت دی پیار دی لوری اے  
 جہڑی عزت دا طور دیندی آقا

.....☆.....☆.....

ساڈے اُتے سخاوتاں کروے نیں  
 اپنی چاہت تھیں جھولیاں بھر دے نیں  
 آقا ساڈے غریب دے ساتھی نیں  
 رب توں اُمت دے واسطے منگدے نیں

.....☆.....☆.....

دھرتی سوہنی اوہ محترم تکتی اے  
 سوہنی نعمتِ فضا، ارم تکتی اے  
 دل وچ لاوے دُرود دی اوہ محفل  
 جتھے جتّ قدم قدم تکتی اے

.....☆.....☆.....

نوری، دیوے جگدے طیبہ اندر  
 چاہت دے ہڑھ وگدے طیبہ اندر  
 رحمت ہر دم لاندی جھڑیاں اوٹھے  
 نوری میلے لگدے طیبہ اندر

.....☆.....☆.....

فیضانِ نبیؐ دا اے صحابہؓ پایا  
 عرفانِ نبیؐ دا اے اساڈی مایا  
 سانوں جو غلاماں دی غلامی لبھئی  
 ایمان اُجالا اے جو ہتھے آیا

.....☆.....☆.....

طیبہ وٹوں ٹھنڈیاں داواں آئیاں  
 دل نیں میرے لکھاں خوشیاں پائیاں  
 ویکھن مڑ کے اکھاں جنتِ نگری  
 لطفِاں بھریاں سرتے رُتاں چھائیاں

.....☆.....☆.....

افضلِ اعلیٰ تھاواں اوہنوں ملیاں  
 ٹھنڈیاں ٹھنڈیاں چھاواں اوہنوں ملیاں  
 جنھے سوہنا کلمہ پڑھیا نجمی  
 مٹھیاں جنتی داواں اوہنوں ملیاں

.....☆.....☆.....

گنبد میں ہر اویکھ کے اکھیاں ٹھاراں  
انوار تھیں روشن کراں سُنیاں باراں  
میں قرب نبی پاک دی لذت چکھّاں  
روضے توں سدا اُٹھدیاں نوری دھاراں

.....☆.....☆.....

کتھے ایہ بھلا دستاں لبھن نجی  
کتھے ایہ بھلا راتیاں لبھن نجی  
سوہنے دے دوارے توں جو شاناں لبھن  
کتھے ایہ بھلا شوکتاں لبھن نجی

.....☆.....☆.....

پل پل رحمت اُتے نظراں رکھاں  
سوہنا نوری مکھڑا دیکھن اکھاں  
تہاڑی رحمت برکت سمھناں پاسے  
خیراں منگاں نوری شربت چکھاں

.....☆.....☆.....

انمول نیں اقوال نبی دے سارے  
 جیون نوں چمک دیندے نیں جیویں تارے  
 رہندے نیں جو ایہناں دے اُجالے اندر  
 پاندے نیں اوہ سوہنے دی شفا دے دھارے

.....☆.....☆.....

مشرق مغرب سارا آقا دا نور  
 شرکاں تائیں کیتا آقا نے دور  
 حامی ناصر حافظ میری سرکار  
 پاؤں جھاتی تے ہوندے غم کافور

.....☆.....☆.....

رتے تائیں تہاڈے کہڑا اپڑے  
 پیڑا اسرئی والا کہڑا ناپے  
 چاہت ، الفت ، نعمت ونڈی جاندی  
 رحمت والے ہلے کہڑا ویکھے

.....☆.....☆.....

بخشنے سانوں خُلقاں والے جوہر  
 جھولی پائے علماں والے گوہر  
 جھوٹے سارے نیویں پا کے بجے  
 لو توحیدی جد اپڑائی گھر گھر

.....☆.....☆.....

احمدؑ ناں وی فصاحتاں بھریا اے  
 حامدؑ ناں وی صباقتاں بھریا اے  
 سوہنے سوہنے نبیؑ دے ناں سارے ای  
 قاسمؑ ناں وی بلاغتاں بھریا اے

.....☆.....☆.....

طیبہ ذے ای ماہی دے نیں نوری جلوے  
 اس نور دے آ لیندے نیں نوری بوے  
 اس نور نے کیجے نیں دوارے روشن  
 اس نور دے آون تھیں نیں نہیرے نتے

.....☆.....☆.....



بخشو نوری جلوے سوہنے سوہنے  
 رہبر تھاڈے رستے سوہنے سوہنے  
 تھاڈے در توں سکھے خوشیاں پاندے  
 رحمت سدھے گھلے سوہنے سوہنے

.....☆.....☆.....

اس گل چ نہ رکھیا اے کدی وی جھولا  
 ساڈے نیں دلاں دے اوہ ای مالک مولا  
 آقا نیں اساڈے تے اوہ کملی والے  
 اس وچ اے کوئی فرق نہ رتی تولا

.....☆.....☆.....

جو نور لٹاندے نیں دعا وی بن دے  
 نہیرے وی ہٹاندے نیں ضیا وی بن دے  
 آقا دی ایہ عظمت دے نشاں نیں سارے  
 رحمت وی لٹاندے نیں گھٹا وی بن دے

.....☆.....☆.....

ہر ظلم دی ڈھائی اے تساں ای دیوار  
وٹدی اے محبت تے ودھایا اے پیار  
اخلاص آتے خلق دا اے وٹیا نور  
آقا نیں جہانں دے نبی تے غم خوار

.....☆.....☆.....

سوچاں میں درودی مٹھے لکھاں ہار  
لکھاں میں درودی نغے لکھاں ہار  
طیب نیں اوہ طاہر نیں حامد ، محمود  
کھلاں میں درودی تحفے لکھاں ہار

.....☆.....☆.....

آقا تہاڈا چراغ ای جگدا اے  
آقا تہاڈے چراغ ای جگتا اے  
نھیرے بھادیں ستم دے ودھ جاوے گے  
آقا تہاڈے چراغ ای رہنا اے

.....☆.....☆.....

تکے جے کر قرار ملدا سانوں  
 تک کے آئے وقار ملدا سانوں  
 طیبہ نگری دی شان ای وکھری اے  
 اوتھوں پل پل ای پیار ملدا سانوں

.....☆.....☆.....

اللہ والی رستی گھٹ کے پھڑیے  
 اکھیاں تائیں جے کر کھلا رکھے  
 سوئے آقا دا فرمانا کافی  
 رہبر من کے اوہناں تائیں چلیے

.....☆.....☆.....

جنہوں دل دے نیڑے رکھنا واں میں  
 جیدے کولوں چانن لینا واں میں  
 آقا دا اے اُسوہ پیارا پیارا  
 اس دی ٹھنڈک دل وچ بھرنا واں میں

.....☆.....☆.....

قرآن ج اوصاف رقم نہیں تہاڑے  
 رہبر جو بن اوہ تے قدم نہیں تہاڑے  
 رکھی اے تاں لاج اساڑی آقا  
 دنیا توں بچاندے جو کرم نہیں تہاڑے

☆.....☆

رکھدے شاناں اُچیاں کملیٰ والے  
 کردے گلّاں اُچیاں کملیٰ والے  
 نوری پارے ایہ نکل دسدے سانوں  
 رکھدے صفتاں اُچیاں کملیٰ والے

☆.....☆

سوہنی ہستی اے اُچی تے ذی شان  
 سوہنی ہستی توں سارے ای قربان  
 سوہنی ہستی نے رکھی سبھ دی لاج  
 سوہنی ہستی اے تیرا میرا مان

☆.....☆

گنبد ہرا دیکھاں تے میں اکھیاں ٹھاراں  
 چٹاں میں اوہ دھرتی تے سجاواں تاراں  
 جاگن جے مرے بخت مدینے جاواں  
 مہکن مرے ہردے دیاں رکڑ باراں

.....☆.....☆.....

آقا دی اطاعت چ میں جینا چاہواں  
 مولا دی عنایت چ میں جینا چاہواں  
 آقا نے محبت دے جو بالے دیوے  
 اوہناں دی حفاظت چ میں جینا چاہواں

.....☆.....☆.....

عنوان حقیقت دا اے نسبت سوہنی  
 سامان شریعت دا اے الفت سوہنی  
 قربان کراں جان میں آقا اُتوں  
 ایمان دی دولت تے دے چاہت سوہنی

.....☆.....☆.....

ڈڑے نیں مدینے دے تے سوہنے سارے  
 رحمت دے سدا وگدے نیں او تھے دھارے  
 لبھدی اے محبت سدا اوہناں تائیں  
 در پاک تے جانے نیں جو درداں مارے  
 .....☆.....☆.....

آقا دا وسیلہ ای مرے کم آندا  
 آقا دا ای اُسوہ حرے دل نوں بھاندا  
 نوری چھٹاں دل چوں اٹھن نجی  
 دل جد وی درودی مرا نغے گاندا  
 .....☆.....☆.....

لوکاں تائیں دتیاں آکے شاناں  
 کڈھیاں سوہنے نہیرے بھیاں جاناں  
 نوری بارش دتی سٹھے پاسے  
 رب نوں اکو منیا سبھ انساناں  
 .....☆.....☆.....

اکھیاں وچھ وچھ جاون طیبہ اندر  
 نوری جلوے پاؤن طیبہ اندر  
 روضے سانویں بہہ کے زائرِ سہتے  
 لوں لوں نوں رشناون طیبہ اندر  
 .....☆.....☆.....

بے سایا سن کیتے سبھ تے سائے  
 رحمت و نڈن دنیا اُتے آئے  
 دل شیشے دے اُتے جھاتاں پائیاں  
 سمھناں فر توحیدی نغمے گائے  
 .....☆.....☆.....

آقا سوہنے ناصح ، مُشفق ، ہادی  
 آقا سوہنے رہبر ، ناطق ، ماحی  
 عزت ، عظمت ، حکمت والا چشمہ  
 آقا سوہنے عالم ، واعظ ، والی  
 .....☆.....☆.....

پھلاں دی زبانی میں تے مدحت لکھاں  
 رنگاں دی زبانی میں تے چاہت لکھاں  
 اکھاں تھیں ندامت دے میں اتھر کیراں  
 چاواں دی زبانی میں تے اُلفت لکھاں

.....☆.....☆.....

دیکھی اے عجب نجمی مدینے دی فضا  
 لہدی اے مدینے توں ای دکھاں دی شفا  
 اوتھوں ای بہاراں نوں وی ملدی اے بہار  
 وصفان نے دی پائی اے مدینے توں ضیا

.....☆.....☆.....

بخشش دا وسیلہ اے محبت تہاڈی  
 اُمت نوں تے ڈھکے گی شفاعت تہاڈی  
 اوہناں تے سدا لطف دی بارش دے  
 جہاں دا وظیفہ رہے مدحت تہاڈی

.....☆.....☆.....



دنیا اے اگٹھی تے گنہ آقا  
ازلاں توں اے بھیاں دا خزینہ آقا  
مالک نیں اوہ کوثر دے خدا دی قسے  
ٹھنڈک اے مری اکھ دی مدینہ آقا

.....☆.....☆.....

دل وچ اے مرے یاد نبیٰ دا چان  
اکھیاں چ مرے پیار گلی دا چان  
رحمت دی ایہ بارش رہے انجے وسدی  
منگتے نوں ملے در توں سخی دا چان

.....☆.....☆.....

اک نور وظیفہ اے جو رکھے روشن  
اک پیار دا دریا اے جو بھر دا دامن  
اک مہر دی بدلی اے جو رہندی سرتے  
اک لطف سراپا اے جو بن دا ضامن

.....☆.....☆.....

آقا دے دوارے تے تسیں جے جاؤ  
 جھولی چج مراداں دیاں خیراں پاؤ  
 رکھنا تسیں مینوں وی دعاواں اندر  
 اُس نور دے ہالے چج جدوں وی آؤ

.....☆.....☆.....

پیارے آقا کیے گھر گھر سوہنے  
 سوہنے آقا کیے، منظر سوہنے  
 سوہنی چن سرکاراں جلوہ کیئا  
 میرے آقا کیے در در سوہنے

.....☆.....☆.....

چمدے نیں محبت تھیں جو سوہنے ناں نوں  
 اکھیاں تے وی لاندے نیں اوہ پیارے ناں نوں  
 اس ناں دی حفاظت دلوں جانوں کر دے  
 رکھدے نیں سدا اچا ای اُپے ناں نوں

.....☆.....☆.....

اوہ نور حرا دا سدا رہبر بنیا  
 جس حسن دے صدقے ای ایہ منظر بنیا  
 اوہ نور چمکدا اے چمکدا رہنا  
 اک پیار اُجالا سی جو پیکر بنیا  
 .....☆.....☆.....

ہر لمحہ مدینے چ گزاراں میں تے  
 وگڑی ہوئی قسمت نوں سنواراں میں تے  
 اس نور دے جلوے میں سمیٹاں دل وچ  
 فر روح نوں ایہدے تھیں نکھاراں میں تے  
 .....☆.....☆.....

سرکارُ میں اُلفت دی روانی چاہواں  
 خوشبو دا سفر رات دی رانی چاہواں  
 بارش دی طراں تازگی دیواں سبھ نوں  
 مدحت جے کراں حسن بیانی چاہواں  
 .....☆.....☆.....

سامان شریعت دا نبی دی الفت  
 عنوان حقیقت دا نبی دی نسبت  
 قربان کراں جان نبی دے ناں تے  
 ایمان دی دولت اے نبی دی چاہت

.....☆.....☆.....

سرکار دی چاہت دے نیں وگدے دھارے  
 سرکار دی رحمت نے سفینے تارے  
 پھیلے نین جہاناں تے سدا توں نجی  
 سرکار دی الفت دے آں مانگت سارے

.....☆.....☆.....

ہوٹھاں تے دروداں دے سجائے مہل نیں  
 لفظاں تھیں دروداں دے بنائے مہل نیں  
 آقا دی جنابوں ای تے تحفہ ملیا  
 نعتاں تے دروداں دے کھڑائے مہل نیں

.....☆.....☆.....

میں نور عقیدت تھیں اُجالے وٹڈاں  
 جو عشق چ لکھے اوہ مقالے وٹڈاں  
 خیرات جو مدحت دی ملی اے مینوں  
 اک شوق اے اوہنوں میں دوالے وٹڈاں

.....☆.....☆.....

ڈھکدا اے سدا سایہ رحمت مینوں  
 دیندا اے سدا چین تے راحت مینوں  
 ایہ نام تہاڈے دی اے برکت آقا  
 ملدی اے زمانے چ جے عزت مینوں

.....☆.....☆.....

آندی جو مدینے توں اوہ نکھت پاواں  
 سیرت دے چگاں پھل تے میں قربت پاواں  
 آقا دی جو مدحت دا اثاثہ ملیا  
 جھولی چ سدا اوہو میں دولت پاواں

.....☆.....☆.....

”باراں“ نوں میں چاہت اُتے خشیاں پاواں  
 منگاں میں دعاواں تے میں نعتاں گاواں  
 ہر سنگی تے ساتھی نوں مبارک آکھاں  
 لاواں میں سمبلاں تے کراں میں چھاواں

.....☆.....☆.....

درداں دی دوا ملدی اے سوہنے درتوں  
 پتھراں نوں نوا ملدی اے سوہنے درتوں  
 کیہے تساں روشن نہیں مقدر ساڈے  
 ذہناں نوں چلا ملدی اے سوہنے درتوں

.....☆.....☆.....

رحمت دے سہارے ای اے چلدی بیڑی  
 نسبت دے سہارے ای اے تروی کشتی  
 مولا نے کرم کیا اُساں تے نجی  
 ساڈے لئی مدینے ج اے جنت رکھی

.....☆.....☆.....

آقا سوئے طیب ، طاہر ، داعی  
 آقا سوئے فاتح ، حاشر ، مہدی  
 ناصر ، خاتم ، جنت ، کامل ، عادل  
 آقا سوئے صاحب ، صادق ، امی

.....☆.....☆.....

سرخی مائل چٹا ، روشن سوہنا  
 سوہنی رنگت کردی چانن سوہنا  
 نوری مکھڑا دیکھن دی ات خواہش  
 جاگن ، سوون ، اکھیاں دیکھن سوہنا

.....☆.....☆.....

سوئے بچے رستے ٹرنا سکھ لے  
 عشقے والی اگ وچ تپنا سکھ لے  
 جہڑی آقا دُستی اوہ بھلیائی  
 اس تھیں اپنا دامن بھرنا سکھ لے

.....☆.....☆.....

سرکارِ دی مدحت چ میں رُجھیا رہندا  
 سرکارِ دی چاہت چ میں بھجیا رہندا  
 میں نعت وسیلے تھیں ایہ عزت پائی  
 سرکارِ دی خدمت چ میں لکيا رہندا

.....☆.....☆.....

دھڑکن دھڑکن آقا آقا گونجے  
 گلشن گلشن رحمت رحمت ہووے  
 روشن روشن منظر منظر ویکھاں  
 دامن دامن بخشش بخشش منگے

.....☆.....☆.....

کھلرنی اے محبت دلی چارے پاسے  
 اک نور دی چادر تنی چارے پاسے  
 آقا دے ای آون دیاں لشکاں سبھے  
 منکھّاں تے دی پھیلی خشی چارے پاسے

.....☆.....☆.....



سوچنے دربار دی جھلک ویکھ سکاں  
 طیبہ دی میں زمیں فلک ویکھ سکاں  
 رحمت دے مہل چنگاں پڑھاں درتے سلام  
 ساوے گنبد دی ہر ڈھلک ویکھ سکاں

.....☆.....☆.....

گنبد خضرا سوہنا بھاگاں والا  
 عظمت دے وچ روضہ سبھ توں بالا  
 اکھیاں ٹھارے جالی روضے والی  
 ودھدا جاوے اس دا رتبہ شالا

.....☆.....☆.....

لذت مرا دل وی تے عجب پاندا اے  
 آقا دا مرے لب تے جے ناں آندا اے  
 پھرناں واں جدوں نور دے ہالے اندر  
 رگ رگ چ مری نور سما جاندا اے

.....☆.....☆.....

تُجے ہادیٰ تائیں صدقے جاواں  
 سوہنے اُمّیٰ تائیں صدقے جاواں  
 جہاں کیتی اُمّت دی غم خواری  
 آقا مدنی تائیں صدقے جاواں

.....☆.....☆.....

سوہنا اُسوہ جس دے دل نوں بھاوے  
 بختاں والا اُچیاں، شانناں پاوے  
 سوہنا کلمہ پڑھیا جہڑے بندے  
 اوہنوں سوہنا منزل تے لے جاوے

.....☆.....☆.....

حُب سوہنے دئی دل وچ ودھدی جاندی  
 الفت چاہت دل نوں اے بھرماندی  
 روشن نوری سوہنے ناں جد پڑھیے  
 رحمت ودھ کے سینے ٹھنڈاں پاندی

.....☆.....☆.....

سرکارِ دی مدحت تھیں سجاواں سینے  
 سرکارِ دی سیرت نوں میں لادواں سینے  
 میں شوق دے دامن نوں کھلاراں نجمی  
 سرکارِ دی عظمت نوں بٹھاواں سینے

.....☆.....☆.....

آقا دی محبت تے شفاعت چاہواں  
 آقا توں میں الطاف عنایت چاہواں  
 لائدا ای رہواں شہرِ نبی دے پھیرے  
 اُس پاک فضا دی میں لطافت چاہواں

.....☆.....☆.....

توصیفِ نبی دے میں قرینے منگاں  
 آقا توں محبت دے خزینے منگاں  
 ساہواں نوں معطر نہیں جو کردے نجمی  
 مولا توں میں ایسے ای نگینے منگاں

.....☆.....☆.....

اقوال نبی دے نیں وضاحت کردے  
 اقوال نبی دے ای حقیقت دسدے  
 قرآن دی تفسیر وی آقا کیتی  
 اقوال نبی دے نیں فصاحت رکھدے

.....☆.....☆.....

آقا دی محبت دا سمندر دیکھاں  
 سوئے دی سخاوت دے میں منظر دیکھاں  
 میں نور دے ہالے چوں نہ باہر آواں  
 سرکار دے اُسوہ دے جے تیور دیکھاں

.....☆.....☆.....

اُسوہ اے نبی پاک دا خشبو بھریا  
 قرآن چ اُس دا اے دیباچہ لکھیا  
 مشعل اے ہدایت دی اوہ سیرت سونی  
 ہر آن خدا نے جنہوں اُچّا کیتا

.....☆.....☆.....

طیبہ دے تصوّر نے فضا بدلی اے  
 ہر چیز دی دیکھی میں ادا بدلی اے  
 مضمون تمنا دے نہیں بدلے سارے  
 ہوٹھاں تے مرے جد وی دعا بدلی اے

.....☆.....☆.....

ارمان زیارت دا اے ودھدا جاندا  
 اتار مسافت دا اے ودھدا جاندا  
 انعام دی بارش وی اے ودھدی جاندی  
 فر شوق عبادت دا اے ودھدا جاندا

.....☆.....☆.....

ایمان سدا ہوندا ادھناں دا نصیب  
 رہندے جو نبی پاک دے ہر آن قریب  
 سمجھن جو مبارک اے آقا دا وجود  
 کہندے نیں جو آقا ای ساڈے نیں حبیب

.....☆.....☆.....

دھرتی نہ فلک کوئی مدینے ورگا  
 موتی نہ کوئی ایس نگینے ورگا  
 رب ایس دا درجہ اے ودھایا سبھ توں  
 کوئی نہ مدینہ اے مدینے ورگا  
 .....☆.....☆.....

سید بن کے آئے وچ انساناں  
 کڈھیاں آکے نہیرے، پھیاں جاناں  
 آقا آئے نورٹی بارش دتی  
 ماڑے پئے سھناں پایاں شاناں  
 .....☆.....☆.....

عشے والی اک وچ تپنا سکھ لے  
 رب دے تپے رستے ٹرنا سکھ لے  
 جہڑی آقا دتی اوہ بھلیائی  
 اُس تھیں اپنا دامن بھرنا سکھ لے  
 .....☆.....☆.....

نفرت دی بجھی اک تے محبت جاگی  
 سرکار دے آیاں ای بصیرت جاگی  
 انوار دی بارش ہوئی دنیا اُتے  
 سستی سی جو لوکاں دی اوہ قسمت جاگی

.....☆.....☆.....

دربار مدینے دا حرم اے سوہنا  
 ہویا اے جہاناں تے کرم اے سوہنا  
 اکھیاں ج سجائے نیں میں ایہدے جلوے  
 دربار مدینے دا قسم اے سوہنا

.....☆.....☆.....

تہاڑی چاہت دا معجزہ ویکھاں گا  
 تہاڑی رحمت نوں واج میں ماراں گا  
 ساہواں نٹن دے ویلے ہوٹھاں تے میں  
 تہاڑی اُلفت دا جام ای رکھاں گا

.....☆.....☆.....

انوار لٹاوے سوہنا مدنی نور  
ایمان ودھاوے سوہنا مدنی نور  
شاداب کرے دل وی تے ساڈی روح  
افکار سجاوے سوہنا مدنی نور

.....☆.....☆.....

سرکار مری روح مرا سوز کہوے  
تفسیر مرے دل دی تے ہر روز کہوے  
اقبال تے اک ہوڑ عنایت دی نظر  
ہن درد کرو دور ایہ دل دوز کہوے

.....☆.....☆.....

آقا دا جد ہوٹھاں تے ناں آندا  
رگ رگ اندر چائن فر آ جاندا  
اس پاک تصور دے ای ہالے اندر  
دل ذکر چ لذت وی عجب اے پاندا

.....☆.....☆.....



اخر ب دے وزن

مفعول مفاعِلن مفاعیل فعل  
اوصاف نبی دے لکھ تے لکھ نور نبی  
پڑھدے نیں درود آپ تے خوب سبھی  
رحمت دی ازل توں ای سی بدلی جو چڑھی  
اُمّت دے لئی بنی اے اوہ خاص خوشی

.....☆.....☆.....

مفعول مفاعِلن مفاعیل فعول  
مہکن گے سدا ای اوہ محبت دے گلاب  
وَسَن گے اساڈے تے وی رحمت دے سحاب  
ہر گام جے بالاں گے عقیدت دے چراغ  
رکھّاں گے جے سینے چ اسیں پاک کتاب

.....☆.....☆.....

مفعول مفاعِلن مفاعیلن فع  
پاواں جے حضوری تے اُجالا منگاں  
دربار نبی توں میں تے دریا منگاں  
لا ریب اوہ بھر دے نیں سبھاں دی جھولی  
ویکھن نوں ملے جے تے سراپا منگاں

.....☆.....☆.....

مفعول مفاعیلن مفاعیلن فاع  
 دربار حضورؐ دا دوے جلوے خاص  
 دربار حضورؐ توں ملن رتے خاص  
 دربار حضورؐ دا شفاعت دا نور  
 دربار حضورؐ تے بن لہجے خاص

.....☆.....☆.....

مفعول مفاعیل مفاعیل فعل  
 سرکار سدا خیر سدا خیر پوے  
 سرکار سدا نور سدا نور دے  
 غم خوار دے در توں ای ملے پیار سخا  
 سرکار سدا لطف سدا لطف رہوے

.....☆.....☆.....

مفعول مفاعیل مفاعیل فاعول  
 سردار مرے پاک نبیؐ پاک رسولؐ  
 دلدار مرے پاک نبیؐ پاک رسولؐ  
 انوار عطا نور دعا پیار گلاب  
 غم خوار مرے پاک نبیؐ پاک رسولؐ

.....☆.....☆.....

مفعول مفاعیل مفاعیلن فع  
 اعجاز نبی پاک نوں ملیا سوہنا  
 معراج لئی آپ نوں سدیا مولا  
 آقا دی حقیقت تے رسالت دتی  
 انوار نبی پاک تھیں مطلع کیا

.....☆.....☆.....

مفعول مفاعیل مفاعیلن فاع  
 جو عشق محمد ﷺ ج رہے گا سرشار  
 اوہو ای تے جنت دا بنے گا حق دار  
 طوفان وی اوہدے توں تے رہندے نیں دور  
 سلطان مدینے دے جہدے نیں غم خوار

.....☆.....☆.....

مفعول مفاعیلن مفعول فعل  
 مینوں وی محبت تھیں ضو بار کرن  
 میری وی شفاعت ہن سرکار کرن  
 اڈرا میں غلاماں چوں اسوار دساں  
 اک نعت دے حلقے دا سالار کرن

.....☆.....☆.....

مفعول مفاعیلن مفعول فاعل  
 تسکین دلاں دی تے رحمت نین رسول  
 رہبر نین اساڈے تے راحت نین رسول  
 اس دل دا وظیفہ اے نغمہ اے درود  
 سایا نین سراں تے اوہ طاقت نین رسول  
 .....☆.....☆.....

مفعول مفاعیلن مفعولن فاعل  
 رستہ تے وفاداں دا دیا ادھناں  
 ہر اسم دعاواں دا دیا ادھناں  
 لوکی تے بھٹکدے سن نہیرے اندر  
 ہر رنگ ضیاواں دا دیا ادھناں  
 .....☆.....☆.....

مفعول مفاعیلن مفعولن فاعل  
 سرکار مرے نین سبھناں توں ممتاز  
 جبریل توں اُچی آقا دی پرواز  
 سوتی اے مرے آقا تہاڈی بس ذات  
 رب نوں دی اے پیارے آقا اُتے ناز  
 .....☆.....☆.....

اخرم دے وزن

مفعولن فاعلن مفاعیلن فعل  
میرے اُتے کرو عنایت دی نظر  
طیبہ وئیں کراں میں ہر سال سفر  
مینوں بخشو تسیں شفاعت دی ردا  
ہو دے ایہ زندگی اطاعت ج بر

.....☆.....☆.....

مفعولن فاعلن مفاعیلن فعولن  
رحمت دے پھل چٹکاں پڑھاں درتے سلام  
روضے دے سامنے رہواں بن کے غلام  
لکھاں میں نعت آپ دی پاک رسول  
ہو جائے زندگی مری انج تمام

.....☆.....☆.....

مفعولن فاعلن مفاعیلن فع  
بھ دے مشکل کشا نبی سوئے جے  
ساڈے تے رہنما نبی سوئے جے  
سوئے اُسوہ توں روشنی لینے آں  
جہڑا کیا عطا نبی سوئے جے

.....☆.....☆.....

مفعولن فاعلن مفاعیلن فاع  
 طیبہ دی خاک چم لواں پاواں نور  
 سوہنے دی نعت جد کہواں پاواں نور  
 دل اکھیاں نوں ملے گی سرشاری فیر  
 طیبہ نگری میں جا بہواں پاواں نور  
 .....☆.....☆.....

مفعولن مفعول مفاعیل فعل  
 سوہنے دے در توں ای ملے نور ضیا  
 آقا دے قدمین، ج ہے پیار شفا  
 نجمی تے دن رات دعا ایہو کرے  
 کلمہ میں پڑھدے ای مراں ایہو دعا  
 .....☆.....☆.....

مفعولن مفعول مفاعیل فاعول  
 اعلیٰ اے کردار نبی پاک رسول  
 نبیاں دے سالار نبی پاک رسول  
 سوہنے دا ای نور ضیا بار کرے  
 کردے نیں ضو بار نبی پاک رسول  
 .....☆.....☆.....

مفعولن مفعولن مفاعیلن فع  
 اُمت دے سلطان مدینے والے  
 سوہنے تے ذیشان مدینے والے  
 اوسے در توں خیر ملے گی سانوں  
 رحمت دی نیں کان مدینے والے  
 .....☆.....☆.....

مفعولن مفعولن مفاعیلن فاع  
 پیارے پیارے پاک نبیؐ رکھدے مان  
 اوہناں اُتوں وار دیاں ، میں ایہ جان  
 عظمت نالے شان نبیؐ ، رکھاں یاد  
 بخشش دا لاریب فقط ایہ سامان  
 .....☆.....☆.....

مفعولن مفعولن مفعولن فعل  
 ونڈدا ہر اک تھاں رحمت نور نبیؐ  
 ساہواں تائیں دے لذت نور نبیؐ  
 مردہ دل دے لئی ایہ دے آب بقا  
 جنت کیہ ! نجمی جنت نور نبیؐ  
 .....☆.....☆.....

مفعولن مفعولن مفعولن مفعول  
 ہر ویلے ای میں لکھاں نعت درود  
 محفل سجدی جد آکھاں نعت درود  
 دنیا اندر سوہنے دے وصف گلاب  
 سنکیاں تائیں میں گھلاں نعت درود  
 .....☆.....☆.....

مفعولن مفعولن مفعولن مفعول  
 اُمت دے لئی بخشش منکن والے  
 رحمت و نڈ دے عمت و نڈن والے  
 فلکاں، شجراں، حجراں، عرشاں اُتے  
 ہر اک شے نوں سانویں ویکھن والے  
 .....☆.....☆.....

مفعولن مفعولن مفعولن مفعول  
 دلبر جانے دلبر دے سبھ انداز  
 کہدا جانے آقا دی جو پرواز  
 سدرہ اُتے ویکھن چے جبرائیل  
 سدرہوں اگے، ہن آقا دا آغاز  
 .....☆.....☆.....





